

5
CAROLI STRACK

*Medic. Doctoris, & in Universit. Moguntina Instit.
medic. Profess. Publ. Eminentiss. ac Celsiss. Principis
Electoris Mogunt. Judic. Aul. Consil. Electoralis
utilium Scient. Acad. Erford. Socii*

OBSERVATIONES
MEDICINALES

DE

MORBO

CUM

PETECHIIS

ET QUA

RATIONE

EIDEM MEDENDUM SIT.



CAROLSRUHA E

EX OFFICIN. AULIC. MACKLOTIANA.

M DCC LXVI.

*Eum verò rectè curaturum, quem prima origo
causæ non fefellerit.*

A. C. CELSUS
de Med. Lib. I. in Præfat.

V I R O

ILLUSTRISSIMO

GERARDO
L. B. VAN SWIETEN

AUGUSTISS. IMPERATOR,
ET IMPERATRICE.

A CONSILIIS ARCHIAT.
COMITI

BIBLIOTHECÆ CÆSAREÆ
PRAEFECTO

INCLYTÆ FACULT. MEDIC.
VIENN.

PRAESIDI PERPETUO

ACAD. REG. SCIENT. ET CHIRURG.
PARIS. PETROPOL. IMPERIAL. NATUR.
CURIOS. INSTIT. BONON. COLLEG.
MEDIC. REGII EDINBURG. SOCIET.
SCIENT. HARLEM. BOTANIC.
FLORENT. GERMAN. JENENS.
DEGLI AGIATI DI ROVERET.

M E M B R O

CAROLUS STRACK

D. D.

- - - - quodcunque meæ poterunt audere
Camœnæ,

feu TIBI par poterunt, feu, quod spes
abnuît, ultrà;

sive minus, certèque canent minus; omne
vovemus

hoc TIBI; ne TANTO careat mihi
NOMINE charta.

TIBULLUS ad Messal.

P R A E F A T I O.

Petechiarum morbus, de quo librum scripturus sum, nunquam quidem non accedit; veruntamen, quoniam is potissimum militiæ per communis esse consuevit, utique potest pro Militum morbo haberi.

Equidem ego semper putavi; omnem industriam operamque perquirendis explorandisque iis potissimum morbis impendendam esse; qui perexitiosi sunt: sive quòd hi per se tales sint; sive quòd horum causæ origo nos fallat; sive denique quòd repertum tutum aliquod remedium nondum sit: maximè verò ubi populares iidem eveniunt. Quidquid verò in ipsis curationibus ut certum exploratumque inventum fuerit; idem ingenuo liberalique animò in medium proferendum esse.

P R A E F A T I O.

Ob quam causam cum iste quidem morbus nuper, maximèque ab anno 1760 in Urbe Agrisque Moguntinis popularis fuisset, perque aliquot deinde annos circumeuns hominum multos jugulâisset, omnem, quâ polleo, animi contentionem ejus causæ peruestigationi, &, quâ tutò submoveri possit, rationi diligentiam impendi: omniaque, quemadmodum interea temporis juxta 400 tales ægros observando attingi, calamo notavi. Veluti nunc sine multâ verborum ambage & sepositâ disputationum contentione proponam. Orsus à certis & exploratis. Sic quivis eâdem quasi viâ mecum incedens veritatem sine multâ controversiâ & facile cognoscet, & morbum tutò submovebit. Quod est, cur scribam.

Scripsi Moguntiae anno 1766.

C A R O.

CAROLUS STRACK, *Medic. Doctor, in*
in Universitate Moguntinā Institutionum
Medicarum Professor publicus & ordinarius,
Eminentissimi & Celsissimi Principis ac Elector.
Mog. Judic. Aulic. Consil. Facultatis Medicæ Af-
essor Ordinarius, Elect. utilium Scientiarum
Academ. Erfordiensis Socius. Subjecit censu-
ræ Facultatis Medicæ librum, cui Titulus:
Observationes Medicinales de morbo cum
petechiis, & quâ ratione eidem meden-
dum sit.

Liber hic ex solis observationibus natus
describit morbum cum petechiis Epidemicè an-
nis 1760 & sequentibus grassantem, undè cum
aliis morbis intercurrentibus, in quo Author
omni hypothesei & præjudicio liber solam natu-
ram per morbi decursum observans solidè &
enucleatè ostendit naturam, signa, causas, se-
dem, symptomata, morbos intercurrentes & su-
pervenientes, undè cum eorum curandî metho-
do, sinistras similiter horum morborum me-
dendi methodos perstringit & enervat.

Cum ergo hoc opus in curatione ejusmodi morborum rectam medendi methodum patefaciat, taliâque contineat, quæ frustra in reliquis Authoribus quærentur, utpote quod adhibito severissimo judicio à solâ morbi naturâ excentum & ultra observationibus natum est, cumque nihil falsi aut suspecti in eo inveniat, sed potius incrementum, & non leve decus rebus Medicis afferat, hinc dignum, ut imprimatur, censemus & judicamus

FRANCISC. GEORG. IGNAT.
ITTNER, M. D. Eminentiss.
ac Celsiss. Princip. Elector. Mo-
gunt. Confiliar. Aulic. & Ar-
chiater. Anatom. & Botan.
Profess. public. & ordin. No-
socomii Milit. Physicus. Fa-
cultat. Med. h. t. Decanus.



OBSERVATIONES MEDICINALES
DE
MORBO CUM PETECHIIS
ET
QUA RATIONE EIDEM MEDENDUM
SIT.

C A P U T I.
AN, ET QUANDO PETE-
CHiarum MORBUS SIT?

Ardua Medicos inter disputatio dubium-
que est; scilicet Petechiæne in mor-
bis per se contingant, an arte fiant?

Utrumque prolatis rationum momen-
tis & adductis Scriptorum autoritatibus at-
que propositis curationum experimentis de-
fendunt: suæ quique tenaces sententiæ.

Alii enim Petechias non per se existe-
re, sed calefacientibus medicamentis atque

calidâ curandi ratione excitari statuunt; scilicet quoniam per ea febris, quæ est, magis exardescit, exque eâ omnes universi corporis humores ad extremam cutim vehementiùs propelluntur.

Contrà verò alii Petechias ortas à privato aliquo vitio esse sustinent. Atque horum rursum alii tanquam críticas eas intuentur; per quas morbus ipse finem habiturus esset: ideoque easdem adhibitis calefacientibus auxiliis & movendo continenter sudorem perficiendas esse postulant: quoniam si istæ quidem maculæ vel propter externum aliquod corporis frigus, vel propter alvi profluvium, si quod incidit, intus revertantur, conclamatum esse de ægro existimant.

Cùm hæc per multa volumina perque magnæ contentionis disputationes à Medicis sæpe tractata sint atque tractentur: subjiciendum est, quæ proxima vero videri possit.

possint. Igitur, quæ demum causæ Petechias excitent, quomodo hæ à privatô quopiam vitiô proveniant, nec arte fiant; cur eædem non ut critica aliqua evacuatio possint intueri, nunc ponam.

Octo jam annos medicinam exercueram, plurimasque febres ante agitaveram, quàm tales quidem Maculas vidi. Quare etiam ipse dubitaveram, Petechiæne medicinæ an privatæ cujuspiam rei vitio contingant? maximèque quoniam cum febres refrigerantibus auxiliis curâssem, neque ægros medicamentis calefacientibus, neque exprimendo sudorem, neque vestimentis obruendo, neque multâ siti (secus ac veterani olim nostrates medici) vexâssem, nullæ eo usque Petechiæ provenerant: utique visum mihi erat, quasi calidum curæ genus eas efficeret.

At verò mense Junio anni 1755. in unâ eademque domo atque familiâ quinque ægros

ægros febre laborantes cùm accepissem, inque eorum cute ortæ nihilominus Petechiæ fuissent, quamvis ægris & medicamenta refrigerantia & tenuem potum liberaliter ingessissem; utique novi, has maculas à privâtâ aliquâ causâ esse.

Proximô deinde annô 1756. etiam ita laborabat Juvenis annorum 23. At verò anno 1757 cùm Borufforum Rex bellum gerere cum Imperatore cœpisset, proptereaque congregati ingentes militum exercitus fuissent, variæque hominum gentes, quæ in auxilium venerant, maximam Germaniæ partem militibus implevissent, idem morbus illis temporibus & aliquot deinde adhuc post statutam pacem annis percommunis inter nos extitit; maximè verò ineunte Vere anni 1760 sæviit. Is initio quidem belli in Saxoniâ, Bohemiæque regno (ubi locorum & primæ lites & plurimi milites erant) anno 1757 orfus proximos homines corripuit; postea

postea verò magis evulgatus omnem verè Germaniam infecit: veluti epistolæ publicæ indicabant, & JOANNES FRIDERICUS GLASER in terris Hennebergicis medicus evulgatis typis prodidit *. Insuper etiam ante nos medici, qui castra secuti sunt, semper à Petechiarum morbo Milites, quotiescunque bellum erat, maximè offensos fuisse scripserunt.

Quare etiam istud vitii genus inter Militum Castrorumque morbos jure potest numerari.

C A-

* *Nützliches Verhalten bey der jetzo in Deutschland regierenden Fleckenfieber - Seuche, Hildburgshausen 1758.*



C A P U T I I.

QUAE SINT NOTAE PETECHIALIS MORBI?

Petechiæ, quæ sunt, facilè videntur: difficile verò est nosse in morbo, qui incipit, quòd Petechiæ futuræ sint: namque tum non magna quidem ægrotatio est. Minimè verò fallitur is, qui in morbo, qui est, Petechias fore dixerit, ubi populares eadem existunt.

Est autem morbi quidem ratio maximè talis. Incipiunt ægri imbecilli infirmique esse, atque è dorso laffi sunt; ibidemque dolent. Dolent etiam capite. Somnum non capiunt. Quidam verò protinus justò plus dormiunt, neque tamen tali somno reficiuntur. Cibos nauseant; maximè verò jura carnum ipsamque carnem horrent. Quidam arteriarum pulsum exilem eundemque

que, si fenes sint, inæqualem habent: quidam etiam lentum & ordinatum neque adeo imbecillum eundem habent. Rursum sunt alii mente hebetes bardique. Urinam ut [] plurimum emittunt pellucidam, non rubram, sed flavam, veluti sani homines. Nonnunquam urina turbida jumentorum urinæ similis evenit. Sæpè etiam profundè flava & spissa eadem est, veluti cerevisia turbida. Quorundam quoque urina viridis subnigraque est, atque sedimentum flavum præcipitat. Alii erecti sedent, tempusque ità transigere student: neque tamen sic diu manent; sed proximè cubitum eunt, propterea quòd capite dolent totumque corpus lassitudinem sentit. Pallidi sunt facie atque oculos cavos habent. Alii ventrem turgidulum gerunt; aliis vomendi desiderium sæpè est, alii etiam vomunt: nonnunquam aliis ab ipso morbi principio putridum alvi profluvium est.

Septi-

Septimo deinde die (feriùs aut ociùs) succrescit febris; quæ magis atque magis exardescit. Nonnullos etiam febris protinusprehendit. Urina rubra exit; noctem ægri vigiliis tranfigunt; & ubi oculos claudunt, fomnum capturi, delirare incipiunt.

Demum calor crescit; magis agitantur ægri; arteriarum pulsus & fortior & celerior fit, magis infirmi sunt ægri, iidemque subdelirant: urina rubra est: sæpèque tanquam jumentorum urina evenit, & sedimentum crassum, veluti cerevisiæ fermentum, præcipitat; aut mucus in eâ subsidet. Nonnullis àb ipso morbi principio acutus in latere dolor ut pleuriticus aut est; aut paulò post, cùm febris intenditur, supervenit: maximèque vel juxta costas spurias vel infrà easdem: aut durus aliquis tumor in intestinis, quæ infrà umbilicum sunt, resistet. Nonnunquam menstruus mulierum sanguinis fluxus statuto intrà ipsum morbum

bum tempore non erumpit : nonnunquam etiam idem brevior circuitu revertitur. Nonnullis etiam levis in cute aurigo est.

Nono morbi die , quandoque etiam tardiùs , in extremâ cute maculæ , pulicum morfibus , qui absque areolâ sunt , similes apparent. Sæpè quoque hæ septimo die accedunt. Nonnunquam protinus , altero scilicet post accessionem die , erumpunt. Quandoque etiam jam in ipso morbi principio eadem adsunt. Neque tamen mitiùs ægrotârunt , quorum maculæ ociùs , quàm quorum eæ feriùs provenerunt : & vicissim.

Petechias has maculas vocant : inque iis potissimum corporis partibus apparere consuefcunt , quæ mollem tenuemque cutim habent ; veluti circà collum , suprâque mammas , etiam secundum femina , atque juxtâ interiora brachiorum , præcipuè circà musculum bicipitem ; maximè verò â flexurâ cubiti ad carpum usque. Atque , si pro-

pè internam carpi partem Petechiæ non sint, harum etiam nullæ in cætero corporeprehenduntur. Sæpe etiam universum corpus ad caput usque occupant, & infrà mentum & retrò auriculas sunt. Nonnunquam, nempe ubi harum quamplurimæ sunt, etiam in facie, maximè ex oculorum palpebris erumpunt. Perpetuum verò non est, pejus eos habere, quibus multæ, quàm quibus raræ Petechiæ sunt.

Sunt autem Petechiæ maculæ parvæ, rotundæ, seminis papaverini nonnunquam etiam seminis milii latitudine. Cutim non excedunt, & à se distinctæ sunt. Atque inter has, si plurimæ universum corpus impleverint, minimæ tanquam acu punctæ intercedunt. Quandoque aliquæ propè carpum veluti diffusæ sunt. Nonnunquam etiam, densæ ubi sunt, aliquæ latæ suprà scapulas ventremve apparent, cùm duæ aut tres Petechiæ coïverunt. Profundè ut ex
lividò

lividô rubræ istæ maculæ sunt : aliæ magis roseæ , nonnullæ etiam lividæ sunt ; potissimum juxtà internam carpi cutim , in quo loco multæ venæ conveniunt. Quorundam Petechiæ veluti splendent , quasi vitreæ eæ essent ; hæque colorem quemadmodum pœoniæ flores habent. Cineraceas verò , ut quidam volunt , Petechias , & quæ squammas deponant , nunquam vidi.

Porro aliorum Petechiæ post triduum evanescunt : aliorum verò diutiùs & ad finem morbi usque , etiam post mortem , in cute persistunt : aliorum Petechiæ etiam post superatam febrim supersunt. Nonnunquam , quæ evanuerunt , revertuntur. Alii item cum multis Petechiis non multum ægrotant , & erecti obambulant , alii cum paucis exitiosè habent. Etiam Petechias , quo tempore populares eædem erant , sine febre & absque ullâ corporis infirmitate vidi.

Nosse præterea quam maximè refert; febrim, quæ ante Petechias est, etiam postquam eædem in cute eruperunt, nec quicquam remittere; sed, nisi auxilium adhibeatur, magis atque magis intendi. Quare etiam istud exanthematum genus non potest item ut criticum intueri.

Crescit calor atque febris; arteriarum pulsus intenditur, idemque & fortis & celer fit: rubet æger facie; ejusdemque oculi veluti telâ rubrâ obducuntur; pertinaciter delirat, manibus tremit siquid prehensurus est; oris labia sicca habet, & linguam asperam inque eâ crustas accipit; tussis arida, quæ paulo ante mitis erat, nunc magis urget, ægerque sæpè vanè tussit, neque potest sputum aut avellere aut ejicere.

Denique febris magis exardescit; æger anxie respirat, sollicitèque sæpè circumspicit quasi metuens; tegumenta sæpè rejicit corpusque nudat; manibus palpat tanquam
aut

aut floccos collecturus aut festucas capturus : & , ubi aut linteamen aut vestimentum aliquod accepit , illud tremulis manibus tractat, quemadmodum nodum explicaturus : neque potest linguam , quandoquidem medicus ità postulavit, ad extrema labia porrigere ; sed tremulam eandem intus in ore cum labore agitat.

Denique , posteaquam aliquandiu ità ægrotatum est , extremæ corporis partes inalgescunt, retrahuntur oculi , iidemque tristes fiunt ; nasus acuminatur ; & oris labia livefcunt ; præcordia angustiiis premuntur ; arteriarum pulsus exilis atque inæqualis aut intermittens palpitat ; pallefcit universum corpus , ab eodemque sudor frigidus defluit ; atque æger incerto ante vigesimum diem temporis termino sphacelosus extinguitur ; etsi ipsæ Petechiæ in cute eadem superstant.

Atque qui hoc morbo jugulantur, omnes istâ ratione pereunt. Neque quispiam facile absque adhibito auxilio convalescit: nisi aut Petechiæ sine febre sint, aut ad alium quenpiam morbum accesserint; aut ortum putridum aliquod alvi profluvium fuerit.

Quibus verò secunda valetudo sive medicinæ sive corporis beneficio contingit, hi post nonum morbi diem graviter audiunt, intraque illud tempus rubrum oculorum colorem, quem ante habebant, amittere incipiunt; paulo post gravius audiunt & surdi sæpè omninò fiunt, intereaque oculos rursum pulchros & sanis similes accipiunt. Quorundam etiam oculi fordescunt, inque extremô palpebrarum limbô crustæ coëunt, in angulis potissimum ad palpebrarum commissuras. Et simul ac ægri surdi esse incipiunt, somnum etiam capiunt, & ut soporosi decumbunt, qui vigiles hucusque fuerant.

rant. Nonnulli, etsi perpauca, neque oculos rubros acceperunt, neque surdi neque soporosi fuerunt, & tamen convaluerunt. Item, si Petechiæ ad alium quenpiam morbum principem, ceu ad febrim intermittentem exquisitam, accefferunt, aut ubi ipsæ absque febre fuerunt; isti quidem ægri neque surdi neque soporosi facti sunt, & nihilominus convaluerunt. Interea autem temporis, qui evasuri sunt, tenax sputum reddere incipiunt; & crustas à linguâ rejiciunt, atque pituitam coctam è naribus emungunt. Sanæ mentis fiunt, & ad perfectam denique rationem revertuntur. Arteriarum quoque pulsus deinde inclinatâ febre mollis lentusque fit, atque ad rectum ordinem modumque recedit: posteaque cùm Petechiæ evanuerunt, sæpè plurimus sudor acidus ex universo corpore erumpit; isque unum duosve dies, sæpè etiam diutius fluere continuat. Nonnunquam etiam idem, Petechiæ ubi adhuc subsistunt, erum-

pit. Perpetuum autem est; isto quidem⁶ sudore corpus nunquam, nisi victâ aliquantum febre, immadescere.

Posteaquam quinque dies ægri soporosi fuerunt, rursus quemadmodum sani, etsi non diu dormiant, sæpè tamen somnum capiunt; & rectius simul audire incipiunt: alii verò diutius surdi manent. Cùmque acutiùs audiunt, etiam facie non amplius rubent. Atque horum alii tument facie & manibus, veluti aquâ inter cutem: alii non tument: alii dolores acutos rheumaticos in articulis habent; &, ubi horum membra manu tractamus, plurimum clamant: alii, etiam si post superatum morbum erecti obambulent, pedibus tument veluti hydro-pici futuri: alii cibos non appetunt; & cùm edissent, ventriculo gravantur tanquam turgidi: rursus alii in febrim intermittentem, potissimum tertianam, relabuntur: alii absque his optimè habent, & maximè

maximè esuriunt, & cibos facilè ferunt. Atque ità alii citiùs, alii ferius convalescunt; prout five magis five minus ægro-taverint, five rectè five adversè curati fue-rint. Postremò ægri, cùm calor remisit & superatus morbus est, maximè imbecilli diu decumbunt, neque possunt corpus re-gere.

Atque tali ratione convalescunt; qui ab isto morbo eveniunt.

Est istud quidem Petechiarum genus omnium maximè commune; rotundæ scilicet maculæ tanquam acu punctæ: quæ quoniam aut pulicum aut pediculorum mor-sibus similes sunt, utique olim pediculæ & mutato deinde vocabulo Petechiæ appella-tæ fuerunt. Has, propterea quòd æquali-ter rotundæ sunt, & limbo non excedunt, sed intrà suum circulum consistunt, *circum-scriptas* nomino.

Alterum Petechiarum genus non rotundas neque æquales maculas habet; sed diffusas, quæ intrà cutim paulò latiùs procedunt; verè quemadmodum atramentum, quod suprà linteum punctum est, serpit. Has *diffusas* voco.

Harum item color ùt illarum modò minus modò magis ruber modo purpureus est: eædemque vel solæ tales existunt; vel dispersæ inter circumscriptas sunt. Neque adeo multæ esse consuecunt; neque, si solæ sint, diu in cute subsistunt, sed facilè intrà triduum evanescunt: rarum est, plurimas tales esse; aut ad morbi exitum usque manere, aut post mortem superesse. Porrò non ità frequens istud Petechiarum genus est: idque eo tempore, quo circumscriptæ Petechiæ populares atque, ùt superiore anno 1760, plurimæ fuerunt, etiam magis quàm imposterum commune erat.

Pejor

Pejor autem cum diffusis quàm cum circumscriptis Petechiis morbus est: tum quoniam is medicum magis fallit; tum quoniam idem per se magis exitiosus est; ferè enim omnes, quosprehendit, præcipitat.

Magis verò fallere potest; quoniam, rariores & sæpè etiam pallidiores istæ Petechiæ cùm sint, minus videntur; & medicum, nisi attentus sit, fugiunt: etiam, quoniam eæ non diu persistunt, facile ægrorum cutim antè iterum dimittunt, quàm medicus aut in auxilium vocatus fuit, aut vocatus fortassis inspexit. Ob quam causam, quoniam is certam morbi notitiam non habet, etiam certum remedium non facile affert. Quare expedit, populares ubi Petechiæ sunt, ægrorum cutim oculis quotidie perquirere: maximèque interna brachia à cubito potissimum ad carpum usque, in quâ parte tenera cutis est, intueri. Quodsi verò Petechiæ ante jam evanuiscent;

mor-

morbis ipse utique per eas notas, quas suprà memoravi, imposterum cognosci debet.

Insuper nosse licet, nonnunquam, diffusæ ubi Petechiæ sunt, aut paulo postquam eædem evanuerunt, ex ægrorum naribus plurimum sanguinem erumpere; cer- toque indicio esse, ægrum proximè exani- matum iri. Pertenuis autem iste sanguis est, neque facilè quemadmodum sanorum in placentam coit: isque modò ad sex mo- do etiam ad octo libras è naribus præcipiti rivo effluit, ægrumque maximè imbecillum relinquit: & siquidem ità fluere desiit; fe- bris (quod maximè mirum videri potest) protinus exardescit, inque eâ æger post duodecim horas delirat, & tertio die gan- grænâ extinguitur. Neque ullum hucus- que auxilium invenire potui, quod juvisset.

Atque tales ægros quinque hucusque vidi; è quorum naribus ultrà octo sanguinis libræ profluxerunt, deindeque, ubi febris paulò

paulò post ad summum pervenit, gangræna jugulati fuerunt: etsi ex eorum venâ, etiam in ipso morbi principio, octodecim sanguinis unciaë ante extractæ jam fuissent. Quod nunquam contigisse vidi, circumscriptæ ubi Petechiæ erant. Et siquidem aliquando cum circumscriptis Petechiis sanguis erupit; is neque multus, neque dissolutus, sed sanorum sanguini similis, erat; ægrique è morbo evenerunt, perinde àc qui sanguinis nec quicquam naribus amiserant.

Porro scire refert; eodem tempore, quo Petechiæ populares erant, etiam multos simili modo absque Petechiis laborasse: iisdemque per easdem rationes succurrendum fuisse, per quas ipsum Petechiarum morbum submoveri posse infrà ponam. Morbum intercurrentem talem appellant.

Postremò fuit ipse Petechiarum morbus primis quidem annis, quo tempore is maximè communis fuerat inceperatque perextiosus.

tiosus. At verò posterioribus deinde tempestatibus idem neque ità ordinatus erat neque in universum adeo difficilis, five cum Petechiis ille fuerit, five absque his intercurrent. Quasi morbi miasma (veluti SYDENHAM in constitutionibus epidemicis observâsse se dicit) tempore & sæpè eundo mitesceret.



C A P U T I I I.

PROPONUNTUR CURATIONUM EXPERIMENTA.

Atque talis quidem Petechiarum morbus est.

Nunc equidem dicendum veniret; quæ causa istum morbum excitet? unde Petechiæ proveniant? ob quâ rationem circumscriptæ differant à diffusis? cur narium hæmorrhagia in his, non in illis, contingat? verum, quoniam aliquantò magis à diversis Authorum sententiis recedo; rectiùs futurum me esse puto, si viginti curationum experimenta priùs ponam, iisdemque causæ originem, &, qua febris ipsa fiat, rationem subjiciam: tum nequod dubium disputatione maneat; tum ut eos, qui de qualibet re libenter dubitant, experientia convincat; tum quò faciliùs caream arrogan-

rogantiæ crimine , qui me medium interposuerim aliorum scriptis.

AEGROTUS I.

Anno 1755 mense Junio mulier ejusdemque duo filii , & filiae duæ ægrotârunt ; quos jam dudum paupertate pressos bonus victus defecerat. Prima decubuit junior filia 18 annos nata : paulo post soror , deinde fratres duo , postremò mater morbum , alter ab altero , acceperunt.

Non magna quidem in principio , etsi continua , febris erat ; neque aliena mens ; neque urina rubra , sed sanorum similis.

Jussi ægrorum venam fecari ; eosdemque victu tenui uti ; & unaquaque horâ duo cochlearia julapii sorbere ex aquæ fragorum & florum sambuci unciis tribus , & aceti destillati unciâ dimidiâ ; adjunctâ nitri drachmâ , & syrupi rubi idæi unciâ. Potui dedi decoctas radices graminis , acetosæque

tosæque , & scorzoneræ , & liquiritiæ & papaveris erratici flores , cum nitro ; ammistô acetô destillatô & syrupo rubi idæi ; quæ liberaliter biberent.

His ægri neque pejus neque etiam melius aliquandiu habere videbantur : sic , ut sperassem , secundam valetudinem proximè reversuram esse.

At 9no die ortæ in extremâ cute ad collum potissimum , suprâ pectus , juxtaque brachia , & secundûm femora maculæ rubræ sublividæque sunt , tanquam à pulicum morfibus. Accessit delirium , quod quò magis tempore proventum est , eò majus incrementum cepit : intrâque id febris vehementius exarsit : supervenit tremor manuum , & oculorum splendor cum rubedine ; & lingua exaruit.

Miratus istum morbi modum , quoniam propria non noveram , communibus reme-

diis insistendum esse putavi: scilicet his, quæ febris æstus componerent. Quare cum prioribus auxiliis etiam sive hirudines sive cucurbitulas cum scarificationibus infra auriculas applicari jussi; per quas sanguinem à capite subtraherem.

Hi omnes, posteaquam tredecim dies deliraverant, circa vigesimum primum diem convaluerunt; & inclinata febre tenacis muci quicquam tussi rejecere; iterumque post depositas crustas mollem humidamque linguam acceperunt.

Atque istâ quidem curatione didici, Petechias per se tales existere; neque easdem vel ab adhibitis calidis rebus, vel à nimia febre esse: etsi, unde proveniant, non novissem.

AEGROTUS II.

Proximo deinde anno 1756 mediâ æstate decubuit juvenis 24 annos natus. Erat
ejus

ejus morbi principium facilè ; exiguaque febris ; recta item mens ; & moderatus arteriarum pulsus.

Deinde 9no die Petechiæ circum collum , supraque pectus , atque secundum brachia , juxtaque femora provenerunt : cumque his major ortus calor , deliriumque est : intentæque arteriæ & fortiùs & celerius pulsârunt : oculi item splendebant , atque lingua & oris labia sicca scabraque facta sunt.

Ob quæ ægro julapium atque decoctum refrigerans cum aceto vini & nitro plurimum obtuli.

Nihilominus etiam cum his febris vehementer exarsit ; desperatâ ferè salute. Quare â camphorâ cum sale ammoniaco , quam medicinæ Professores plurimum commendârant , præsidium petendum esse ratus ægro quotidie camphoræ grana 24 ingessi :

ne verò ab eâ , tanquam â calidâ aliquâ re , febris exuperaret ; julapium item acidum decoctumque refrigerans eidem liberaliter adjeci.

Verum quoniam ista omnia necquicquam profecerunt ; neque per ea sive calor sive febris remisit ; camphoram tanquam incertum remedium rejeci.

Posteaquam denique æger tredecim dies delirio transegerat , superato morbo resipuit : disparuere etiam Petechiæ ; ægerque perimbecillus nonnunquam mucii quidquam tussiendo emolitus est ; ejusdemque lingua depositis crustis mollis humidaque evenit , & rediit bona valetudo.

Atque per ista rursus experimenta novi ; Petechias non posse tanquam criticas eruptiones intueri : quoniam , ubi hæ apparuerunt , febris ipsa & exarsit magis & ipse morbus pejor extitit.

Quam-

Quamvis autem post adhibita talia quidem auxilia ægri evenissent ; nihilominus alii periêre , quorum morbo five refrigérantibus five acidis auxiliis , five camphorâ , five diaphoreticis remediis occursum erat. Ob quam causam etiam istam curandi rationem jure ut incertam repudiavi.

Tutiores itaque cogitans curandi modum , Petechias cum vibicibus , lividisque maculis , atque lenticularibus illis punctis , quæ cutim non excedunt , comparavi ; & qualia olim in infantum cute videram , subtractâque sæpè alvo submovebam , eoquòd ea aut à vermibus five vivis five mortuis , aut ab aliâ quapiam putridâ re , quæ in imò ventre residebat , provenerant. Vel , uti in eorum cute livida stigmata apparent , qui putrem mytulum comederunt ; eademque iterum , ubi ventrem five vomitu five infrà ducente pharmaco purgaverunt , amittunt. Posse quoque ipsas Petechias simili de causâ

oriri ; foreque , ut eædem dispareant , si movendo alvum putrida ista colluvies subtrahatur. Idque tutum fore.

Atque his quidem cogitationibus octodecim mensium tempus ante impleveram, quam potueram istam curandi rationem exequi.

AEGROTUS III.

Donec anno 1758 die 5 Aprilis Chirurgus militum Castellis febre laborasset ; quæ, etsi absque Petechiis fuisset , tamen quoniam feбри petechiali simillima erat, à medicinæ Professoribus petechizans solet appellari : & quam tradito contagio à militibus in nosocomio Marburgensi acceperat.

Erat ægri mens hebes stupidaque ; isque , etsi sanguinem è venâ bis misisset, medicamentaque acida refrigerantia etiam ultrâ satietatem bibisset, nihilominus febre vehementer exarsit.

Interea

Interea verò temporis urina crassa, turbida, subflavaque, cum multo sedimento mucofo, qualem jumenta mingunt, evenit; scilicet quæ indicat, multa impura in imò ventre residere.

Ob quæ, rejectis reliquis remediis, ægro protinus medicamentum purgans intrà ipsam etiam febrim indidi. A quo cùm multa putrida descendissent, morbus ipse inclinavit se, febrisque in calore remisit.

Hoc cùm juvisset; idem purgans pharmacum rursus præstiti; multaque sic putrida subtraxi.

Ab his igitur cùm somnus iterum esse coepisset mensque rediisset, atque arteriarum pulsus ordinatus fuisset, eodem item pharmaco alvum purgavi: sicque secunda valetudo proximè reversa est.

Quare, quoniam per istam quoque curationem novi, non longè à rectâ medendi

ratione abesse me , utique proximam Petechiarum curationem purgantibus remediis absolvi.

AEGROTUS IV.

Siquidem cum eâ tempestate juvenis 17 annos natus initio exiguâ quidem febre laborasset , inque eâ hebes mente fuisset ; die verò 7mo magis incaluisse , & â recta ratione abfuisse , neque venæ sectiones neque plurima medicamenta acida atque refrigerantia quicquam profecissent ; contra verò ortis in universâ cute Petechiis febris magis exarsisset , & die porrò 14to æger perinfirmus & soporosus decubuisse , & pulsum exilem habuisse ; sic , ut angusta salutis spes superfuisset ; præsidium utique â purgantibus remediis petendum esse putabam : maximèque quoniam ab ipso morbi principio hucusque æger urinam jumentorum urinæ similem aliquoties reddiderat ;

scili-

scilicet, per quam lotii perturbationem nosse licuit, multa impura in imo ventre residere.

Itaque coctorum foliorum Sennæ, & Salis Sedlizenfis, Mannæ, Rhabarbarique quicquam ægro ingessi: post quæ cum multa putrida descendissent, aliquantum ex delirio imminutum est; accessit roboris quidquam, & arteriarum pulsus major simul & lentus evenit; rursusque urina veluti jumentorum.

Cumque post hæc æger magis à morbo revenisset, iterum medicamentum purgans, at paulò fortius, postero die accepit, quod rursus multa putrida atque mucosa subduxit, inde rediit recta mens, & somnus placidus, & edendi desiderium, cum lento atque valido arteriarum pulsu.

Unum posthæc diem absque medicinâ integrum perstiti, virium recuperandarum

gratiâ : deindeque iterum fortius aliquod purgans præstiti , per quod æger alvum octies deposuit ; & Petechiis liber cibos vehementer desideravit ; & omnino convaluit.

Quoniam autem ista curatio successerat ; similibus impostero ægris , quos eâdem ferè tempestate curandos habebam , omnibus medicamenta purgantia exhibui.

AEGROTUS V.

A 7mo namque Aprilis die anni 1758 puella annos 13 nata Petechiis cùm laborâisset , & ad decimum sextum usque morbi diem etiam cum adhibitis plurimis refrigerantibus acidisque medicamentis pessimè habuisset ; mutatâ protinus medendi ratione , atque assumtis subitò purgantibus remediis proximè , cùm multa putrida deiecisset , Petechiarum expers convaluit.

AEGRO-

AEGROTUS VI.

Eodem item tempore (30 Aprilis) puella 13 annos nata, febre protinus incaluit; ob quam missus è venâ sanguis, præstitumque liberaliter julapium decoctumque refrigerans est, adjecto nitro & aceto destillato atque syrupo rubi idæi.

Supervenerunt versus octavum morbi diem multæ sublividæque Petechiæ; cumque his magis intenta febris est, & accessit delirium; intrà quod pulveris Rhabarbari grana decem cum Tartari vitriolati granis quinque ammisso oxymelle squillitico manè & vesperi exhibui: hisque soluta alvus est, plurimæque ex eâ putrida descenderunt. Purgatâ sic alvo ipsæ Petechiæ disparuerunt; & secuta urina turbida, tanquam jumentorum, est: ægraque post tres dies, intrà quos ita purgata est, convaluit: cibosque appetiit, & vires victu refarcivit.

Deni-

Denique paulo etiam post, iimâ scilicet Junii die aliquos ægros accepi; quibus largum alvi profluvium, quod in ipsum Petechiarum morbum incidit, præsidio fuit; veluti nunc subjiciam.

AEGROTUS VII.

Pauperis scilicet alicujus coloni uxor Castellis, cùm vix peperisset, Petechiarum morbum ab ægris militibus per contagium acceperat; proptereaque & perinfirma evenit, & febre vehementer incaluit, neque post ipsum partum lochia emisit, neque in mammis lac confecit.

Supervenit largum alvi profluvium; quod & ægra & ejus amicæ tanquam exitiosum metuebant; & cui præcipuè occurrendum esse decreverant.

Ego verò istam quidem alvum necquicquam claudendam esse apud animum meum statueram; sed julapium, potumque refrigeran-

gerantem , adjecto aceto vini destillato & syrupo rubi idæi, liberaliter præstiti.

Cùmque laxâ aliquandiu alvo sic plurima putrida secessissent , febris in calore remisit, plurimumque ex Petechiarum rubore minutum est, deindeque deletæ omnes maculæ sunt. Sicque cùm perventum ad integritatem fuisset, alvus iterum clausa est.

Restitutis postea corporis viribus lochia veluti à recenti partu liberaliter profluxerunt ; ipsaque ubera impleta plurimo lacte sunt , quod prolem etiam ultrâ satietatem nutrit.

AEGROTUS VIII.

Ereçtâ muliere morbus in maritum transiit; isque , propterea quòd medicamenta purgantia non accepit, sed refrigerantia tantùm assumsit , diutiùs , quàm qui purgati fuerunt , ægrotavit; Petechiasque in fatis longum tempus traxit. Posthæc ortum

tum vomendi desiderium est, excitataque in imô ventre termina sunt, quæ multa mucosa suprâ infrâque cum emolumento excusserunt.

Quod, quoniam profecerat, naturam utique ut magistram imitatus ægro medicamentum purgans quotidie exhibui; à quo cum multa putrida dejecisset, omnium subitò Petechiarum expers proximè convalevit.

Quare, quoniam ex his novi, naturam ipsam morbum simili, àc medicinâ tentaveram, viâ submovere; imposterum omnes quos acceperam, ægros medicamentis purgantibus curavi: sive hi febre incaluerint sive deliraverint in eâ, sive etiam furdi soporosi que adhuc fuerint: habitâ nullâ temporis ratione.

AEGRO

AEGROTUS IX.

Proximè ab his, die scilicet 25 Junii anni 1758 parochialis Vicarius eundem morbum à militibus ægris, quibus in Nosocomio adstiterat, accepit: protinusque ex eo perinfirmus evenit, & capite doluit, atque calore exarsit.

Hujus venam bis secari jussi; ex eademque multum sanguinem traxi. Jura etiam carniū tenuia cum succo citrei, jupiumque, adjecto nitro & aceto præstiti; potui verò dedi decoctum refrigerans cum aceto destillato & syrupo ribesiorum.

Nihilominus febris exuperavit; accessit delirium, propter quod applicatæ juxta auriculas hirudines sunt.

Eruperunt septimâ die plurimæ in universâ corporis cute Petechiæ, deliriumque increvit.

Quam

Quam ob rem mutatâ subito medendi ratione rhabbari grana decem & tartari solubilis grana quinque tribus quotidie vicibus in ipso etiam delirio dedi; insuperque duo cochlearia julapii, cui oxymellis squillitici unica adjecta erat, unaquaque horâ exhibui; scilicet, ut his alvus submoveatur.

Per quæ cùm subducta multa putrida fuissent, omnis calor esse desiit; evanuerunt simul Petechiæ; & mens rediit somnusque; æger cibos appetiit; & decimo die convaluit. Vires deinde & somno & cibo recuperavit.

Citius utique talibus ægris medicamenta purgantia exhibuissem, dummodo citiùs nosse potuissem, cum febre, quæ est, Petechias futuras esse. Siquidem, cum istæ quidem maculæ non protinus, sed posteaquam morbus aliquandiu occupavit, erumpere consuefcunt, temerarium utique foret, medicamenta purgantia in dubio morbi

morbi principio sine certâ causæ notitiâ offerre.

AEGROTUS X.

Anno 1759 mense Augusto pauperis mulieris filia 15 annos nata aliquandiu febre exarserat: exque eâ perinfirmâ, stupidaque erat, cum delirio & facie lurida: ob quæ missus è venâ sanguis est, & exhibita liberaliter medicamenta acida sunt.

Decimo die ortæ in universâ corporis cute plurimæ Petechiæ sunt; urinaque turbida qualis jumentorum est, provenit.

Quare protinus pulveris rhabarbari tartarique solubilis grana decem manè & vespri ægræ præstiti: jussique ut oxymellis squillitici unciam quotidie assumeret.

His alvus mota est; multaque putrida ex eâ descenderunt. Cùmque subtracta per hæc intrâ triduum omnia impura fuissent,

D

ægra

ægra Petechiarum expers convaluit, atque cibos iterum appetiit.

ÆGROTUS XI.

Anno 1759 die 8vâ Novembris à tribus jam septimanis febre cum Petechiis laborat Castellis mulier 50 annos nata, quæ à Chirurgus medicamenta diaphoretica & absorbentia hucusque frustra acceperat.

Deinde decoctum hordei bibit; & julepium cum oxymellis squillitici unciâ & nitri drachmis duabus aliquandiu assumpsit sine profectu.

Erat universum corpus plenum Petechiis, & facies subfusca, luridaque, & imbecillum corpus, & arteriarum pulsus frequens, cum vigiliis & subdelirio: intercessit nonnunquam tussis, quæ aliquantum phlegmatis emolita est.

Huic ægræ manè & vesperi pulveris rhabarbari grana decem & tartari solubilis
tantun-

tantundem quotidie præcepi; à quibus cum subducta multa putrida fuissent, ægra profundè dormiit, & furda facta est; evanuerunt simul Petechiæ, & urina turbida jumentorum similis evenit. Ob quam causam, quoniam ista medicina profecerat, alvum aliquantò magis subduxi: idque proximè ad integritatem perduxit.

Atque istâ quidem ratione ægros, quos acceperam, hucusque curabam. Priores quidem venæ sectione & refrigerantibus acidisque auxiliis tantum; quibus difficulter convaluere: nonnullos etiam camphorâ & diaphoreticis rebus ad aliorum exemplum agitavi; quod dubium & fallax medicinæ genus est: postremos autem adhibitis purgantibus remediis, à quibus facilè evenerunt. Quare etiam istud curæ genus ut optimum retinui; atque plurimis imposteriorum experimentis tanquam tutissimum comprobavi. Siquidem, cum proximo anno

1760 in urbe atque in Agris Moguntinis plurimi homines ità laborâssent; etiam copiam nactus sum & plurima experimenta capiendi, & experimenta experimentis confirmandi, & aliorum auctorum curationes post adhibita eorum remedia pervestigandi noscendique.

Namque à medio mense Februario in Majum usque percommunis iste morbus erat. Etenim in agris Moguntinis, Castellis potissimum, atque in cæteris circum oppidis, etiam in terris Olmientibus tanta erat ægrorum hominum multitudo, ut Eminentissimus Princeps Elector & trans Rhenum fluvium & cis eundem medicos misisset, curatum. Porro ipsâ æstate proximoque autumnò, ineunte item hyeme anni 1761 & integro etiam isto anno procul usque in annum 1766 perfamiliale id genus morbi erat. Horum rursus multos curavi. Veluti nunc ponam: non omnia quidem, quæ

quæ hucusque cepi, curationum exempla allaturus; sed quot horum ad confirmandam veritatem satis esse videbuntur.

AEGROTUS XII.

Anno 1760 mense Februario vir 40 annos natus febre ardente aliquandiu laborabat; cum quamplurimis in universo corpore Petechiis: inque istâ febre deliravit, etsi sanguinem bis misisset, atque julapium acidum decoctaque refrigerantia copiosè hausisset. Præter hæc etiam urinam jumentorum urinæ similem emisit.

Cùm verò ista auxilia necquicquam profecissent; ægri alvum intra ipsam etiam febrim deliriumque rhabarbaro quotidie purgavi, donec excussâ multâ putridâ saburrâ & febris inclinavit & mens rediit: evanuerunt multæ ex Petechiis, secutusque sopor est, qui utique bonam valetudinem reversuram esse significat. Deindeque

cum sufficienter purgatum fuit, extinctis proximè Petechiis bona valetudo constitit.

ÆGROTUS XIII.

Anno 1760 die 13 Maii juvenis 25 annorum à novem jam diebus ægrotus sanguinem è venâ miserat, & alvum pharmaco ante purgaverat, quàm eundem vidissem.

Erat ei calor summus & perinfirmitas corpus, cum arteriarum imbecillo & frequenti pulsu; multæ item in cute Petechiæ; at quarum major quidem copia lividaque area atque sugillatio in dextro cubito, quo loco secta vena erat, coïvit; quàm in sinistro. Porro æger deliravit, & sæpè è lecto exfilire tentaverat.

Igitur ægrum manè & vesperi grana quindecim rhabarbari assumere, insuperque omni horâ duo cochlearia julapii bibere jussi cum oxymellis squillitici sesqui uncia;
adjectis

adjectis duabus drachmis Salis Seignette & Syrupi florum perficorum unciâ.

His alvus triduo mota est, multaque ex eâ putrida descenderunt. Inde mens rediit, & arteriarum pulsus ordinatus evenit; ipsæque ferè omnes Petechiæ, etiam in quo brachio plurimæ eæ fuerant, disparuere.

Deinde eandem medicinam aliquandiu continuavi: quoniam & caloris & Petechiarum quicquam supererat. A quâ cum alvus triduo laxa esse continuâset, multaque maximè putrida ex eâ secessissent, arteriarum pulsus factus iterum lentus est; & æger febris atque Petechiarum omninò expers convaleuit, cibos maximè desiderans.

AEGROTUS XIV.

Anno 1760 à die 21 Maii puella 13 annos nata à quatuor jam diebus ægrotabat.

Erat veterana in ejus cute scabies interque eam etiam Petechiæ. Quare protinus syrupum florum persicorum cum resinæ jalappæ & diagridii granis quinque die 6to, iterumque proximo die exhibui; qui movendo sæpè alvum multa putrida subtraxit.

Quoniam ista verò ægra febre maximè incaluerat, oculosque rubros & siccam tussim habebat; etiam purgantibus istis auxiliis julapium refrigerans adjunxi; & feri lactis libram cum nitrî drachmâ & melle die 8vo bis ut enema indi jussi.

Accessit die 10 surditas, & arteriarum pulsus celer evenit. Quare die 11 eundem syrupum purgantem præstiti, à quo rursus multa putrida descenderunt: & die 13tio simile enema bis applicatum est. Die porro 14 julapium, cum oxymellis squillitici sesqui unciâ & drachmis duabus Salis Seignette & syrupi florum persicorum unciâ præsti-

præstitum est; quod multa denuò putrida subduxit.

His ægra die 15 febris ferè expers erat; neque lectum, ut ante, manibus carpsit; & oculos rursum claros accepit; arteriarum item pulsus lentus, & facta facilis respiratio est; neque Petechiæ supererant; noctu benè dormivit; & proxima die plurimam urinam tenuem citrei coloris reddidit. Interea ægra furda atque soporosa mansit: & si quis ejus membra manu prehenderat flexurus; illa plurimum, quoniam ex his maximè dolebat, lacrymabatur.

Die 17 febris, posteaquam alvus satis purgata erat, desiit; & ægra convaluit; superfuit magna aliquandiu corporis imbecillitas; qualis post istum quidem morbum esse consuevit.

AEGROTUS XV.

Anno 1760 die 25 Maii puella 14 annos nata, quæ ab octo jam diebus perinfirmata erat, calore vehementer exarsit; inque isto calore linguam siccam habuit, & oculos rubros veluti roseâ telâ obductos: manibus etiam tremebat, & corpus sæpè denudabat; cum plurimis in universâ cute Petechiis.

Huic ægræ decoctum refrigerans cum oxymelle squillitico liberaliter præstiti, & unaquaque diei horâ duo cochlearia julapii dedi, cum oxymellis squillitici sesqui uncia & Salis Seignette drachmis duabus & syripi florum persicorum uncia.

Deinde his, quoniam ea alvum non movebant, manè & vesperi grana quindecim rhabarbari adjeci: quæ alvum perturbârunt, multaque ex eâ putrida in quartum usque curæ diem excusserunt; posthæc
factæ

factæ pallidiores Petechiæ sunt, & febris in calore remisit, & clariores facti oculi sunt, & mens aliquantum constitit.

Accessit quarto die furditas soporque, intrà quem lingua humida evenit, & aliquantum magis ex febre imminutum est.

Quinto post ista remedia die alvus hucusque perlaxa mansit, exque eâ multa putrida exiêrunt: indeque plurimum & ex febre, & ex Petechiis deletum est: remanet autem profundus sopor, & tussis arida.

Tandem ægra sexto septimoque die cùm omnia impura sic deiecisset, omnis febris, caloris, & Petechiarum expers, articularum pulsum sanorum similem accepit, faciemque & oculos bonos habuit; etsi ea multum adhuc dormiisset & surda imbecillaque aliquandiu mansisset. Vires deinde bono victu reparavit.

ÆGRO-

AEGROTUS XVI.

Anno 1760 puella annos 4 nata quatuordecim jam dies ægrotaverat, intrà quos sæpè convellebatur. Postea verò die 22 Martii calore exarsit. Huic sua mater Syrupum laxantem ingessit, à quo multum mucì dejecit.

Erant altero die multæ in cute Petechiæ splendentes; & febris ipsa exuperabat. Quare tertio die purgans pharmacum exhibui: quod, cùm multa putrida mucumque subduxisset, omnem etiam febrim excussit: ipsæ verò Petechiæ eædem permanferunt.

Igitur die 5to alvum rursus pharmaco purgavi; quod, cùm multum item mucì subtraxisset, ægram die 6to absque febre & sine Petechiis tutam præstitit.

AEGRO-

AEGROTUS XVII.

Anno 1760 puella 18 annos nata, corpore & magna, & fortis, & pinguis, cùm initio Maij mensis ægrotâffet, pilulas purgantes assūpsit. His biduo alvus purgata est, excussis multis putridis rebus.

Ortæ sunt paulo post Petechiæ: quas cùm ægræ pater vidisset, noluit imposterum ei alvum laxam esse; sed ejusdem corpus potius multis vestimentis operiit; scilicet: ità movendo sudorem Petechias excurret.

Erant autem die morbi 10 multa in cutem Petechiarum millia; sic, ut nullus ferè Petechiæ locus superfuisset; has inter latæ aliquæ, ut lentes, videbantur. Erat febris ingens, & calor summus, & arteriarum pulsus frequens; manibus ægra tremebat; & corpus sæpe denudabat; erat infusa respiratio densa, & vox præcepta, & oculi

oculi rubri splendentes. Nonnunquam muciquicquam tussis emolita est.

Hanc autem ægram, cùm accepissem, rejectis protinus vestimentis linteamine velari jussi; eidemque julapium, cui oxymellis squillitici sesqui uncia & Salis Seignette drachmæ duæ & Syrupi florum persicorum uncia adjectæ erant, affatim exhibui, & potum refrigerantem cum multo oxymelle squillitico copiosè præstiti, ut biberet etiam ultrà facietatem. Jussi prætereà, ut duo quotidie enemata ex sero lactis, nitro & melle & sale injicerentur.

His laxata alvus est, quæ multa putrida emisit; post quæ mitior febris evenit, & ægra plus mucis tussiendo rejecit, factæque pallidiores ipsæ Petechiæ sunt. Quare simili ratione ægra die 11 & 12 liberaliter purgata est; plurimaque putrida mucumque dejecit; & vomitu grandem vermem excussit: tussi item mucum facilè reddidit; & febris

febris aliquantò magis in calore remisit, ipsæque Petechiæ indies magis pallidæ factæ sunt.

Die tandem 18 ægra fine Petechiis & absque febre erat, liberaliter expectoravit; & somnum cepit.

Die 19 solutæ Mannæ sesqui unciam & Salis Seignette drachmas tres cum aquâ cerasorum exhibui. A quibus mucī plurimum ore & alvo secessit.

Die 20 ægra Petechiarum febrisque expers convaluit, viresque victu refarcivit.

Hujus ægræ frater 12 annos natus eodem morbo, etsi paulò mitiore, laborans secundam valetudinem nactus est; posteaquam is aliquot continuò dies probè purgatus fuit, Syrupō florum persicorum, ammistis resinæ jalappæ & diagrydii sulphurati granis sex.

A E G R O -

AEGROTUS XVIII.

Anno 1760 fine mensis Augusti juvenis 24 annorum male habuit, quasi febre tertianâ laboraturus.

Quare ei protinus medicamentum emeticum postque aliquot dies jalappæ & rhæi radicem præstiti; quibus benè purgatus fuit. Proximò deinde die ortum alvi profluvium est, quod muci plurimum excussit.

Erat interea arteriarum pulsus parvus atque frequens; cibos æger nauseavit; &, quidquid comedisset, idem vomitu protinus rejecit. Paucis postea diebus in utrâque manu, quâ parte pulsus explorare consuevimus, in tenerâ cute Petechiæ apparuerunt, ad unamquamque manum triginta ferè. Præter hæc urina jumentorum similis provenit.

Ipse verò æger omnem hucusque medicinam respuit: etsi is perimbecillus fuisset;

set; & denuò urinam, veluti jumenta reddidisset.

Denique auxilium iterum petens resinæ jalappæ grana septem, diagrydii sulphurati grana quinque ex rhabarbari fyrupo assumpsit: à quibus cùm plurimum putridum mucum dejecisset, convaluit.

ÆGROTUS XIX.

Anno 1760 medio mense Octobri vir 77 annos natus ægrotavit. Perinfirmus protinus is erat, & vocem fractam atque respirationem densam accepit. Retracti sunt oculi, horumque palpebræ plumbei coloris, ipsa verò facies subflava erant; pulsus item & parvus, & frequens, & inæqualis extitit: caput quoque grave.

Julapium acidum æger & aquam cum succo citrei liberaliter assumpsit. Tussit etiam veluti ex catarrho. Urina verò tenuis erat.

E

Tertio

Tertio morbi die coctos cum Sale Seignette & Mannâ Tamarindos assumfit, à quibus mucī multum vomitu rejecit, & orto alvi profluvio multa putrida excussit.

Proximo abhinc die urina turbida evenit; atque sedimentum lateri trito simile præcipitavit; arteriarum quoque pulsus magis elevavit se.

In interiore porrò brachiorum parte à cubito ad carpum usque, in qua tenera cutis est, utrinque Petechiæ ferè decem eruperunt.

Die 5 & 6 pulveris rhabarbari dimidia drachma cū multa putrida subtraxisset pulsum iterum ordinatum restituit, & oculi prodierunt, ipsaque facies bona evenit; cibosque æger, quos antè nauseaverat, iterum appetiit.

Die 10 pilulas cephalicas 15 assumfit; à quibus multa putrida & multos mucī glomeres

meres dejecit. Paulo post per easdem iterum pilulas cum bellè purgatus fuisset, convaluit.

AEGROTUS XX.

Anno 1760 die 30 Octobris virgo 40 annos nata cum vix duos dies ægrotâisset, jamjam juxtà utrumque brachium internum 20 ferè Petechias & earum non paucas supra pectus habebat. Erat ejus facies lurida tristisque veluti morientis hominis, factusque arteriarum pulsus frequens atque imbecillus est.

Potui ægræ dedi decoctum refrigerans, & julapium cum oxymellis squillitici unciâ & Salis Seignette drachmâ; iisdemque manè & vesperi Rhabarbari pulverisati grana quindecim adjunxi.

His alvus indies ter quaterve mota est; multaque ex eâ putrida descenderunt: indeque arteriarum pulsus & fortior & plenus & magis ordinatus evenit.

Erat porrò die 6 univèrsa corporis cutis subflavo colore tanquam Ictero tineta: propter quod vitium ægra à die 7 quotidie manè & vesperi duas pilulas quarum unaquæque refinæ jalappæ & diagrydii, atque Extracti panchymagogi Rhabarbarique granum unum receperat, assumsit: per quas cum subtracta multa putrida fuissent, ipsæ protinus Petechiæ & flavus simul color cutem dimiserunt. Arteriarum porrò pulsus iterum ordinatus est.

Jussi, impofterum ut ægra easdem pilulas julapiumque & decoctum aliquandiu continuet: quibus, posteaquam die 9 & 10 multa iterum putrida mucosa deposuit, melius habuit, & molles arterias accepit, & jura carniū, quæ ante nauseaverat, nunc iterum faciliè accepit.

Cùmque assumtis istis auxiliis ægra multa item putrida dejecisset, die 13 prosperè valuit.

C A P U T I V.

QUÆ SIT CAUSA PETECHIARUM: ET QUA RATIONE IPSI MORBO MEDENDUM SIT?

Hæc experientia in ipsis morbi curationibus docuit. His præpositis ad causæ originem pervenio, & Petechiæ quâ ratione fiant.

Et primò quidem Petechias per se tales existere; easdemque neque inditis calidis rebus, neque vitiosâ curatione excitari: quoniam etiam post adhibita refrigerantia auxilia eædem proveniunt. Neque verum esse, quod quidam volunt, Petechias criticas esse; tanquam per eas morbi miasma ab interno corpore in summam cutem expelleretur: contrà verò esse istum morbum â putridis rebus, quæ in infimò

ventre refedère : five hæc à vitiatis cibis superfint, five à vermibus aut vivis aut mortuis aut putridis, five denique ab aliâ corruptâ colluvie, quæ ibidem confluit.

Quare etiam istud morbi genus magis pauperibus familiare est : qui, propterea quòd ob boni cibi defectum aliarumque rerum penuriam malè nutriuntur, multa utique impura in imo ventre conficiunt. Etenim ferè omnes, quos tales ægros acceperam, paupertate preffi erant ; vixque inter horum viginti unus opum fatis habebat. Et si quidem in divitum ædibus fortassis aliquis isto morbo laboraverat, is aut in puerorum ætate erat (qui, quoniam ventrem esu nimium implere consuefcunt, impura colligunt) aut si adultus is fuerat, eâdem ferè de causâ, & quoniam antea purgatus non erat, impura præcordia habebat. Quod anno potissimum 1760 quo Petechiarum morbus maximè popularis inter nos erat, facile
videre

videre licuit : cùm in exiguâ illâ civitatis parte , in quâ densæ pauperum tabernæ sunt , ægrorum plus quàm in reliquâ omni civitate curaveram.

Ob quam causam utique infimi milites magis , quàm superiores , isto morbo afficiuntur ; scilicet qui aut propter ciborum diversa vitia , aut propter commodarum rerum defectum , aut propter cœli locorumque injurias , aut propter durum vitæ genus magis impura præcordia accipiunt. Quâ de re in iis utique terris , in quibus bellum geritur , vehementior morbus & est , & magis occupat ; eoquòd incolarum corpora , quoniam miserè vivunt , impura evenerunt , sive inedia , sive hostium rapina homines miseros effecerit. Ob quam causam anno 1757 in Saxoniâ Bohemiâque plurimi homines ægrotârunt ; in nostris autem terris maximèque anno 1760 idem morbus omnino popularis in his potissimum locis evenit ,

quæ plurimos milites receperant: veluti in agris Olmienstibus cis Rhenum fluvium, maxime verò trans eundem Castellis; scilicet in quo pago intrà duos dimidiumque annos plus quàm centum militum millia, dum transierunt, diem noctemque turmatim refederunt. Quo utique incolarum corpora & fatigata & malè nutrita fuerunt.

Quodsi verò putrida ista colluvies excitato aliquo alvi profluvio per se descendat; etiam Petechiarum morbus, qui est, absque alio auxilio desistit. Quemàdmodum superiore loco (a) dixi; & nunc subijciam.

AEGROTUS XXI.

Anno 1761 initio mensis Februarii vir annos 40 natus morbo cum multis Petechiis absque medicinâ laborabat: obque eum per-

(a) Cap. III.

perinfirmus extitit; & faciem luridam & pulsum parvum habuit.

Supervenit largum alvi profluvium, quod quatuordecim continuò dies plurima putrida excussit, & hominem sanum præstitit.

Plures posthac ægros vidi, quos alvi profluvium salvavit. Et, qui ab isto morbo naturæ beneficio evenerunt, omnes istâ ratione convaluerunt.

At ubi istud alvi profluvium per se factis non est, & impuræ adhuc reliquiæ intus remanserunt, purgantibus auxiliis succurrere oportet.

ÆGROTUS XXII.

Anno 1760 à die 26 Octobris puella 17 annos nata Petechiis, quarum paucas juxta brachia habebat, laborabat: ab ipsoque morbi principio ortum alvi profluvium est; quod, ut promoverem, jussi ægram una-

quaque horâ duo cochlearia julapii assumere, cui oxymellis squillitici unciam & Sals Seignette drachmam adjeceram. His alvus liberaliter mota est; exque eâ multa quotidie putrida descenderunt.

Die septimo supervenit oculorum rubedo, intentaque febris, & alienata mens est, intrâ quam ægra sæpè urinam jumentorum urinæ similem emisit.

Die 14 oculi iterum clari evenerunt, mansit autem & sopor, & faciei tumor; at febris ipsa in calore remisit; sed inquietæ noctes in diem 20 usque continuârunt.

Interea autem temporis ex laxâ continuò alvo multa putrida descenderunt.

Die autem 20 facta rursus facies naturali similis est; & arteriarum pulsus ordinatus est, & somnus cum surditate continuavit.

Postea-

Posteaquam verò die 24 clausa iterum alvus fuit, decoctorum Tamarindorum uncias duas, cum Salis Seignette unciâ dimidiâ & Mannæ unciâ præstiti; à quibus excussa multa rursus putrida sunt; ægraque, etsi imbecilla, omnis tamen febris expers benè habuit in diem 33 usque: etsi ea nihilominus perquam furda hucusque manserit.

Die deinde 34 ægra refinæ jalappæ grana sex, totidemque diagrydii sulphurati, & Extracti panchymagogi tantundem ex pilulis assumfit. Postque has, cum alvus septies soluta fuisset, multaque item putrida ex eâ descendissent, rectior auditus, & mitior pedum dolor, qui acutus antè fuerat, evenit.

Porrò die 37 easdem pilulas imperavi, à quibus quindecies soluta alvus est, plurimæque ex eâ iterum putrida secesserunt.

Post

Post quæ ægra benè audiit ; optimèque va-
luit, omnis nunc pedum doloris expers.

Denique , posteaquam quatuordecim
âb his diebus ægra aliquantum magis vi-
rium recuperâffet , ortum per se alvi pro-
fluvium est, quod multa item putrida sub-
traxit ; ægramque ad integritatem perdu-
xit, quæ morti antè proxima esse videbatur.

Ex quibus rursus patet, esse istum Pe-
techiarum morbum â putridis rebus , quæ
in imo ventre resedère.

Neque profectò ipsum morbi conta-
gium sanum quempiam , cujus præcordia
pura sunt, inficit : sed dispositos tantum oc-
cupat : scilicet hos , in quorum ventre im-
pura colluvies est. Et siquidem sanus ali-
quis, qui pura viscera habet , istud conta-
gium suscipit ; idem is aut impunè fert, aut
facilè absque Petechiis superat. Veluti in
me ipso bis expertus sum. Pura enim cor-
pora ad istum morbum oportuna non sunt.

Deni-

Denique neque & hoc prætereundum sed maximè notandum est: eorum, qui Petechiis hucusque laborabant, nullum dysenteriam ante habuisse: neque ullum ex his, qui superioribus annis dysenteriâ laboraverant, postea Petechias accepisse. Quod, si perpetuum est, hos ideo Petechiarum morbum non admisisse judico, quoniam eorum corpora per ipsam dysenteriam purificata ante fuerunt.

Contrà posse verò eum, qui Petechiis ante laboraverat, dysenteriam imposterum accipere; quoniam, quod alibi à me propositum est, dysenteriae contagium etiam pura corporaprehendit. Veluti vir pauper priore anno ex Petechiis posteriore verò ex dysenteriâ male habuit.

Est autem Petechiarum morbus contagiosus; scilicet qui plures homines aut simul aut successivè inficit. Namque anno 1760 in oppido Castellensi plus quàm centum

tum homines isto morbo affecti erant. Et in ipsâ civitate Moguntinâ in pauperum tabernis nonnunquam quinque, nonnunquam novem ægri sub eodem tecto decubuerunt; ibidemque intrâ angustum locorum spatium, quod vix octoginta passus æquabat, horum viginti curabam.

Scilicet dum miasma petechiale in impurum aliquod corpus intrat; atque cum his, quæ in imo ventre corrupta resident, convenit; Petechiarum morbus fit; qui modò magis, modò minùs urget, prout corruptarum rerum modò plus modò minus in infimò ventre est. Horum quidam à suscepto contagio diu ægrescunt, antequam opprimantur. Quidam verò protinus succumbunt. Quidam rursus citò sanantur. Quorundam verò morbus diu, etiam adhibitò cum auxiliò, protrahitur. Veluti nunc morborum historias proponam; iisdemque curationum experimenta subjiciam.

Nempè,

Nempè, nonnunquam Petechiæ in ipso morbi principio erumpunt.

ÆGROTUS XXIII.

Anno 1760 die 19 Martii fœmina 30 annos nata, pauper, & per fordida subito frigit, finitoque frigore calore exarsit: protinusque in universo corpore multas Petechias accepit. Præter hæc veteranam scabiem acutam in cute habuit. Urinam item jumentorum similem emisit. Ob quæ ulapium acidum atque decoctum refrigerans præcepi.

Interea autem mansit in quintum usque diem magna infirmitas, & febris maximè exarsit, cum exili arteriarum pulsu, & urinâ jumentorum simili: plurimæque Petechiæ universam cutem impleverunt.

Myrrhæ igitur grana decem, totidemque diagrydii sulphurati, & Salis Seignette crupulos duos & jalappæ radicis drachmam,

mam, & drachmam rhabarbari commiscui;
& pulverifata in partes novem divisi, atque
horum duas portiones quotidie præstiti.

His mota alvus die 6to est; ex eâdem-
que multa putrida mucosa secesserunt:
ipsæque Petechiæ factæ pallidiores sunt: &
die 7mo post assumtum eundem pulverem
ægra alvum sexies deposuit, multaque item
putrida dejecit. Inde 8vo & 9no die me-
lius habuit, superstite exiguâ febre & ra-
ris Petechiis.

Die 10 ægra duas rursus pulveris do-
ses assumpsit; postque has multa iterum pu-
trida deposuit, & urinam jumentorum simi-
lem emisit. Diebus deinde 11 & 12 post
similem pulverem ægra cum multa denuò
putrida dejecisset, die 13 inclinâtâ febre
absque Petechiis erat; & graviter audivit:
atque ubi die 14 & 15 eodem pulvere pur-
gata iterum fuisset, die 16 benè dormivit,
cibos appetiit, & tussi multum mucī reje-
cit,

cit, omnis febris & Petechiarum expers. Posteaquam denique die 17, 18, & 19 omnia impura hoc ipso pulvere excusserat, prosperè valuit.

ÆGROTUS XXIV.

Anno 1760 mulier 50 annorum die 27 Aprilis horâ 6tâ matutinâ subitò horruit, finitoque post duas horas frigore ortus calor est; intrâ quem proximè sequente horâ undecimâ multæ in cute Petechiæ eruperunt; 80 ferè in unoquoque interno brachio.

Isto die ægræ julapium acidum & decoctum refrigerans liberaliter præcepi; postero verò die Tartari emetici grana duo & radicis Hypecacuanhæ grana duodecim, à quibus mucī multum vomitu rejecit; & excitato simul alvi profluvio multa putrida mucosa deposuit. Posthæc omnis calor vesperti esse desiit, & aliquantum ex Petechiarum colore minutum est.

Tertio die ægra benè habuit; neque caluit, ipsæque Petechiæ quamplurimum ex colore rubro amiserunt.

Quarto item die refinæ jalappæ granis quinque, totidemque dyagridii, & pulveris radices rhabarbari granis 20 alvus vehementer mota est, ex eâdemque multa rursum putrida excussa sunt: post quæ ægra omnis febris atque Petechiarum expers proximâ nocte benè dormiit, & altero die optimè valuit. Suasi deinde, ut ægra alvum eodem pulvere quamproximè purgaret; quo, siquid putridi fortassis intus remansisset, idem subtraheretur.

Quodsi porrò putrida ista colluvies adhibito protinus auxilio omnis evacuatur, subitò etiam febris ex toto desistit, ipsæque Petechiæ disparent.

ÆGRO-

ÆGROTUS XXV.

Anno 1760 die 20 Martii puella 20 annos nata subito ægrotavit: inque ipso morbi principio aliquæ juxta collum intraque brachia Petechiæ prodierunt: simulque ægra pulsum exilem, & faciem luridam, & oculos retractos, & respirationem densam accepit, & cibos nauseavit.

Porrecto autem protinus medicamento emetico expulsa multa impura sunt.

Supererat altero quidem die aliqua infirmitas Petechiæque; quæ tertio die, excusso morbo, omnes evanuerunt: & quarto die ægra optimè valuit.

ÆGROTUS XXVI.

Hujus ægræ famula eodem die hoc ipso morbo laborabat; quæ similiter post assumptum emeticum quarto item die convaleuit.

AEGROTUS XXVII.

Anno 1760 die 24 Martii puella 24 annos nata versus vesperum subitò malè habuit. Doluit nempè capite; & factus articularum pulsus frequens & parvus est, ipsaque respiratio densa: protinusque secundum interna brachia juxtàque collum Petechiæ utrinque ferè triginta provenerunt.

Altero die ægra post assumptum medicamentum emeticum quater valdè vomuit, & semel alvum liquidam deposuit. Finitoque vomitu requies erat. Et tertio die Petechiæ pallidiores evenerunt. Urina autem crassa facta est.

Quarto demum die post purgans pharmacum ortum largum alvi profluvium est, quod ubi plurima putrida mucosa cum tenesmo in diem sextum usque excusserat, Petechias & morbum finivit.

Etiam

Etiam Petechiæ, quæ jam diu in cute subfiterunt, protinus, ut alvus ex toto purgata est, cutem dimittunt.

ÆGROTUS XXVIII.

Anno 1760 die 23 Aprilis mendicus 30 annos natus à 14 jam diebus Petechiis absque auxilio laboraverat.

Non equidem nunc is febre multum incaluit, aut pulsum frequentem habuit; at luridam tamen faciem, & corpus infirmum, plurimasque in universâ cute Petechias.

Protinus resinæ jalappæ grana septem & diagrydii grana sex cum sale trita ex syrupi florum persicorum unciâ ingessi. His alvus vehementer mota est; ex eâdemque plurima mucosa putrida descenderunt. Indeque vesperi neque febris neque Petechiæ supererant.

Altero deinde die æger omnis febris Petechiarumque expers exivit, stipem in triviis quæsitum.

Suasi, ut imposterum ventrem eodem pharmaco purgaret; quo, siquid putridi intus superesset, idem omne subtraheret. Quod cum fecisset, bonam suam valetudinem confirmavit.

Contrà verò in quorum ventre impura diu relinquuntur; in eorum etiam cute ipsæ Petechiæ permanent.

AEGROTUS XXIX.

Anno 1760 mense Aprili vir pauper 50 annos natus à 14 jamjam diebus Petechiis laborabat; adversus quas julapium acidum & corticem peruvianum, quæ à medico acceperat, frustra assumsit.

Die morbi 15to iste quidem æger in triviis ambulans ad me venit, infirmus, facie pallidâ & hippocraticâ ferè. Erant ejus
pedes

pedes œdematosi ad furas usque ; universa cutis plena Petechiis , quarum quam plurimæ ipsam quoque faciem , tempora , frontem , & ipsas etiam oculorum palpebras impleverant.

Huic protinus die 16to Tartari emetici grana duo & radicis Hypecacuanhæ grana duodecim exhibui : à quibus & bilis & mucici multum ore rejecit.

Die 17 morbus Petechiæque eædem substituerunt. Quare die 18 resinæ jalappæ grana octo cum granis quatuor diagrydii ingessi , ammistâ fyrupi florum persicorum unciâ : quibus excussa multa item putrida mucosa sunt.

His æger die 19 melius habuit ; viribusque aliquantum recuperatis in triviis obambulavit.

Porro is die 21 ad me venit , pallidus , & adhuc cum Petechiis juxtâ brachia potissimum,

simum, inque fronte, & cum pedum tumore. Quare ei simile purgans pharmacum præstiti; à quo laxatâ septies alvo plurimus mucus absque stercore ferè descendit. Indeque secutus profectus est, pedumque tumor concidit, isque post diem 23 orto liberaliore urinæ profluvio penitus evanuit.

Die 26 æger nondum perfectis viribus & pallidus facie cibos necquicquam appetiit: plurimaque adhuc Petechiarum vestigia in cute retinuit. Obquam causam postero die ejus alvum purgante pharmaco iterum submovi, multaque iterum mucosa ex eâ subtraxi. At, cùm illum post diem 40, & foris & domi vidissem, is prosperè valet, cibosque avidè desideravit, Petechiarum expers.

In hujus igitur cute Petechias 25 ferè dies perstiterunt.

ÆGRO:

ÆGROTUS XXX.

Anno 1760 puella 9 annos nata, pauperrima, sub perfractō tecto à 25ma Martii ægrotabat; in ejusdemque cute multa Petechiarum millia extabant. Neque ægra propter matris suæ incuriam vix satis aquæ acceperat, quâ sitim temperaret.

Hanc 8vo morbi die, quo eam primâ vice visitavi, perinfirmam, febre maximè calentem, & graviter audientem inveni. Cui protinus dimidiam fyrupi de cichorio cum rhabarbaro atque aquæ fragariæ unciam, & resinæ jalappæ atque diagrydii grana tria cum cremore tartari trita ingessi: quæ alvum valdè moverunt, & in diem usque decimum laxam tenuerunt. Inde multa putrida mucosa descenderunt; inque anô atque medio ventre excitatus, tanquam à vermibus, acutus dolor est. Interea autem temporis ægra & surda mansit, & febre ca-

luit : ipsæ verò Petechiæ factæ pallidiores jam sunt. Jussi præterea, ut ægræ unaquaque horâ duo cochlearia julapii ex aquæ fragariæ & florum sambuci unciis tribus cum aceti destillati unciâ dimidiâ, & nitri dimidiâ drachmâ, & syrapi rubi idæi unciâ exhiberentur. His die undecimâ duodecimâque aliquantum ex calore minutum est; & Petechiæ pallidiores evenerunt, neque harum ullæ suprâ pectus supererant. Erat interea ægra furda valdè.

Die 13 ægra sine febre erat, & assumpto eodem syrupo purgante septies alvum deposuit. Die item 14 duodecies secessit, multaque putrida mucosa dejecit; febrisque nunc expers cibos, etsi adhuc furda, appetiit.

Die porrò 15 laxata item alvus est; ægraque multum dormivit quasi soporosa; neque nisi juxtâ brachia Petechias adhuc habuit; neque adeo furda erat; neque uti antea, facie tumebat. Die

Die 16 post assumtum rursum laxantem
syrupum alvum sex itibus exoneravit, ex-
que eâ multa mucosa excussit, omnis febris
expers; cum pleno lentoque arteriarum
pulsu. Die 17 post eundem Syrupum ægra
multa item mucosa demisit.

Diebus verò 18 & 19 bene habuit; ci-
bosque desideravit, necquicquam facie tu-
mida. Die deinde 20 assumto item purgan-
te syrupo alvus hoc die decies & altero die
ter laxata est; ex eâdemque multum putri-
di muci descendit. Inde benè habuit ægra,
cibosque appetiit, & sine febre erat, at-
que ipsæ Petechiæ quam plurimum â rubo-
re declinârunt.

Die 23 eundem denuò Syrupum assum-
sit; â quo multa putrida cum iisdemque
quatuor lumbricos emolita est; & optimè
valens lectum deseruit in triviis sedens.

Die 29 alvum rursum purgavi; sicque
morbus finem habuit.

Cùm-

Cùmque ista puella die etiam 40 in tri-
viis prosperè valens obambulâffet; in ejus
tamen cute multæ Petechiarum reliquiae
superfuerunt. Harum verò nihil die 47.

Atque in hac quidem cute Petechiae
40 ferè dies restiterunt.

AEGROTUS XXXI.

Anno 1760 puella 15 annos nata, pau-
per, 25mâ Martii infirma evenit, & die 22
febre exarsit. Erat ei calor ingens, & multa
fritis, & arteriarum pulsus parvus atque
frequens: universaque corporis cutis innu-
merabilibus Petechiis veluti obsita; quarum
omnes rotundæ, aliquæque ex his majores
ut grana milii erant, inter quas minime
tanquam acu punctæ intercefferunt.

Huic 5to morbi die resinæ jalappæ grana
quinque totidemque diagrydii cum Sale
trita ex Syrupi de cichoreo cum rhæo &
aquæ fragariæ drachmis sex exhibui. Hi
alvus

alvus sexies mota est; multaque mucosa putrida ex eâ descenderunt. Erat præter hæc urina quemadmodum cerevisia turbida.

Die 6 idem purgans ægræ indidi: jus-
sique, ut unaquaque horâ duo cochlearia
julapii affumeret, adjectâ oxymellis squil-
litici sesqui uncia. His alvus rursus sub-
mota, excussaue item multa putrida sunt.

Die 7 ægræ pedes & manus tanquam
convulsi subfiliebant. Accessit surditas, &
urina tenuis.

Die 9 pulverem purgantem præstiti
qui motâ sexies alvo mucosa expulit. Inde
die 10 minimæ Petechiæ evanuerunt, ma-
jores verò eadem superstiterunt. Aegra
porrò febre maximè inarfit, neque die 11
somnum cepit, at tenuem urinam emisit:
rursusque pulverem purgantem assumpsit;
iterumque multa putrida cum iisdemque
grandem vermem alvo emisit. Interea au-
tem

tem calor ingens fuit, multæque sublividæ Petechiæ supererant, furditasque.

Die 12 assumtis duobus pulveribus ex oxymelle squillitico alvus decies submota est. Calor verò magnus idem mansit.

Die 13 rursus duos pulveres purgantes cum oxymelle sumit: hosque secutæ sunt alvi sedes novem putridæ. Urina verò jumentorum similis evenit. Diebus item 14 & 15 eodem pulvere purgante alvus sæpissimè mota est, multaque putrida cum iisdemque rursus vermis descenderunt. Interea autem febris, quemadmodum antefuerat, continuavit; & grandes Petechiæ eadem superstiterunt, evanuerunt verò minimæ harum, continuavit furditas, noctu autem crura pedesque subliviebant; sic, ut convulsa eadem fuisse parentes putarent. Die 16 Mannæ sesqui unciam, & Salis Seignette drachmas duas ex succi citrei uncia & sufficiente quantitate aquæ fragariæ præcepi:

cepi : quas fecutæ alvi sedes septem sunt ;
indèque febris in calore remisit , factaque
ipsa tussis humida est , & urina tenuis eve-
nit & ægra die 18 & 19 sputa facile ejecit ;
neque febre caluit ; arteriarum pulsus fa-
ctus mollis est , & facies bona , & oculi
clari , qui imposterum non rubebant. Cu-
tis autem perplena Petechiis mansit.

Die porro 20 ægra fyrupum purgan-
tem iterum assumpsit , à quô laxatâ sexies al-
vo multa mucosa exierunt. Interea benè
dormiit , febris expers & plena Petechiis.

Die 23 hoc ipso pharmaco multa item
impura sursum atque deorsum excussit in
diem 24mum usque.

Diebus 25 & 26 ægra benè habuit sine
febre & sine tussi ; distinctè audivit , cibos
appetiit ; ejusdemque Petechiæ pallidiores
nunc erant. Die 27 pharmaco rursus pur-
gata muci multum deposuit ; indeque opti-
mè valens lectum deseruit. Paulo post ægræ
alvum

alvum refinæ jalappæ granis quinque totidemque diagrydii, ex florum persicorum syrupi unciâ purgavi. Supererant nihilominus multæ Petechiæ,

Denique die 40 assumpto pulvere emetico septies bilis multum evomuit, atque hucusque optimè valuit. Nihilominus, etsi prosperè valuerat, multa tamen die 43 Petechiarum vestigia in dorsi cute retinuit.

In hac igitur ægrâ Petechiæ 40 ferè dies substiterunt. In aliorum etiam cute Petechiæ 20, in aliorum 30 diebus, in aliorum item duobus mensibus superfuerunt: veluti infrà videre licet.

Possunt quoque Petechiæ, etiam quæ evanuerunt, reverti; aut, quæ sunt, diutius manere; ubi alimenta vel impura vel digestu difficilia antè assumuntur, quàm in-
simus venter ex toto purgatus est.

ÆGRO-

ÆGROTUS XXXII.

Anno 1760 à 28 Martii die laborabat mulier pauperrima 38 annos nata. Tertio morbi die multa millium millia Petechiarum in ejus cute etiam in oculorum palpebris stabant; quarum aliquæ ut lentes latæ erant. Erat ægra perinfirma, & febre vehementer incaluit: accessit fluxus sanguinis menstruus, qui in octavum usque diem continuavit; at quo ægra sanguinis neque plus neque minus, quàm quidem sana assueverat, emisit.

Post istum sanguinis fluxum menstruum Petechiæ, quales antefuerant, in cute superstiterunt; & ægra febris expers, etsi perimbecilla, lectum deferuit.

Huic Myrrhæ grana decem, totidemque diagrydii cum sale trita, & jalappæ radicis rhabarbarique scrupulos duos commista, & in sex deinde partes divisa, dedi.

G

Cum-

Cùmque die 10 duas hujus pulveris portiones assumfisset, depositâ quater alvo multa impura dejecit. Inde Petechiæ factæ pallidiores sunt, & ægra febris expers cibos valdè desideravit.

Cùm autem die 12 ægra carnis nimium comedisset; orta rursus febris est, ipsæque Petechiæ factæ iterum magis rubræ sunt. Quare die 13 resinæ jalappæ & diagrydii grana sex cum fyrupi florum persicorum unciâ assumsit, à quibus alvum sexies deposuit, & urinam jumentorum urinæ similem emisit: nihil autem ex febre imminutum est.

Die verò 15 post tres alvi sedes febris esse desiit.

Die porrò 17 resinæ jalappæ granis septem & granis quatuor diagrydii & fyrupi florum persicorum unciâ alvum probè purgavit: indeque lectum dimisit, & foris obambulavit. Ipsæ autem Petechiæ nume-

ro quidem eadem at colore magis pallidæ in cute restabant.

Die 24 ortus in sinistro hypochondrio acutus dolor est : qui post assumtum eundem syrupum purgantem atque inde expulsum multum mucum protinus submotus est : cùmque ægra die 31 iterum purgata fuisset, multumque denuò mucì deiecisset, bellè habuit; neque nisi levìa aliqua Petechiarum vestigia alicubi in cute retinuit. Ipseque pedum tumor, qui erat, concidit.

Ista autem ægra diebus 42 & 45 post assumtum nimium cibum totam iterum cutem plenam Petechiis perrubris & veluti splendentibus accepit. Ut verò assumtis pilulis viginti sex alvum sedecies deposuit, exque eâ nonnisi mucum plurimum absque stercore deiecit, benè iterum habuit.

Insuper diebus 69 & 75 & 78 ægra cùm rursus nimium comedisset, è ventriculo doluit, & cibos nauseavit, & plurimas jux-

tà collum secundumque brachia Petechias recepit: igitur ejus alvum etiam viginti sex pilulis purgavi: quæ, ut multum item mucum subtraxerunt, ægram imposterum integram & Petechiarum expertem reliquerunt.

ÆGROTUS XXXIII.

Anno 1760 puella 9 annos nata, quæ inter infectas focias cubuerat, die 19 Aprilis post prandium calore exarsit: posteroque die cutem habuit plenam Petechiis.

Huic 3 die tartari emetici sesqui granum & radicis Hypecacuanhæ grana decem indidi; à quibus sæpè vomuit; & alvum aliquoties deposuit. Inde altero die aliquantum & ex febre & ex Petechiis minus est.

Quinto die ægra purgans pharmacum, ut assumpsit, idem protinus vomitu rejecit: posteaque die 6 major Petechiarum numerus,

rus, quæ omnes purpureæ, & quemadmodum vitreæ splendentes erant, provenit; quas inter aliquæ latæ ut lentes ferè erant, tanquam harum plures convenissent; cum magno interea febris calore.

Die 9 resinæ jalappæ grana quatuor totidemque diagrydii & grana quindecim rhabarbari ægra assumfit: exque his post octo alvi sedes liquidas die 10 benè habuit, omnis febris & Petechiarum expers. Deindeque cibos vehementer desiderans die 12 in triviis sana decurrebat; ne minimum quidem in cute Petechiarum vestigium habens.

At, ut nimium edit, orta rursus continua febris est, cujus exacerbationes tertianæ videbantur; novæque cum alterâ ejus exacerbatione Petechiæ per cutem quam plurimæ prodierunt.

Quare die 17 trita cum sacharo diagrydii & resinæ jalappæ grana quatuor indidi;

per quæ cùm multum mucī alvō, nec parum bilis ore excussū fuisset, febris cumque eā Petechiæ ægram dimiserunt.

ÆGROTUS XXXIV.

Anno 1760 puer 14 annos natus die 4 Maii febre vehementer exardescere cœpit, intraque eam die 3 plurimas in cute Petechias accepit: ortæ quoque sunt sedes alvi laxæ quatuor, per quas multa putrida descenderunt.

Assūmtis die 5 Hypecacuanhæ granis decem & Tartari emetici sesqui grano æger multum bilis & duos grandes vermes vomitu rejecit: sanguinem item naribus stillavit, & oculos retractos habuit; quemadmodum qui tabe propter vermes laborant. Accessit acutus brachiorum & pedum dolor veluti rheumaticus.

Die 6 assūpsit resinæ jalappæ diagrydiique grana quinque ex syrupi florum perficorum

ficorum unciâ , quæ fecutæ sunt fedes alvi decem cum multis putridis mucosis dejectionibus. Inde arteriæ quieverunt , & febris esse desiit , & Petechiæ numero defecerunt.

Die deinde 7 & 8 in triviis obambulans benè valuit, abs ullâ Petechiarum notâ.

At ubi die 12mo nimium cibum devoravit, excitata rursus febris, ortusque in manibus pedibusque tanquam à formicis acutus dolor est; cum plurimis iterum in universâ cute Petechiis. Ob quæ ægri alvum postero die laxante syrupo item purgavi: quod profecit, & omnem dolorem excussit, plurimasque Petechias delevit, ad harum aliqua tantum vestigia usque.

Supervenit deinde die 23 alvi profluvium: quod adjectis die 24 resinæ jalappæ diagrydiique granis sex & syrupi florum persicorum unciâ perfeci. Inde fecutæ plurimæ dejectiones alvi mucosæ sunt, quæ valetudinem integram effecerunt.

AEGROTUS XXXV.

Anno 1761 initio mensis Februarii tres pueri, quorum unus 7, alter 4, alter 2 annos natus erat, morbo cum multis Petechiis laborabant. Assumpto verò julapio, cui oxy-mellis squillitici sesqui uncia & Salis Seignette drachmæ duæ cum syrapi florum persicorum unciâ adjectæ erant, eorum alvus sæpè laxa evenit, eâdemque plurima impura cum iisdemque vermes descendebant: sicque ægri convaluerunt.

At verò esurientes pueri cum plurimum comedissent; rursum febre post 15 dies incaluerunt; intraque eam protinus Petechias iterum acceperunt.

Quare denuo medicamentum purgans iisdem ingessi; à quo, cum excussa multa putrida cum iisdemque rursum vermes fuissent, purgatâ probè alvo omnes convaluerunt.

AEGRO-

ÆGROTUS XXXVI.

Anno 1761 foemina 40 annos nata, in
cujus tabernaculo 6 ægri Petechiis labora-
bant, die 14 Februarii, ubi benè valere se
putabat, pilulas purgantes assumpsit; per
quas & morbum, quem metuebat, caveret,
& ipsa contra contagium tuta foret.

At hoc ipso die post prandium succu-
buit; plurimasque protinus Petechias in cu-
te accepit.

Huic postero die decoctum refrigerans,
& julapium cum oxymellis squillitici unciâ
& Salis Seignette drachmis duabus medici-
næ dedi: quibus, cùm ea alvum necquic-
quam movissent, radicis rhabarbari grana
decem manè & vesperi adjeci.

His turbata alvus est, multaque ex eâ
putrida mucosa descenderunt in diem no-
num usque: inter hæc etiam urina jumen-
torum similis evenit.

Accessit die 5 surditas & levis in cute aurigo. Die porrò 7 plurimæ Petechiæ, eædemque perrubræ (tanquam splendentes, extabant: quæ post assumpta iterum purgantia remedia die II evanuerunt, interea cùm ægra multa putrida in diem 15 usque dejecerat. Inde lectum deferuit, febris & Petechiarum expers.

Posteaquam verò ægra, propterea quòd benè habere se sentiebat, carnis paulo plus comedit, orta rursus febris atque infirmitas est: inque universâ cute plurimæ denuo Petechiæ eruperunt. Quare protinus resinæ jalappæ grana sex totidemque diagrydii cum rhabarbari syrupo præstiti: quæ motâ quindecies alvo plurima putrida detraxerunt; deletisque inde subito omnibus Petechiis ægram restituerunt.

Paulo deindè post, ut coctam pastam comedit, denuo ægrotavit: at assumpto eodem item purgante pharmaco grandem
lum-

lumbricum ore & multa putrida alvo de-
jecit.

Præter hæc ægra facie, & stomacho,
atque pedibus intumuit. Utique, quoniam
aliquæ adhuc impuræ reliquiæ in ejus infi-
mo ventre remanserunt. Ob quas & Myrr-
hæ & Diagrydii & Salis Seignette & radicis
jalappæ rhabarbarique pulverem aliquandiu
præstiti, qui expulsis infrà omnibus impu-
ris rebus ad integram valetudinem perduxit.

ÆGROTUS XXXVII.

Anno 1760 mense Decembri puer 7 an-
norum febre continuâ cum multis Petechiis
laborabat: à qua post adhibita purgantia re-
media & injecta enemata evenit. Consului
deinde, ut pueri alvus, quoniam ea non
omninò pura erat, pharmaco impofterum
purgetur.

Quod remedii genus quoniam ob ma-
tris socordiam omiffum erat, puer proximo
anno

anno 1761 mense Majo in eundem morbum relapsus est; iterumque purgantibus auxiliis restitutus.

Cùmque deinde æger etiam post istum morbum multum esuriisset; eidemque mater, quæcunque voluit, edenda concessisset; rursus febris cum eâdemque multæ iterum Petechiæ reversæ sunt. Quæ adhibitis item purgantibus auxiliis excussæ sunt.

ÆGROTUS XXXVIII.

Anno 1761 initio Martii mensis febre cum multis Petechiis laborabat mulier 44 annos nata, intrâque eam sanguinem utero emisit, etsi octiduo ante tanquam ordinario tempore sanguinis fluxum menstruum habuerat.

Huic julapium adjectâ oxymellis squillitici & fyrupi rosarum solutivi unciâ & drachmis duabus Salis Seignette cochleatim ingessi.

ingessi. Quibus convaluit; & Petechiarum
expers domum egressa est.

Cùm verò die 27 Martii per famem car-
nis paulò plus comedisset, reversa protinus
febris, cumque eâ omnes Petechiæ sunt.

Porro aliquorum Petechiæ etiam post
annum revenerunt: quod infrà dicetur.

Ex his igitur rursùm patet; Petechias
necquicquam críticas esse: neque per eas
vitiata morbi materiam ad extremam cor-
poris cutem proferri: quoniam, à quo tem-
pore istæ quidem maculæ in cute sunt,
morbus ipse & peior est, & febris magis
exardescit. Neque certo temporis termino
erumpere easdem, sed modò feriùs modò
ociùs, sæpè etiam in ipso morbi principio,
accedere; prout scilicet vitiatæ materie
modò plus modò minus est, eademque five
magis five minus computruit, aut intus in
corpore vel collecta vel infecta vel mota est.
Quorundam enim Petechiæ primò, quæ-
dam

dam alterô, quædam septimô, quædam nonô die, quædam etiam ferius proveniunt: neque, quæ tardiùs exeunt, plus quàm quæ citiùs erumpunt, juvant: neque harum ullæ quicquam proficiunt: fecus, ac à criticis exanthematum eruptionibus contingere consuefcit. Adde, neque vel citiùs vel tutiùs convalefcere eos, qui Petechias diutiùs tenent, quàm qui eas citiùs amittunt. Quodfi verò, ùt quidam volunt, Petechiæ ipfæ criticæ effent; utique poffent neque purgantia auxilia neque alvi profluvium morbum, fi ita effet, excutere; contrà verò turbatâ fcilicet iftâ crifi & revocatâ ità intùs materiâ, perniciofiorem eundem efficere. Quod item ab experienciâ alienum omninò eft.


Deinde, tum ipfas Petechias citiùs evanefcere, morbumque ipfum ociùs submo-
veri, cùm impuræ res, quæ in imô ventre
refedêre, citiùs adhibito purgante pharma-

co excutiuntur. Reverti verò easdem; ubi nova rursus impura colluvies ab assumpto cibo intus aut colligitur, aut cum impuris quibusdam reliquiis ibidem convenit. Persistere autem Petechias quamdiu alvus purgata non est, etsi alia quaecunque sive sudorifica sive aromatica remedia adhibita fuerint.

Contrà verò esse Petechias signum, ex quo nosse liceat, multa impura in infimò ventre contineri. Perinde ac à comesto putri mytulo maculæ in cute apparent; eademque rursus evanescunt, cum alvus vel suprà vel infrà purgata est. Vel, uti lentilulares nonnunquam maculæ tanquam latæ Petechiæ in infantum cute erumpunt; in quorum imò ventre aut vermes aut horum putrida cadavera, aut alia quæpiam impura colluvies est; istæque maculæ, ut alvus pharmaco purgata est, iterum recedunt.

Id

Id est, Petechias non priùs fieri, quàm ubi earum miasma cum putridis rebus, quæ in imò ventre resident, coïvit.



C A P U T V.

PETECHIARUM MIASMA
IN QUA CORPORIS PARTE
RESIDEAT?

Magis autem ad rem pertinet, scire, Petechiæne in ægrorum cute existant, propterea quòd earum miasma in ipsum sanguinem intravit eundemque vitiat? an verò, eo quòd illud in ipso infimo ventre decumbit, manetque; neque ex eo loco in cæteras corporis partes dividit se?

De quâ quidem re potissimum sic judico: apparere in cutè Petechias maximè quoniam petechiale miasma cum corruptâ illâ materiâ, quæ in imò ventre ante residebat, coïvit;

coiuit; minimè verò quoniam idem miasma in ipsum sanguinem intravit. Id his præcipuè patet; quoniam in multorum ægrorum cute, etiam primo morbi die, ipsæ protinus Petechiæ five raræ five plurimæ, eademque perfectæ, apparent; ante scilicet, quàm possit ipse sanguis isto miasmate infectus esse. Quoniam, è quorum infimo ventre corrupta materia protinus omnis five vomitorio five infrà ducente pharmaco excutitur, eorum etiam Petechiæ subito tolluntur. Quoniam in quorum imò ventre multa corrupta remanent, in eorum etiam cute Petechiæ diutiùs subsistunt. Quoniam Petechiæ evanescunt, venter ubi aut adhibito purgante pharmaco, aut alvi profluvio, quod supervenit, purgatus fuit. Quoniam, quibus talia non contingunt, Petechias retinent, donec ipsi ex toto purgati sint. Quoniam nonnunquam etiam Petechiæ absque febre sunt. Quoniam sæpè ipsa febris, etiam posteaquam Petechiæ disparuerunt,

H

vehe-

vehemens esse continuat. Quoniam Petechiæ, quæ post subtractam aliquam putredinis portionem evanuerunt, revertuntur; quandoquidem ægri ante, quàm alvus ex toto purgata sit, in diætæ leges peccant, comeftique crudis rebus ventrem gravant. Quoniam (quod proximo capite dicetur) Petechiæ, quæ propter adhibita alexipharmaca remedia, & absque alvi aliquo profluvio evanuerunt, iterum, ubi ægri ista alexipharmaca missa fecerunt, recrudescent. Quoniam, qui infimi ventris viscera pura habent, Petechias, suscepto quamvis miasmate, non accipiunt: quod item supra à me dictum est. Quoniam, ut paulò magis infrà (b) ponam, Petechiæ alios aliquos morbos, cum quibus convenerunt, neque alterârunt neque peiores effecerunt, sed tales, quales esse consueſcunt, siverunt: id est hos, qui orſi ab aliquo intra ipsum
sanguini-

(b) Cap. X.

sanguinem vitio sunt. Veluti febrem intermittentem, aut dysenteriam, aut varicellas Petechiæ, si supervenerunt, necquicquam vel exacerbârunt vel mutârunt. Quoniam, qui cum Petechiis ægrotant, simili ratione malè habent, quâ ii, qui sine Petechiis propter impuram in imò ventre colluviem laborant. Quoniam multi eodem morbo etiam absque Petechiis affecti sunt.

Citiùs autem erumpere ipsam febrim eandemque magis exardescere, ubi Petechiarum miasma cum putridis illis in imò ventre rebus, scilicet à quibus febris per se talis esse potest, convenerit: nempe quo talium causarum conventu & febris vehementiùs efflagrat, & major putredinis nota materiei adjicitur.

Atque ista quidem sententia, etsi superioribus curationum experimentis fatis superque comprobata sit; nihilominus, quoniam ea maximi momenti est, ad confirman-

dam ejus veritatem aliqua adhuc exempla nunc subjiciam: maximèque quoniam erunt fortassis aliqui, quibus id, quod hucusque propositum est, vix fatis esse potest.

Scilicet diximus, per difficilem sæpè istum morbum, quamvis cum paucis Petechiis, esse; ipsamque febrim, etiam posteaquam Petechiæ evanuerunt, diu continuare: propterea quòd multæ adhuc impuræ reliquiæ in imò ventre supersunt,

AEGROTUS XXXIX.

Anno 1760 die 18 Octobris puella 20 annos nata ægrescere cœpit cum vomendi desiderio. Huic chirurgus sanguinem è venâ misit; & altero die pilulas purgantes exhibuit: cùmque febris exarsisset, secta item in pede vena est.

Die 4 in auxilium vocatus julapium acidum & decoctum refrigerans, cui nitrum & acetum destillatum adjecta erant, libera-

liter

liter præstiti, atque vesperi enema ex fero lactis cum melle & nitro imperavi.

Die 6 decem ferè Petechiæ juxtà utrumque brachium, nullæ verò suprà collum pectusve provenerunt; quæ post tres dies iterum evanuerunt.

Interea autem temporis ægra decoctum Julapiumque refrigerans assumere continuavit; atque enema quotidie accepit, quod secutæ sunt dejectiones alvi putridæ. Ob quas decoctos cum fero lactis tamarindos adjectâ Salis Seignette dimidiâ unciâ & mannæ unciis duabus exhibui. A quibus multa maximè putrida descenderunt.

Inter hæc accessit tussis arida, deliriumque, tremor manuum, subsultus digitorum, corporisque frequens denudatio, surditas item & oculorum rubor.

Alternis itaque diebus modò enema refrigerans modò purgantes pilulas præcepi: à quibus multa item putrida descenderunt

in diem 20 usque. Post hæc nunc decoctum purgans nunc purgantes iterum pilulas, interjectis enematribus, præstiti; quæ multa rursus putrida subtraxere. Nihilominus & eadem sorditas, & vehemens delirium, & febris ardor idem manserunt.

Die deinde 28 ortus vomitus est; quo mucum multum excussus est: posteroque die, cum ægra tincturæ rhabarbari aquosæ uncias duas & Salis Seignette drachmas duas ex syrapi rosarum solutivi unciis duabus assumsisset, fecutæ sunt alvi sedes quatuor. Post quas ægra à die 30 in 35 usque purgantes iterum pilulas quotidie assumfit; multaque inde rursus putrida deposuit: iterumque post assumptum die 38 syrupum purgantem mucum multum ore & alvo emisit: tandemque die 42 resipuit, & rectius audivit.

Cumque mens rediisset, ægra perimbecilla decubuit, exque pedibus vehementer, quemadmodum à rheumatico crutiato, doluit.

Ab

Ab isto porrò tempore , quoniam artè-
riarum pulsus per tres impofterum menses
exilis extitit , adhibita sæpè purgantia auxi-
lia sunt ; quæ ducendo alvum , atque tra-
hendo multa putrida mucosa ægram ad in-
tegritatem perduxerunt.

Ex quibus igitur patet ; etiam istum
morbum non propter paucas illas Petechias,
quæ facilè evanuerunt , adeo longum diffi-
cilemque fuisse : sed febrim , quemadmo-
dum suprà jam demonstratum est , ideo mul-
tum exarsisse diuque continuâsse , propterea
quòd putrida in imò ventre materia exupe-
raverat.

Deinde memoravimus , Petechias non-
nunquam etiam sine febre esse.

AEGROTUS XL.

Anno 1760 mense Majo puella 12 annos
nata venit ad me , cum facie pallidâ , & re-
spiratione angustâ , & pulsu parvo , & ali-

quâ in membris lassitudine ; multas secundum utrumque brachium maximèque juxta carpum & supra musculum bicipitem itemque circum collum Petechias habens. Nilominus ea erecta obambulavit, & in triviis circumiens cibos neque nauseavit neque desideravit eosdem.

Convaluit, posteaquam adhibito purgante pharmaco plurima putrida multumque mucum dejecit.

AEGROTUS XL I.

Eâdem tempestate puer 14 annos natus similiter Petechiis etiam absque febre laborabat, & in triviis cum iisdem obambulabat. Eum medicamenta purgantia, quæ multa putrida subduxerunt, restituerunt.

AEGROTUS XL II.

Anno 1763 initio mensis Septembris septem homines in unâ eâdemque domo at-

que

que familiâ quamplurimas Petechias absque
ullâ cæterum noxâ habebant, contrà verò
omnes, quasi nihil ex eorum valetudine vi-
tium esset, valuerunt; hilarisque animi
cibos desiderârunt; placidè dormiêrunt;
quemadmodum fani consueverunt.

Unus ex his puer duorum annorum
erat, qui universam corporis cutem adeo
plenam Petechiis circumscriptis purpureis
habuit; ut eæ etiâ juxtâ tempora exque
oculorum palpebris plurimæ prorupe-
rint. Nihilominus iste puer & benè dor-
miit; & avidè cibos manducavit; & tempus
pro consuetudine ludendo jucundè trivit;
neque ullâ ratione malè habuit. At cùm
jus alvum sæpè pharmaco submovissem;
exque eâ multum tenacis muci subtraxis-
sem, deletæ multæ Petechiæ sunt; donec
omnes exeunte mense Octobri desinissent.

Alter puer 5 annorum, potens comes-
sator, & qui plurimum muci in infimò ven-

tre habere consueverat, similibus Petechiis universum corpus plenum habebat secundum collum, juxta aures, inque ipsis auriculis, omnique facie: isque neque febre laborabat; neque cibos nauseabat; sed prosperè valere videbatur, edensque saltansque ludensque.

Hujus alvum quatuordecim continuò dies pharmaco subduxi; quod, posteaquam plurimum mucum subtraxerat, multum ex Petechiarum colore delevit. Mansit interea & mentis hilaritas & vehemens edendi desiderium. Paulo post quoniam puer, ubi alvum adhuc impuram habuit, multum comederat; incidit in febrim intermittentem quartanam; quam deinde cortex peruvianus, ex purgatâ prius benè alvo, excussit; & puerum absque Petechiis integrum dimisit.

Præter hæc nosse refert, istas Petechias neque magis in ipsâ febre quàm quidem mediis

mediis inter accessiones diebus rubras fuisse; sed tales, quales antè fuerant, perman-
sisse: evanuisse verò omnes, à quo alvus
ex toto purgata fuit; neque deinde rever-
sas fuisse, etiam cùm febris aliquandiu post
continuavit. Ex quibus patet; ob febris
æstus Petechias non esse.

Tertius puer 8 annos natus quampluri-
mis item Petechiis refertus erat; at quæ
magis quàm suorum fratrum pallidæ erant;
cum iisdemque prosperè habuit: easque
proximè, ut alvum pharmaco aliquoties
purgavit, amisit. Ideo verò hujus quidem
pueri quàm suorum fratrum pallidiores Pe-
techias fuisse judico; quoniam is mucis mi-
nus, quam sui fratres, habere consueverat.
Hos enim omnes ab ipsis incunabulis novi.

Quarta soror 12 annos nata, & aliqua
cognata 17 annorum Petechias quidem ha-
bebant; at, quoniam earum corpora pro-
pter alium aliquem morbum pharmaco antè
sæpiùs

sæpiùs purgata fuerunt , ipsæ Petechiæ & magis pallidæ erant , nec adeo multæ ; sic ut ipsæ puellæ istas maculas joco habuerint.

Infantum etiam custos mulier 50 annorum millenas Petechias purpureas in cute habebat : neque ullum adversus easdem remedium accipere ideò voluit , quoniam benè habere se senserat , istasque maculas à pulicum morsibus esse ignara putabat.

Nutrix quoque , quæ febre quartanâ aliquandiu antè laboraverat , ob quam & infrà ducente & vomitoriô medicamentô purgata erat , innumeras deinde in universâ corporis cute Petechias circumscriptas purpureas accepit. Neque eas iterum amisit , donec alvum adhibitô sæpe pharmacô duxisset , plurimumque ex eâ mucum dejecisset.

Porro istæ quidem Petechiæ in ipsâ febris accessione tales , quales mediis inter accessiones diebus fuerant , perstiterunt : neque ubi desiêrunt , imposterum revere-

runt;

runt; etsi febris ipsa aliquoties reversa fuerit. Ex quo rursus patet; Petechias à febre ipsâ non fieri.

ÆGROTUS XLIII.

Anno 1760 fine Februarii vir pauper 30 annos natus spontè vomuit, cibosque nauseavit, atque orto alvi profluvio multa impura per se dejecit; & arteriarum pulsus exilem habuit; & urinam crassam, albam turbidam cum multo sedimento mucoso, qualem jumenta reddunt, emisit: isque post vomitorium remedium multa impura ore rejecit, plurima verò putrida post assumptum rhabarbarum infrà præcipitavit: exque his meliùs habere visus est, quamvis & ejus pedes cedematosi & urina turbida manissent.

Inde octiduo requies levamenque erat, postea verò, susceptò utique ab ægrotâ uxore contagiò, rursus infirmus evenit, & pulsus

pulsus debilem, & faciem pallidam accepit; interea etiam sudore frigido viscoso immaduit. Eruperunt posterô die juxta interna brachia & suprâ pectus potissimum plurimæ Petechiæ, feminis viceæ latitudine, lividæque; aliquæ etiam his majores. Urina porrò alba, turbida, cum multo sedimento mucoso, veluti jumentorum urina, provenit.

Ob quæ ægri alvum rhabarbaro & Sale medio quotidie purgavi: quæ octiduo multa putrida mucosa cum subduxissent, ipsas Petechias indies magis pallidas effecerunt donec omninò evanuissent. Restitutus item arteriarum pulsus, & secutus somnus placidus est, reversumque & edendi desiderium & secunda valetudo est.

Neque etiam iste quoque æger ab ipso morbi principio ad exitum usque febre incaluit. Hujus item uxor Petechiis absque febre laborabat.

ÆGRO-

AEGROTUS XLIV.

Anno 1760 vir pauper 50 annos natus, qui olim sanguinem spūto rejicere consueverat, & à pueritiâ morbo caduco laborabat, cibos aliquandiu nauseavit; subindeque inhorruit; & ventriculo malè habuit. Nihilominus cum his consuetum suum laborem absolvit.

Die 10 Maii corpore imbecillus evenit, ventriculum prætumidum habuit, febre verò non incaluit. Suprà ventrem, ventriculumque, item suprà scapulas juxtàque carpum plurimas sublividas magnas Petechias accepit, quarum aliquæ ut lentes latæ erant, tanquam harum tres in unam convenissent.

Proximo die, post assumpta resinæ jallappæ grana septem & diagrydii sulphurati grana sex ex fyrupi florum persicorum unciâ duodecies multa mucosa alvo emisit. Inde Petechiæ pallidiores evenerunt: ægerque

que cibos maximè desiderans suum laborem continuò perfecit.

Postquam verò æger alvum pharmaco purgare continuâisset, plurimum ex Petechiarum colore minutum est, donec eæ circà diem 15 omninò evanuerint; ipseque æger convaluit, omnis febris ab ipso etiam morbi initio hucusque expers.

AEGROTUS XLV.

Anno 1762 mense Junio serva annos 24 nata malè habuit. Erat ejus facies lurida, & oculi cavi, & gravior spiritus, & totum corpus torpuit: universam ejus corporis cutem multa millia millium Petechiarum occupabant, imò & ipsas oculorum palpebras. Neque tamen cum his ægra febre incaluit, sed pulsum exilem habuit; suumque servilem laborem, etsi aliquantò minus alacriter, tamen quotidie omnem absolvit. Urinam item jumentorum similem cum multo sedimento crasso emisit.

Huic

Huic myrrham , aloënque , & radicis jalappæ rhabarbarique pulverem adjecto sale quotidie indidi; per quæ excitato alvi profluvio plurima putrida , crassique mucii glomeres multique lumbrici excussi sunt.

Cùmque adhibito continenter isto auxilio ægra octiduo vehementer & ex toto purgata fuisset, integrè convaluit.

Atque etiam per ista certè experimenta patet , febrim à Petechiarum miasmate per se non excitari : quæ utique exardesceret ; si , quod quidam volunt , ipsum Petechiarum miasma intrà ipsum sanguinem confisteret.

Porro à nobis suprà dictum fuit, quemadmodum hæc ipsa febris , isque morbus nonnunquam etiam sine Petechiis est , & quòd huic eadem auxilia , quæ morbum cum Petechiis submovent , medentur. Id potissimum anno 1760 & anno 1761 patuit ; scilicet quâ tempestate ipsæ Petechiæ maximè

populares erant. Cujus aliqua exempla nunc subjiciam.

AEGROTUS XLVI.

Anno 1761 à 22 die Maii vir annos 40 natus ægrotabat veluti Petechias habiturus. Erat ei calor ingens, & circum præcordia dolor tumorque, & tussis difficilis, & facies lurida, & cutis color subflavus, & oculi retracti; & fauces sordidæ; & magna sitis, & ciborum nausea, vigiliæque; & ubi æger oculos claudebat veluti somnum capturus, protinus à rectâ ratione aberat. Præter hæc magna corporis lassitudo, & acutus dolor in fincipite preffit.

Igitur venæ sectionem præcepi julpiumque cum Salis Seignette drachmâ & oxymellis squillitici unciâ: potui verò dedi decoctum refrigerans cum oxymelle squillitico item & Sale Seignette quod liberaliter bibat. Insuper manè atque vesperi enemata imperavi, quod alvum duceret.

Secu-

Secutæ sunt sedes alvi putridæ mucosæ multæ, post quas febris in calore remisit, & bona iterum facies evenit, sputa facile cum tussi secesserunt, & somnus accessit, & dolor caput & lassitudo membra dimisit, factaque libera iterum præcordia sunt, sine tumore & sine anxietate.

Finita febre sudor (quemadmodum in ipso Petechiarum morbo consuefcit) ex universo corpore erupit; idemque quatuor imposterum diebus continuavit; rediit quoque edendi desiderium & somnus.

Adhibito iterum iterumque imposterum purgante pharmaco cùm multa putrida mucosa descendissent, secuta ex toto integritas est.

AEGROTUS XLVII.

Paulo post, à 1 scilicet Julii eodem morbo absque Petechiis laborabat vir annos 38 natus, cum facie luridâ, & præcordiorum anxietate atque continuâ febre.


Ob quam causam venæ sectionem , & medicamenta refrigerantia imperavi , & ut etiam ultrà satietatem biberet : injecta item quotidie duo enemata sunt.

Hæc ut multa putrida subtraxerunt , febris esse desiit , & urina jumentorum similis evenit ; & ex universo corpore sudor acidus erupit ; idemque tres dies continuavit.

Inter hæc ægri alvum pharmaco iterumque tribus quibusque diebus subduxi ; ex quâ posteaquam extracta omnia impura sunt , sudor esse desiit , & æger ex toto convaluit.

Atque sub hac quidem facie magis quàm cum Petechiis iste morbus postremis ejus curriculi annis circumivit. De quo non longò sermone hîc opus est : eo quod ex his , quæ hucusque dicta sunt , satis superque patet , febrim , quæ cum Petechiis est , per se

se talem existere, neque ab ipso Petechiarum miasmate, quasi illud in sanguinem intrasset, excitari.



C A P U T V I.

EX QUA CORPORIS PARTE
FEBRIS ORDIATUR?

Quodsi impura, quæ in infimò ventre est, colluvies sive per se incalescit, sive ubi ea cum Petechiarum miasmate convenit; ea utique vicinas partes circum accendit: exque his excitatur febris, quæ continenter exardescit, nec in remissione desistit.

Residere autem impuram istam colluviam maximè in intestinis, minimè verò in ipso ventriculo, per hæc potissimum experimenta patet. Quoniam vomitoria remedia minus [quàm quidem purgantia] juvant.

Quoniam , quæ post emetica auxilia rejiciuntur , pauca , mucosa , & parum corrupta sunt : maximè vero putrida quæ infràducuntur. Quoniam , qui ab isto morbo naturæ beneficio eveniunt , omnes per alvi profluvium , non ex vomitu , convalescunt. Quoniam eorum aut omnis aut plurima urina turbida , quemadmodum jumentorum urina , evenit. Ferè enim perpetuum est , qui urinam jumentorum urinæ similem reddunt , eos multa in intestinis putrida habere. Quoniam denique , qui propter istum morbum pereunt ; omnes intestinorum sphacelo delentur : nisi alia quæpiam corporis pars antiquo vitio affecta antè fuerit , quam vehemens febris , ubi ea accessit , præprimis corrumpit : nam potest pulmo , potest pleura , potest jecur , potest aliud quoddam viscus , si vitiatum id antè fuerit , sphacelo citius corrumpi : potest etiam cerebrum ; maximè diffusæ ubi Petechiæ sunt. Refert enim , quæ corporis pars , & quo vitio eadem

dem

dem antè affecta fuerit. Minimèque in morbis inter se differentibus, si conveniant, perpetuus esse sphaceli locus potest.

Residere verò impuras istas res in his potissimum locis, quæ infrà septum transversum proximèque sub ventriculo sunt: quoniam ægri ex his dolent, ibidemque tument, laboriosè spirant atque anguntur; & siquid assumerunt, post id veluti turgent: & quoniam ægrorum multi ictero, alii plus alii minus, laborant.

Posse quoque impuram istam colluviem nonnunquam etiam paullò magis infrà, ceu sub costis spuriis ceu in ileò intestinò suprà pubem, convenire, cùm suprà (c) dixi, tum nunc subjiciam.

AEGROTUS XLVIII.

Anno 1761 die 5 Januarii puella annos 18 nata cum aliquandiu febre laborâffet, ideoque sanguinem è venâ misisset, assumpto medicamento emetico non multum neque bilis neque muci rejecit.

Interea succrevit febris, sextoque die plurimæ ex universâ cute Petechiæ eruperunt. Præter hæc abdomen, maximèque infra umbilicum, intumuit; inque eo, quâ parte intestinum ileon est, duri glomeres nodique, gallinæ ovorum magnitudine extabant; faciles manibus distinctu. Urina item turbida & ex viridi nigrescens prodiit, cum multo sedimento crasso atque mucoso.

Postea verò quàm ægra istum morbum aliquandiu absque medicinâ tulit; ortum naturæ beneficio largum alvi profluvium est; quod simul, ac multa putrida, atque totos muci glomeres excusserat, tumorem ven-

ventris dissipavit , & abdomen molle restituit; febrimque, & cum eâ Petechias, delevit.

AEGROTUS XLIX.

Anno 1761 initio Februarii juvenis 18 annos natus aliquandiu ante quàm eum accepissem, ægrotabat. Erat ejus facies lurida pallidaque, & oculi retracti, & articularum pulsus frequens; & febris summa. Prominuit etiam in intestino ileo suprâ os pubis secundùm vesicam magnus tumor durus rotundus, ex quo æger acutè doluit, & urinam præceptam habuit; & lotii parum, idque difficulter, emisit; & siquidem emisit, doluit: & erat omnis urina, cùm exiisset, crassa, alba, turbida, veluti jumentorum urina. Porro erant juxtâ interna brachia Petechiæ.

Quare ægro protinus enema ex fero lactis cum nitro & melle indi jussi; coctos-

que cum Sale Seignette tamarindos exhibui; adjectâ mannæ portione. His alvus laxata est; exque eâ plurima putrida & multi mucî globi descenderunt; post quæ venter iterum mollis evenit, & febris esse desinit, evanuerunt etiam Petechiæ, & cum facilitate urina tenuis & sanæ similis effluxit, sicque secuta integritas & ciborum desiderium est.

Atque hæc præcipua & maximè communis istius morbi causa est: impura scilicet & mucosa illa, quæ in intestinis antè resedit, colluvies; ex quâ, siquidem cum suscepto contagio accenditur, febris exardescit.

Verisimile quoque est, posse nonnunquam etiam ex cæteris infimi ventris visceribus, quæ suos in intestina exitus habent, per quos suum quæque confectum humorem educunt, febrim simili ratione exoriri, aut, quæ est, diu trahere; quandoquidem

quidem tenax aliquis mucus in eis hæret. Fortassis etiam idem mucus deinde, ubi orsa ante in intestinis febris est, accenditur. Neque alienum est, aliquantum exferô intrâ ipsam sanguinis massam, quemadmodum ferè in pleuriticorum morbo, febre, posteaquam ea aliquandiu exarsit, accendi atque coagulari. Quod item morbum & pertinacem efficit & admodum longum.

Id potissimum ex his conjecturare licet: quoniam nonnunquam febris, etsi alvus pharmaco aliquoties subducta fuerit, nihilominus continuat: quoniam posteaquam alvus aliquandiu fluxit, nihilque muci dejectum est, deinde iterum tenax mucus ex eâ descendit, iterumque post aliquot dies novus emittitur; sicque aliquibus imposterum septimanis per vices continuat: quoniam horum aliqui sanguinem ut pleuritici habuerunt, & inclinâtâ febre sputa
fimi-

similiter ejecerunt: quoniam aliqui ex his etiam post superatum morbum, quarto, aut quinto, aut (prout nempè magis ad sanitatem processum est) octavò quovis die mucosa vel per se vel adhibito aliquo purgante pharmaco in alterum usque mensem dejectiunt: nempè propterea quòd restitutum iterum fibrarum integritate iste mucus ex viscerum interioribus excutitur, atque in intestinorum cavitatem, tanquam in commune aliquod receptaculum demittitur. Quam deinde impuram congeriem ciborum nausea atque ventris inflatio sequitur significatque.

Sic obesi homines, & pituitosi, & otiosi, & comessatores, & qui ventrem non satis expurgârunt, habere consuescunt isto morbo ubi tentantur.



C A P U T V I I.

EXPLICATIO SYMPTO-
MATUM.

Rectius facturum me esse puto; si explanationem symptomatum, secus ac aliorum scriptorum mos est, ipsi curandi rationi postponam; scilicet quominus ista quidem dissertatio post prolata experimenta controversiam admittat.

Et primò quidem ægri ab ipso morbi exordio, & antequam febris exardescit, imbecilli sunt; faciem luridam, & pulsum exilem habent, atque universum cibum nauseant; utique quoniam impura colluviës, quæ hucusque in imò ventre & circum præcordia coïverat, nunc sive per se sive mista cum miasmate petechiali ibidem computrescit.

Atque

Atque sic alii magis alii minus infirmi sunt ; alii longiore alii brevior tempore ægrescunt ; prout impuri aut plus aut minus in eorum ventre convenit ; idemque per contagium five ociùs five seriùs corruptum est.

Post hæc succrescit febris ; quæ magis atque magis exardescit ; quoniam corrupta materia ipsa viscera jam accendit.

Quodsi verò ista in imò ventre colluvies cum miasmate Petechiali , quod recepit, non computrescat ; sed talis, qualis ante fuerat , persistat ; etiam ex eâ neque ista infirmitas neque febris oritur : sed ægri illæsi etiam cum ipsis in cute Petechiis manent : quemadmodum suprà memoravimus.

Quorum autem accensa per petechiale miasma colluvies adhibito protinus auxilio vel suprà vel infrà omnis excutitur ; eorum etiam febris quam proximè definit. Contra verò, si ista colluvies , quæ cum miasmate

mate Petechiali coïvit, exuperat; utique febris, quæ inde est, diu continuat. Quod utrumque suprà à me dictum est.

At ubi præter vitiatam istam in intestinis colluviem multus tenax mucus in cæteris infimi ventris visceribus hæret; is etiam febre accenditur; exque eo morbus protrahitur; neque febris neque ipsæ Petechiæ priùs desistunt, quàm iste mucus in intestina inclinaverit se, atque ex alvo omnis descenderit. Quæ vulgaris causa est, ob quam iste morbus nonnunquam in longum trahit.

Porro cùm febris ad summum pervenit, ægri oculos rubros habent, delirant, & manibus tremunt: quasi juxtà eorum cerebrum inflammatio efflet.

Cum his & furdi & soporosi esse incipiunt, & indies magis furdescunt & profundius dormiunt. Quod bono quidem indicio est; quoniam id secundam valetudinem

nem reversuram esse certè significat. Contrà, qui cum ipsâ febre neque oculos rubros accipiunt, neque furdi neque soporosi fiunt, hi ferè omnes pereunt: eveniunt nihilominus absque his ii tantum, qui Petechias sine febre habent.

Atque illorum ægrorum alii profundius diutiùsque dormiunt: alii minus; iidemque facilè expergiscunt. Alii graviter audiunt; alii omninò furdi sunt, sic, ut nihil nisi magnos clamores percipiant. Alii rursus aliquandiu furdi sunt; alii item diutius, 40 scilicet diebus, furdi erant. Porro, qui multa impura in imò ventre habent, hi & diutiùs ægrotant, & graviùs audiunt, quàm qui pauca. Et quibus multa impura relinquuntur; hi, etiam superatâ febre, diutiùs furdi manent. Audiunt verò rursus omnes, & ut sani dormiunt, neque postea soporosi sunt; quam primum pharmaco perfectè purgati sunt.

Sed

Sed cur sunt oculorum rubor, & sopor, & surditas secunda signa in isto morbo; cum adversa eadem sint in alio?

Nonnunquam ad hunc morbum, cum invaluit, icterus accedit; sine ullâ hepatis sensibili duritie; etiam posteaquam ægri alvus aliquoties pharmaco jamjam purgata fuit.

Hoc vitium per se tale est; non à Petechiis. Utique quoniam orificium ductûs choledochi impuro glutine obductum obturatumque est. Ex quo, quoniam bilis in intestinum duodenum facile descendere nequit, congestâ intus in hepate reflûaque bile, quæ in ipsum sanguinem revertitur, externa cutis aurigine induitur. Perinde ac neonatorum infantum cutis flavo colore tingi consuescit, eo quòd eorum ductus choledochus muco, quem recens nati in ventriculo & in intestino duodeno habere consuescunt, occlusus est.

K

Obser-

Observando enim didici; istum quidem icterum non nisi his contigisse; in quorum ventre permulta glutinosa extabant.

Hoc vitium privatam medicinam non desiderat; sed iisdem auxiliis facile superatur, per quæ ipsi Petechiarum morbo succurri posse supra posui: scilicet per ea, quæ ventrem benè purgant. Siquidem, si aut plurima aut omnia impura subtracta sint, etiam referato ostio & defluâ in intestinum bile omnis aurigo cutem iterum dimittit.

De sudoribus etiam disputatio est. Multi enim inter antiquos olim medicos putârunt; Petechiarum morbum medicamentis sudorificis excutiendum esse. Id recentiores jure ut exitiosum repudiârunt quidem; at sudoris tamen rationem habendam esse volunt: alium enim protinus & in ipso morbi principio adesse: alium cum ipsâ febre accedere: alium denique finitâ febre erumpere. Atque horum alterum, siquidem eô uni-

universa cutis æqualiter immadescit, isque odorem acidum spirat, ut criticum intuentur; eundemque adhibitis sudorificis medicamentis & impositis vestimentis multis continuandum esse statuunt. Alterum verò tanquam colliquativum maximè metuunt; tumque cardiacis auxiliis, quibus imbecillum corpus firmari possit, subveniendum esse præcipiunt.

Verùm ista omnia ità se non habere sæpè observando attigi. Esse quidem tria in isto morbo sudorum genera; neutrum verò horum neque ut criticum neque ut colliquativum haberi posse: quod nunc ponam.

Vel enim in ipso morbi principio ægrorum cutis sudore sæpè immadescit; eo scilicet tempore, quo infirmitas incipit & pulsus parvus, & facies lurida, & vomendi desiderium est: sive ægri erecti adhuc sint, sive iidem decumbant.

Est iste fudor à fibrarum imbecillitate universique corporis infirmitate, & ex eo quod multa in imò ventre impura resident. Eâ ferè ratione, quâ ii infudare solent, quibus post assumtum aliquod medicamentum emeticum vomendi desiderium est: aut veluti hi, qui etiam absque Petechiarum morbo nauseant & vomituriunt, propterea quod putridam aliquam materiem in ventriculo habent. Contrà verò quorum febris protinùs erumpit, hi sic non sudant.

Juvant vomitoria, quæ istam materiam ejiciunt: maximè verò purgantia, quæ vitiatam colluviem, quoniam ea in intestinis potissimum residet, subtrahunt. Nocent verò fudorifica remedia: siquidem per ea neque mali causa submovetur; neque ipse fudor juvat. Neque tutum sed exitiosum est, quod quidam volunt, istum sudorem ab ipso morbi principio adhibitis calefacientibus auxiliis promovere perficereque.

Vel

Vel inclinâtâ febre sudor erumpit: isque facilis est, atque liberaliter ex universo corpore profluit; idemque acidum odorem habet, & multum foetet, & diu continuat. Hunc aliqui hodie medici tanquam criticum intuentur; eundemque decoctâ radice serpentariâ virginianâ; atque aliis quibuspiam calidis rebus continuandum esse postulant.

Verum etiam hos â rectô abesse existimo. Siquidem, quoniam iste sudor neque febrim excutit, neque morbum submovet, necquicquam criticus est. Is enim non priùs erumpit, quàm cùm febris ipsa adhibitis sive purgantibus sive antiputredinosis auxiliis aliquantò magis antè imminuta, plurimumque ex morbo submotum est: id est, posteaquam fracto febris æstu universa corporis cutis, quæ ardens aridaque ante fuerat, iterum laxa mollisque evenit. Ferè quemadmodum in omni febre ardente, aut

ubi magna aliqua inflammatio est, deinde post largam venæ sectionem cutis iterum mollis fit & tota immadescit: quem utique sudorem medicorum nullus criticum appellabit.

Siquidem ubi morbus ipse, propterea quod adhibitum aut nullum aut imbecillum aliquod remedium fuit, protrahitur; etiam iste deinde sudor seriùs, si æger eveniat, prorumpit. Contrà verò, si morbus protinùs submovetur, idem sudor citiùs, si contingat, erumpit. Atque isti, quibus succurritur, ægri minus quàm quibus non succurritur, sudant: minimè verò hi, quorum Petechiæ absque febre sunt. Erumpit autem iste sudor tum, cùm febris adhibito sive cortice peruviano sive purgante pharmaco subdita quidem, at nondum ex toto submota est: isque deinde absque levamine fluere continuat; quamdiu impuræ aliquæ reliquiæ adhuc in ventre supersunt.

At

At ubi istæ reliquiæ adhibito purgante pharmaco protinus subtrahuntur; morbus ipse absque isto sudore proximè desistit. Sin minus: versus quintum aut octavum diem (feriùs aut ociùs prout materiei five plus five minus intus remansit) febris rursum exfurgit, inque eâ æger delirat, & quemadmodum ante, iterum ægrotat: neque febris priùs esse definit, quàm adhibito item purgante pharmaco subtracta omnia impura fuerint. Ex quibus patet, necquicquam criticum sed symptomaticum esse istum sudorem.

Similiter, qui multa impura in imò ventre habent, hi multum sudant. Et quibus ea diu relinquuntur, hi etiam diu sudant, & diu perimbecilli manent, & aquam inter faciei pedumque cutem accipiunt.

Atque istum quidem sudorem, si aliquandiu continuat, recentiores aliqui medici pro colliquativo habent: quoniam is

ægrum perimbecillum relinquit. Tumque student; ut cordialibus auxiliis ægrorum vires sustineant. Verum id vanum est: juvant enim quæ ventrem purgant.

At si postremò sudor frigidus, paulò ante mortem, scilicet ubi gangræna sphacelusve jam occupârunt, in summâ cute hæret, exitiosum omninò est: neque, nisi cortex peruvianus juvet, quicquam præsidio est.

Quodsi verò deinde æger post adhibitum mirabile istud auxilium fortassis evenerit, tutusque sit; sudor rursus acidus erumpit, novaque denuò febris, veluti ante fuerat, succrescit: eademque item submovenda est per eas rationes, per quas huic succurri posse, suprà posui.

Tussis etiam ægros multum excruciat; quæ cum ipso morbo incipit, & sæpè etiam post eum superest.

Ab ipso enim morbi principio, & quamdiu febris ardet, ista tussis arida est, ægrumque crebris & tanquam abruptis conatibus vexat: utique quoniam universum corpus aridum propter fervorem est. Deinde verò, cum febris finem habet, tussis humida evenit; sequitur tenax sputum, atque mucus à linguâ exque faucibus secedit. Scilicet, quoniam factum corpus nunc iterum molle est, laxatæque rursus fibræ sunt: simili ferè de causâ, propter quam sudor inclinatâ febre erumpit.

Atque ista quidem tussis nunquam non est. Multi etiam finitâ febre diu maximèque tussiunt & plurimum muci rejiciunt, ferè veluti peripneumonici pleuritice.

Est ista tussis à muco, qui ex imò ventre in ipsum sanguinem ascendit: perinde ac infantes etiam sine febre tussiunt; in quorum ventre sive nimius mucus coïvit sive vermes resident.

Id his potissimum experimentis constat. Quòd , in quorum ventre pauca materia convenit , hi parum tussiant ; & superato morbo absque tussi sint. Quòd , in quorum imò ventre multæ reliquæ , etiam finitò morbò , supersunt , hi diu tussiant plurimaque exscreent. Quòd ipsa tussis , etsi plurima ea sit , protinus esse desinat , quamprimum ægrorum alvus pharmaco submota fuerit , ex eâdemque impura , quæ ibidem residebant , subtracta sint. Fortassis etiam aliqui ideò magis tussunt & sputi plus ejiciunt ; quoniam , quod suprâ memoravimus , aliqua feri portio , cum febris invaluit , calore coacta atque densata est ; deindeque , ubi calor remisit & restituta fibrarum integritas est , sputo expellitur. At solet tamen ista materia liberaliùs in intestina inclinare se , & potest commodiùs adhibito laxante auxilio infrâ duci.

Deinde

Deinde etiam articulorum dolor, siquidem Petechiarum morbo supervenit, privatam considerationem desiderat. Hic maxime in pedibus, potissimum circum malleolos, & in talo, sæpè ad manus, nonnunquam etiam in cubito humeroque simul, veluti rheumaticus est; idemque ægros, cum mens rediit, vehementer excruciat. Et si quis horum membra manu tractat; dolor in iisdem intenditur, obque eum ægri multum clamant. Etiam hi, quibus nullus olim dolor in articulis fuerat.

Ità autem potissimum hi dolent; quorum morbus difficilis longusque est: five quòd in eorum ventre multa impura sunt, five quòd eadem ibidem relinquuntur. Nonnunquam iste dolor diu subsistit; nonnunquam is citius definit; nonnunquam levis idem est; nonnunquam etiam peracutus, finitæque febre mitescit non desistit. Et quibus multa intus materia supererat, eos
dolor,

dolor, donec puri fuissent, etiam 40 diebus pressit. Qui verò citiùs convalescunt, & quorum morbus adhibito auxilio protinus omnis submovetur; hi absque dolore eveniunt. Adde; etiam eos, quorum morbus revertitur, iterum dolere; si talis dolor in morbo ante fuerat.

Huic vitio medentur, quæ alvum purgant. Ex quibus judico; esse istos articulorum dolores ab impuris rebus, quæ in imò ventre resident: veluti suprà posui & nunc subjiciam.

AEGROTUS L.

Anno 1760 die 22 Aprilis puella 6 annos nata ægrotabat; plurimasque protinus Petechias in universâ cute habuit.

Assumtis die 3 resinæ jalappæ granis tribus totidemque diagrydii ex syrapi florum persicorum unciâ, multa mucosa putrida dejecit in diem 5 usque. Indeque
sumto

Sumto iterum eodem pharmaco plurima rursum putrida depofuit usque in diem 7. Erat interea ægræ cutis plena Petechiis, venter tumuit, febris exarfit, & in articulis acutus dolor erat, hos siquis manu tractabat.

Die 7 ægra item purgata multum mucilago reddidit: & ex articulis doluit. A die 10 post idem purgans pharmacum multa putrida cum iisdemque vermiculi descenderunt ad 13 usque diem. Nihilominus & febris & Petechiæ cum iisdemque articulo- rum dolor continuârunt.

Posteaquam verò à die 14 in 16 usque eodem rursum pharmaco omnia, quæ supererant, putrida subtracta sunt, articulo- rum etiam dolor & febris esse desierunt; & ægra Petechiarum expers convaluit.

ÆGRO.

A E G R O T U S L I.

Anno 1760 puer annos 14 natus die 27 Aprilis à prandio friguit; finitoque frigore ortus calor est, qui altero die plurimum exarsit, cum eodemque multa millium-millia Petechiarum in universam cutem prodierunt.

Die 4 cum æger resinæ jalappæ & diagyridii grana quinque ex syrapi florum perficorum unciâ assumsisset, alvum vigesies deposuit; plurimaque putrida cum iisdemque lumbricos, unum ore & tres alvo, deiecit.

Die 6 orta narium hæmorrhagia est; & plurimæ simul Petechiæ provenerunt.

A die 7 in 13 usque post idem purgans pharmacum excitata diarrhæa est; quæ plurima putrida excussit. Interea autem temporis & calor magnus erat, deliriumque; & plurimæ in cute Petechiæ; & æger morbum

bum caducum, quo olim affectus erat, bis passus est; & ex brachio paralyticus evenit; doluit ventre; inque articulis, siquis eos flexurus erat, acuto dolore excruciatum est.

Cùm autem alvus post idem rursus pharmacum in diem 19 usque laxa extitisset; & plurima putrida, interque ea plurimus mucus, veluti gelatina, descendissent, æger 20 die & febris & Petechiarum & omnis doloris expers convaluit.

Ex quibus rursus patet; esse istos articulorum dolores à putridis rebus, quæ in infimò ventre resederunt; præsidiumque à purgantibus auxiliis petendum esse.

Neque esse istos dolores ab ipso Petechiarum miasmate, quoniam alii etiam homines sine febre & absque Petechiarum morbo sæpè acutos in diversis corporis articulis dolores habent, eoquòd putrida aliqua colluvies in eorum infimo ventre hæret;

ret; veluti aliquas historias nunc ponam, quas satis esse puto.

AEGROTUS LII.

Anno 1761 à die 4 Novembris vir annos 50 natus protinus in ipso humeri finistri articulo acutè doluit: sic, ut neque dormire neque quicquam edere, neque brachium, neque ipsos etiam digitos movere præ tormento potuerit; præter hæc æger brachium, ut dolorem temperaret, thoraci alligavit.

Quæcunque autem eousque adhibuerat, necquicquam profecerunt.

At verò cum post indita enemata is multa putrida dejecisset, exque his urinæ ut jumentorum turbida evenisset, aliquantumque ex dolore sic minutum fuisset; protinus purgans pharmacum præstiti: à quo posteaquam excussa plurima putrida multusque

que mucus sunt, æger omnis subitò doloris expers evasit.

ÆGROTUS LIII.

Eodem ferè tempore vir 30 annos natus peracuto item dolore in ipso humeri articulo laborabat : & supernum corpus plurimum in affectum latus inclinavit, nempe ut per istum corporis situm aliquantum ex tormento leniret.

Quæcunque verò æger assumserat, aut externè applicuerat, necquicquam profecerunt. At cùm vidissem urinam jumentorum similem evenire, istum utique humeri dolorem excitatum ab impuris in imò ventre rebus esse ratus rejecto omni remediorum apparatu ægri alvum pharmaco sæpè purgavi. A quo auxilio cùm plurimus mucus submotus fuisset, omnis etiam dolor esse desiit; neque idem reversus est.

L

Eodem

Eodem vitio laborabat vir 50 annorum;
& urinam jumentorum similem reddidit.
Cùmque is adhibito sæpè purgante pharma-
co multa putrida dejecisset, protinùs con-
valuit, omnis cruciatûs expers.

AEGROTUS LIV.

Paulo post fœmina annos 38 nata perti-
naci dolore ischiatico aliquandiu excrucia-
batur; quem moderare neque poterant cu-
curbitulæ cum scarrificationibus, neque
decoctum lignorum, neque medicamenta
antimonialia.

Cùm verò omnis, quam ægra reddide-
rat, urina jumentorum similis evenisset;
purgantia remedia accepit: à quibus cùm
multa putrida submota sunt, omnis proti-
nus dolor esse desiit.

AEGROTUS LV.

Proximè ab his acuto humeri dextri
dolore laborabat vir 45 annos natus, veluti
istud

istud quidem os loco pulsus esset. Posteaquam verò ejus alvus pharmaco vehementer mota est, æger brachium liberaliùs movere potuit. Atque cùm post triduum adhibito rursus purgante pharmaco multa impura subtracta fuissent, omnis etiam dolor humerum dimisit.

AEGROTUS LVI.

Simul etiam vir annos 50 natus acuto humeri dolore excruciabatur. At dolor, ut alvus pharmaco submota fuit, humerum dereliquit, & in femur descendit: idemque esse desiit, posteaquam æger pharmaco proximè purgatus fuit.

Adde ; sæpè etiam infantes, in quorum imò ventre sive vermes sive alia quæpiam impura colluvies est, articulis eadem ratione torqueri.

Atque iste quidem dolor num ideo in articulis sit, quoniam impura colluvies in

ipso ventre refidet, manetque ; num verò (quod proximum vero videtur) propterea quòd aliquantum ex eâ in ipsum sanguinem continuò intravit, deindeque cum sanguine in articulos descendit, non satis scio.

Deinde etiã quæritur: Hæmorrhagiarum, ubi Petechiarum morbo supervenit, quid significet?

Si parum sanguinis è naribus stillat, idemque sanorum sanguini similis aut paulò spissior est illo ; atque circumscriptæ si Petechiæ sunt; singulare nihil significat : siquidem ex eo morbus ipse neque pejor neque mitior fit ; sed talis, qualis antè fuerat, persistit. Ideo autem sanguis erumpere videtur ; quoniam is febre nimium agítatus extrema vascùla aut rupit aut dilatavit. Perinde, ac propter eandem febrim mulierum uterus sanguinem nonnunquam ociùs stillavit, quàm quidem is statuto tempore à sanis mulieribus fluere consueverat.

At

At cum diffusis Petechiis sanguinem è naribus fluere exitiosum est: quoniam mors in propinquo est.

Pertenuis, ferè veluti aqua, iste sanguis est; neque facilè, ubi frigescit, coit: isque aut cùm Petechiæ extant, aut paulo posteaquam eædem evanuerunt, vehementer erumpit, & præcipiti rivo plurimus, sex octove librarum pondere, effluit: etsi ægri vena in ipso etiam morbi principio secta jam fuerit.

Et, siquidem sanguis fluere desistit, febris (quod maximè mirum videri potest) protinus exardescit, sequitur post 12 horas delirium, intrà quod æger tertio deinde die gangræna extinguatur.

Est ista sanguinis profusio cum diffusis tantum Petechiis, nunquamque eandem vidi, circumscriptæ ubi Petechiæ erant. Et qui tali ratione sanguinem dederunt, hi omnes omnes perierunt.

Quâ verò de causâ ità contingat, scientiâ non comprehendo sed conjecturâ prosequor. Ideo verò judico sanguinem vehementer & plurimum erumpere, quoniam dissolutus & febre nimium agitatus is est. Dissolutum verò eundem esse, quoniam plurima putrida ex imô ventre in sanguinem intraverunt: in horum verò sanguinem putridarum rerum plus quàm quidem in aliorum intrâsse, quoniam in horum ventre plura, quàm in aliorum, impura aut collecta sunt aut eadem diutius in eodem antefederunt: plura autem impura eademve diutiùs in horum ventre resedisse, inde nosse licet; quoniam horum omnis urina jumentorum urinæ similis, & sæpe viridis, subnigræ, & magis spissa magisque mucosa est, atque citius turbida evenit, quàm quibus circumscriptæ Petechiæ sunt. Ferè enim perpetuum est, quorum urina jumentorum similis est, in horum imô ventre impura residere: & quò crassior ista urina est,

quo-

quoque citiùs eadem turbida evenit, eò etiam impuræ colluviei plus in eò ventre esse.

Ipsas verò Petechias in istorum cute ideo diffusas esse; quoniam horum sanguis dissolutus est: circumscriptas verò easdem in aliorum cute esse, quorum nempè sanguis magis densus & sanorum ferè similis est.

Neque verò ab ipso Petechiali miasmate sanguinem sive adeò dissolvi sive per nares ità effundi, sed ab impuris rebus, quæ in imò ventre resedère, eousque vitari: quod item ex his colligere licet; quoniam diversam atque sæpè profusam sanguinis jacturam etiam sine febre & absque Petechiarum morbo patiuntur hi, in quorum infimò ventre multa impura coïverunt.

Vulgare enim infantum, qui multa impura vermesve ventre habent, vitium est, sanguinem naribus effundere. Et non iarò

adultos vidi, quamplurimum sanguinis modò naribus, modò tussi, modò utero, modò alvo reddidisse, absque aliâ quapiam manifestâ ratione, quàm quod in horum infimò ventre impura colluvies erat. Neque his vel venæ sectiones, vel medicamenta narcotica, refrigerantiave, vel tenuem diætam, vel quæcunque alia auxilia profuisse. Juvâsse verò protinùs purgantia pharmaca, quæ vitiatam colluviem subtraxerunt. Neque deinde ægros, posteaquam ità evenerunt, relapsos fuisse, sed tutos imposterum mansisse. Quibus verò ità occursum non est, nimiâ sanguinis profusione aut protinus aut paulò post exanimatos fuisse. De quibus spero, fore, ut in privatâ aliquâ pertractatione fusiùs differam.

Ideo verò eos, qui diffusas juxtâ Petechias sanguinem profusè emittunt, perire judico; quoniam, quorum sanguis ex tali causâ ità vitiatus est, eorum corpora inflammatio-

mationem & citiùs suscipiunt; & ea, quam susceperunt, neque ut in aliorum corporibus resolvi potest, neque suppurare; sed, quemadmodum in scorbuticis, si qua inflammatio occupavit, gangrænam efficit, quæ jugulat.

Simili quoque vitii causâ ac ratione etiam multos eorum interiisse existimo, qui diffusis Petechiis etiam sine istâ hæmorrhagiâ laborabant: quamvis hi morbum diutius quàm illi traxerint. Quos nunc memorabo.

ÆGROTUS LVII.

Anno 1760 mense Martio febre laborabat vir annos 45 natus: ideoque sanguinem ex venâ misit. Paulò post in summâ cute diffusas Petechias accepit, quæ triduo tales persistiterunt.

Cùm his febris exarsit, & urina sæpè flammea sæpè etiam jumentorum similis evenit.

L 5

Ob

Ob quam causam serum lactis, cum nitro & melle ut enema sæpè indi jussi : à quo plurimus mucus & putrida colluvies, quæ nigra nonnunquam erat, descenderunt.

Præter hæc tenuem hordei avenæve cremorem cum succo citrei, julapium item acidum plurimum præcepi, & ut æger decoctum refrigerans cum aceto vini destillato & nitro liberaliter bibat, ammisso ribesiorum syrupo.

Neque verò etiam hæc secutus profectus est, sed febris magis exarsit : utique, quoniam impura, quæ in imò ventre resederunt, non omnia submota erant.

Quare prioribus remediis extractum corticis peruviani multum adjeci; scilicet, ut eò impuram colluviem tanquam condimento emendarem; neve gangræna, quam metuebam, imum ventrem occuparet.

Nihilo-

Nihilominus ortus suprâ pubem in intestino ileo acutus dolor est; exque eo febris magis exarsit; accessit delirium; & æger sphacelo extinctus periit die 20: neque ullum remedium quicquam profecit.

AEGROTUS LVIII.

Anno 1761 vir annos 30 natus die 20 Novembris ventriculo doluit & cibos nauseavit cum vomendi desiderio.

Ob quæ, pro aliorum consilio medicamentum purgans postero die assumpsit; & tertio sanguinem è venâ misit.

Cùm ægrum die 6 vidissem, plurimas in ejus cute diffusas Petechias conspexi: ex quibus ægrum morbo jugulatum iri metuebam.

Igitur jussi hordei avenæve cremorem cum succo citrei esse, & unaquaque horâ duo cochlearia julapii ex aquæ florum sambuci unciis sex & oxymellis squillitici uncia

ciâ & Salis Seignette drachmis duabus affumere. Potui verò dedi decoctas ex aqua radices graminis acetosæque & scorzonerae atque liquiritiæ, & papaveris erratici flores, quibus aceti destillati uncia & uncia tres syrapi rubi idæi & duæ drachmæ nitri adjectæ erant: ut bibat etiam ultrà satietatem. Præterea manè & vesperi enema effero lactis cum melle nitroque inditum est.

Inde multa quidem putrida mucusque descenderunt, & urina etiam jumentorum urinæ similis evenit: at nihilominus accessit delirium, manuumque tremor deinde & oculorum rubedo cum sordibus juxta palpebrarum commissuras.

Quare superioribus remediis manè & vesperi grana quindecim rhabarbari adjeci quæ rursus plurima putrida subtraxerunt.

Veruntamen ista omnia necquicquam profecerunt; contrà verò Petechiæ & plures provenerunt, & ipsæ lividæ factæ sunt.

Ob

Ob quæ die 10 superioribus auxiliis extracti corticis peruviani drachmas sex quotidie ammiscui.

Die 11 febris exuperavit, cum vehementi delirio, urina item jumentorum similis evenit, postque enemata rhabarbarumque res putridæ descenderunt.

Die 12 æger floccos collegit, digitis vestimenta trivit, corpus sæpè denudavit, anxie deliravit veluti metuens, circum oculos fordes habuit; ventrem multum movit spirando; atque arteriarum pulsum celereim habuit; manentibus iisdem Petechiis. Interea autem temporis æger extractum corticis peruviani assumere continuavit: at enema, quod accepit, idem sine effectu intus retinuit.

Die denique 13 universum corpus fudore viscido immaduit, & abdomen maxime intumuit tensumque est; & æger vesperi interiit, utique ex gangrænâ in infimò ventre.

tre. Ipsæ autem Petechiæ etiam post mortem tales, quales ante fuerant, superstiterunt.

ÆGROTUS LIX.

Anno 1762 initio mensis Februarii vir 52 annos natus male habuit. Ideoque altero die ventrem pharmacô purgavit.

Cùm ægrum tertio die vidissem, febris aliquantum incaluit. Jussi igitur decoctum refrigerans atque julapium cum oxymelle liberaliter assumere. Paulo post Petechiæ diffusæ in brachiis maximè verò in dorso eruperunt. Ex quibus verebar, ne æger proximè interiret.

Igitur in præcipiti isto periculo cùm auxilium fefellisset, alios secutus quotidie extracti corticis peruviani unciam præstiti. Posteaquam verò æger octo intrà octiduum extracti uncias assumserat, mortuus est.

Tres

Tres verò ante mortem dies arteriarum pulsus & frequens factus est; & respiratio densa cum quâ venter necquicquam motus est; & hypochondria intus revulsa sunt; & os magno hiatu denudatisque dentibus tanquam fardonio risu apertum fuit. Utique quoniam in imò ventre sphacelus erat. Nam quos olim cum risu fardonio exanimatos vidi, in eorum infimò ventre modò hoc modò illud nempe aliud atque aliud viscus sphacelo vitiatum fuisse inveni; cùm horum corpora incidissem.

AEGROTUS LX.

Anno 1762 à die 3 Aprilis robusti corporis habitûs juvenis 25 annos natus ægrotare cœpit. Non magna quidem in principio ægrotatio videbatur: & quoniam dolor capitis urfit, venam in pede secari, & potum refrigerantem julapiumque Medicus præceperat.

Cùm

Cùm istum quidem ægrum die 7 accepissem, magna corporis infirmitas æstusque erat, caput vehementer doluit, arteriarum pulsus celer erat; accesserunt vigiliæ, & anxietates circum præcordia; sæpè etiam intrâ ipsum febris æstum horror atque frigus supervenerunt. Ob quæ ægri sanguinem è venâ mitti jussi, qui floridus mansit, neque in crustam inflammatoriam coïvit.

Die 8 Petechiæ diffusæ in summâ cute apparuerunt: propter quas julapium cum extracti corticis peruviani drachmis sex & oxymellis squillitici unciâ quotidie præstiti: iisdemque camphoræ grana 40 totidemque salis ammoniaci & grana 30 radicis serpentariæ virginianæ, quotidie assumenda, adjeci. Potui verò dedi decoctum refrigerans, ammisso multo nitro & oxymellis squillitici unciis duabus. Præter hæc serum lactis cum nitro & melle manè & vespere ut enema injectum est. His alvus mota est,

est, plurimæque putrida ex eâdem descenderunt.

Die 9^a & 10 orta diarrhæa putrida est, urina verò sanorum similis erat, & magna infirmitas, vigiliæque; arteriarum item pulsus & frequens & celer, & sæpè universi corporis insudationes. Inter hæc æger & julapium, & pulverem, & decoctum liberaliter assumere continuavit.

Die 11 urina adhuc tenuis, & eadem ulvi dejectiones liquidæ putridæque erant; atque siquidem æger oculos clauserat somnum capturus, deliravit: & ubi corpus paulum movit, sublimem veluti à cursu, spiritum duxit. Feci, ut oxymellis squillifici loco, aceti destillati uncia cum uncibus syrapi rubi idæi potui adjiceretur; scilicet quæ putridam in imò ventre colluviem citiùs emendarent: & tria emplastra vesicatoria protinus imperavi.

M

Erat

Erat die 12 arteriarum pulsus celer, & urina sanorum similis, & æger nonnunquam deliravit, sæpè etiam insudavit, & alvo putrida deiecit, neque potuit dormire, ventrem etiam spirando multum agitavit, & narium pinnos ducendo spiritum movit, equorum instar post celerem cursum.

Die 13 sedes adhuc putridæ erant, neque æger hucusque dormiit; neque surdus erat; neque potuit linguam ultrà dentes porrigere; maximè deliravit; & floccos collegit; laboriosè spiravit; oculi rosei coloris evenerunt; urina tenuis erat; & æger die 14 mortuus est. Mansit etiam postero à morte die corpus calidum, in eodemque latæ plagæ nigræ, maximè in extremis digitis apparuerunt. In oculorum item palpebris maculæ rubræ lenticulares, quæ antè non fuerant, eruperunt.

Atque istorum quidem ægrorum, qui cum diffusis Petechiis perierunt, nullus soporem

porem habuit. Alii verò, qui ex isto morbo post adhibita eadem auxilia evenerunt, soporosi ante facti sunt: quemadmodum nunc subjiciam.

AEGROTUS LXI.

Anno 1762 à die 8 Aprilis vir annos 40 natus aliquandiu infirmus erat, neque cibos voluit; membra fatigata habuit, & vomere desideravit. Quare ei medicamentum emeticum exhibui; à quo bilis multum ore rejecit.

Postero die julapium cum aceto vini destillato nitroque præstiti. Potui verò dedi decoctum refrigerans, cum aceto vini destillato, & nitro, & rubi idæi syrupo.

Tertio verò die alvum purgante pharmaco submovi; ex eâdemque multa putrida subtraxi.

Die 4 eo quòd intensus corporis calor erat, sanguinis uncias ferè decem è venâ

misi. Erat autem iste sanguis perruber, tanquam scorbuticorum, neque crustam (quam inflammatoriam medici appellare consuecunt) suscepit.

Die 5 juxtà interna brachia supraque dorsum Petechiæ diffusæ eruperunt. Ob quas superioribus auxiliis sex extracti corticis peruviani drachmas ammiscui, quas intrà 24 horas æger affumeret; quibus camphoræ grana 40 & salis ammoniaci tantundem, & radice serpentariæ virginianæ grana 20 quotidie ammiscui. Cum his urina sanorum similis erat, arteriarum pulsus frequens, fudor, dolor capitis, vigilæ, totumque corpus lassitudinem sensit, & alvus multa putrida demisit.

Die 6 alvus ità fluere continuavit; & arteriarum pulsus celer erat; accessit tussis sicca; facta respiratio densa est veluti post cursum, & caput grave.

Die

Die 7 mansit urina ut sanorum; & pulsus celer. Neque æger furdus evenit, neque somnum habuit.

Die 8 similis urina tenuis, pulsus celer, & facti oculi rubri sunt: accessit leve delirium, intra quod digiti nonnunquam subfilierunt: hucusque alvus putrida continenter fluxit: ipse verò venter mollis atque circum præcordia fervidus erat. Ab isto verò die æger extracti corticis peruviani unciam totam quotidie assumsit; ejusdemque corpori tria emplastra vesicatoria applicata sunt.

Die 9 & 10 æger magis deliravit, & alvo continenter putrida emisit, & manibus vestimenta carpsit, & difficulter spiravit, alvumque spirando multum movit. Mansit autem hucusque arteriarum pulsus celer, & urina sanorum similis, vigiliæque.

Denique die 11 æger à rectâ ratione omnino aberravit; digitis vestimenta trivit;

labia sæpè retraxit veluti rifuſus; ſubſilierunt tendines, atque ex univerſo corpore ſudor multus erupit.

Tandem ortus ſopor eſt: quo æger tres continuò dies implevit: cùmque ex-pergeſactus ex eò fuiſſet, cibos deſideravit, ſalvus omninò: vires deinde victu reparavit.

At, ne quis fortaffis exiſtimet, quaſi iſtum quidem ægrum aut emplaſtra veſicatoria, aut camphora, aut ſal ammoniacum, aut radix ſerpentariæ ſervaffent; nunc aliud curationis exemplum adducam, quod abſque his ſucceſſit.

AEGROTUS LXII.

Anno 1762 à die 16 Maii puella annos 18 nata perinfirma evenit, & calore maximè exarſit. Quare ejus vena ſecta eſt; adhibitaque refrigerantia auxilia ſunt.

Die

Die 5 eruperunt secundum interna brachia juxtaque dorsum multæ Petechiæ diffusæ: cumque his calor crevit: accessit tussis arida, & manuum tremor.

Propterea corticis peruviani pulverisati unciam quotidie præstiti: secutum est alvi profluvium, quod plurima putrida in diem undecimum usque excussit: intraque illud tempus tussis humida evenit; quæ tenacis muci multum emolita est.

Supervenit deinde profundus sopor: qui ægram ad integritatem perduxit.

At quo casu emplastra vesicatoria aut conferant, aut supervacua sint, paulo magis infrà (d) perquiram.

M 4

CAPUT

(d) Cap. IX.

C A P U T V I I I.

DE VITIIS, QUAE PETECHIARUM MORBO SAEPE VEL SUPERVENIUNT, VEL AB EODEM SUPER-
SUNT.

Et Petechiarum morbi quidem curatio exposita est. Superfunt verò alii corporis affectus, qui huic superveniunt: ex quibus eos, qui maximè communes sunt, protinus jungam. Hi tres potissimum sunt: Febris nempe intermittens, & hydrops, & in externo corpore abscessus.

In ipso Petechiarum morbo, ubi febris aliquantum ex ardore remisit, sæpè accessiones five quotidianæ five tertianæ superveniunt; iterumque post victum Petechiarum morbum, definunt. Sic his potissimum contingit, in quorum imò ventre impura coluvies

luyies exuperat. Submoventur autem istæ accessiones per easdem rationes, per quas ipsi Petechiarum morbo succurri posse supra posui: scilicet his, quæ alvum purgant.

Alia febris superatô jam Petechiarum morbô, & cùm nullus ex eo calor superest, succrescit: eademque aut quotidiana, aut maximè verò tertiana est: inque eâ Petechiæ, si supersunt, manent, aut novæ iterum erumpunt: articulorum item dolor, siquidem talis antè fuerat, revertitur. Nonnunquam etiam accessiones confunduntur; sic, ut neque tempora notari neque spatia possint; sed, ut cœperunt, continuant.

Initium cum frigore fit, intrâ quod sæpè vomendi desiderium est: sequitur calor urens, cum quo nonnunquam delirium est. Finito calore sudor olens erumpit, & per intervallum quædam requies est. Urina turbida evenit, & sedimentum lateri trito

simile præcipitat : nonnunquam etiam juven-
torum similis eadem est. Imbecilli
ægri sunt; & cibos, siquidem hos ante de-
sideraverant, rursus nauseant: ventricu-
lum tumidum habent, ex eodemque do-
lent: & siquid assumerunt, ex eo veluti
turgidi sunt.

Ista verò febris eosprehendit; qui ci-
bos vel duros, vel nimios etiam faciles,
comedunt; interea cum aliquæ adhuc im-
puræ reliquæ, à quibus ipse Petechiarum
morbus erat, intus supersint. At quorum
venter omninò purus ante est quàm ità co-
medant; hi istam febrim non accipiunt; sed
cibos impunè ferunt.

Juvant medicamenta purgantia; quæ
impuram colluviem, quæ in imò ventre sive
remanfit, sive paulo ante huc accessit, sive
ex aliis visceribus eò inclinavit se, omnem
subtrahunt.

ÆGRO-

AEGROTUS LXIII.

Anno 1760 mense Martio colonus 50 annos natus Petechiis laborabat. Victoque deinde morbo, cum imbecillus adhuc effet, carnem vitulinam avidè comedit: indè friguit, vomuitque, & cibos rursus nausavit: finitoque frigore calor summus ortus est deliriumque, & novæ item Petechiæ.

Altero verò die cum febris in remissione defuisset, assumpto medicamento emetico multa cruda rejecit: indeque febris, quæ tertio die accessit, mitior evenit. Atque cum purgante item pharmaco omnia impura subtraxisset, convaluit, omnis febris & Petechiarum expers.

AEGROTUS LXIV.

Anno 1760 die 12 Martii puella 18 annos nata aliquandiu malè habuit; & non magna quidem febre laborabat; cum quâ
juxta

juxta interna brachia suprâque pectus multæ Petechiæ sublividæ , & omninò rotundæ , feminis viciæ latitudine provenerunt.

Altero die radicis rhabarbari & Salis Seignette grana quindecim manè & vespere affumfit , iisdemque cùm multum muci dejecisset , proximâ nocte benè dormiit ; & postero die febrim ipsam & multas ex Petechiis amisit , & quæ harum remanserunt pallidæ erant.

Affumtoque eodem purgante pulvere plurimum muci diebus 4 & 5 & 6 cùm deponisset , universas Petechias & delevit , & cibos desideravit.

At posteaquam deindè justò plus edisset , orta febris tertiana intermittens est , quæ , ut medias inter utrasque accessiones diebus subductus plurimus mucus est , iterum desit.

AEGRO-

AEGROTUS LXV.

Anno 1760 vir pauper annos 55 natus, cum à Petechiarum morbo medicinæ beneficio evenisset, die 25 Maii in febrim intermittentem quotidianam incidit; propterea quòd caseum & lactucam sale conditam & viros cæterum cibos comederat, interea cum aliqua adhuc Petechiarum vestigia in his cute superfuissent.

Huic altero die resinæ jalappæ grana septem & grana sex diagrydii ex syrapi florum persicorum unciâ ingessi; per quæ ut multum mucii excussit, febris in calore remisit. Interea rursus Petechiæ latæ lividæque supra ventriculum atque mammas iuxtaque axillas provenerunt. At à quo die 4 die eodem syrupo iterum purgatus est, submotis omnibus impuris rebus Petechiæ cum iisdemque febris ægrum reliquerunt prosperè valentem.

AEGRO-

AEGROTUS LXVI.

Anno 1760 Helluo 55 annos natus in morbum, quem post tres septimanas naturæ beneficio superaverat, deinde die 22 Aprilis relapsus est: inque eo iterum calore exarsit, & pulsum parvum atque frequentem accepit, cum multis in universâ cuti Petechiis. Urinam verò non turbidam, sed fuscam reddidit.

Huic altero die tartari emetici grana duo cum radicis hypecacuanhæ granis duodecim ingessi: quæ multam bilem grana demque lumbricum excusserunt. Inde tertio die aliquantum ex calore minutum est ipsæque Petechiæ factæ magis pallidæ sunt.

Post assumptas deinde die 4 pilulas purgantes mota flexis alvus est, exque eâ mucici multum descendit.

Quinto die urina jumentorum similis evenit, & ipsa febris esse desiit, plurimæ

qu

que ex Petechiis evanuerunt. Atque ubi
6 iterum die alvus iisdem pilulis mota ; at-
que sex rursus itibus multum muci emis-
sum est , omnis & febris & Petechiæ ægrum
die 7 dimiserunt.

Verum posteaquam is esuriens brassicam
fermentatum acidam nimiam , multumque
carnis eodem die devoraverat , iterum fri-
guit ; in ipsoque frigore vomuit : secutus
calor urens est , intrà quem æger deliravit
in alterum usque diem : finitoque calore
sudor acidus erupit. At cùm purgata pro-
tinus alvus fuisset , ista etiam febris desit,
ægerque benè valuit.

ÆGROTUS LXVII.

Anno 1760 die 19 Martii mulier 40 an-
nos nata , perfordida , friguit , postque fri-
gus calore exarsit : & assumtis protinus pi-
lulis alvum duobus continuò diebus pur-
gavit.

Die

Die 4 plurimas in cute Petechias habuit: accessit delirium, & laxâ continenter alvo multa putrida descenderunt in diem 8 usque. Interea autem temporis & julepium acidum & potus refrigerans liberaliter adjecta sunt; exque his Petechiarum plurimæ evanuerunt, & febris in calore remisit.

Die 9 assumtis rursus pilulis laxata sæpius alvus est, plurimaque ex eâ putrida exierunt; deletis inde omnibus Petechiis. Supervenit sopor quemadmodum his, qui proximè à morbo evasuri sunt.

Cùm verò ægra ciborum, quos avidè desiderabat, justo plus devorasset; excitata rursus febris est, in eâdemque vomitus, & novæ iterum Petechiæ. Ob quas medicamentum emeticum protinus obtuli; quod cùm nigram bilem vomitu & putrida mucosa alvo ejecisset, excussæ simul omnes Petechiæ sunt, & febris.

ÆGRO-

ÆGROTUS LXVIII.

Anno 1760 die 14 Aprilis puella 14 annorum tribus hucusque diebus febre exarsit; intrâ quam multa millium millia Petechiarum eruperunt: accessit etiam dolor colicus.

Die 4 ex assumpto vomitorio medicamento ter vomuit, & plurima putrida infrâ demisit. Die item 6 post resinæ jalappæ grana quatuor totidemque diagrydii ex syrûpi florum persicorum unciâ multum denovo mucî plurimaque putrida deiecit. Indeque febris in calore remisit; at in ventre dolor, qualis ante fuerat, mansit.

Die deinde 8 ægra ex motâ decies per idem pharmacum alvo multum mucî deposuit: indeque die 9 febris expers lectum deseruit, cibosque appetiit, superstite non nisi aliquâ diversim levi Petechiarum notâ.

N

Qua

Qua propter purgata iterum die 10 alvus est, ex quâ cum multa item putrida descendissent, ægra in triviis obambulavit omnis expers Petechiæ.

Verum posteaquam ægra die 15 nimios cibos comederat, orta protinus febris, cum eâdemque novæ rursus Petechiæ sunt.

Quare ægram isto quidem, proximoque, & tertio die simili syrupo purgavi: qui multa iterum impura excussit.

Cumque die 18 multum item mucipharmaco subtractum fuisset, ægra febris expers lectum deferuit, cibosque rursus desideravit; etsi aliqua adhuc Petechiarum vestigia in cute fuissent.

Similiter die 20 multum mucipharmaco extractum est. Deindeque ortum die 24 alvi profluvium est, quod in 28 usque diem continuavit, multumque mucipharmaco subduxit: proximèque adjectis die 29 pilulis cum plurimus

rimus iterum putridus mucus excussus fuisset, puella, fanæ similis, in triviis obambulavit cibos desiderans.

Insuper die 33 dolor, tanquam à fornicis, ægræ manus pedesqueprehendit, iterumque post purgatam alvum expulsumque multum mucum dimisit.

Erat porrò hucusque ægræ facies turgida paulum; aquâ scilicet inter cutem; quam deinde alvi profluvium, quod proximè secutum est, dissipavit.

Denique posteaquam die 44 ægra rursus purgata fuit, benè habuit.

At verò nimium esuriens ventriculum cibis cum onerâisset, exque eo die 55 doluisset; assumtis iterum purgantibus pilulis multa rursus putrida expulit, sicque demum ad integritatem pervenit.

ÆGROTUS LXIX.

Anno 1760 die 18 Aprilis ægrotabat puella 9 annos nata, protinusque in ejus cute multa Petechiarum millia extabant.

Hæc altero die ex pharmaco vomuit & mucī multum alvo demisit. Vesperī verò febre exarsit, inque ejus imō ventre ortus acutus dolor est.

Die 3 assumtis refinæ jalappæ & diagyridii granis quatuor ex fyrupi de cichoreo cum rhabarbaro unciâ multum mucī cum eodemque plurimos vermiculos deiecit: post quæ aliquantum ex febre minutum est.

Die 5 lectum deseruit, inque 9 usque diem Petechiis libera stipem in triviis petiit.

At posteaquam ciborum justò plus comederat, excitata nova febris est; cum eademque

demque plurimæ etsi tenues, Petechiæ reversæ sunt: accessit etiam dolor ventris.

A die 13 deinde, quo ægra purgantem syrupum assumerat in diem 15 usque multa impura, cum iisdemque duos lumbricos dejecit: exque his febris iterum expers lectum deseruit, cibosque rursus desideravit.

Die 16 post eundem syrupum alvo multa putrida, & grandem lumbricum ore rejecit; superstite magnâ adhuc Petechiarum copiâ.

At posteaquam die 18 assumtis resinæ jalappæ & diagrydii granis quinque ex syrupi florum persicorum unciâ alvum decem itibus exoneraverat, exque eâ multum mucî emiserat, benè habuit.

Verum die 22 cum panis atrii multum devorâisset, insuperque cerevisiam perfrigidam bibisset, excitata rursus febris est;

quæ ægram post dejecta multa putrida ex purgante pharmaco iterum dimisit, integramque reliquit.

AEGROTUS LXX.

Anno 1760 die 9 Maii fœmina annos 49 nata frigit; finitoque frigore ortus calor est, quem universi corporis infirmitas & ciborum fastidium secuta sunt.

Die 3 & 4 plurimæ in cute Petechiæ eruperunt: neque propterea quòd ipsæ Petechiæ prodierunt, febris quicquam remisit.

Huic die 5 pilulas cephalicas 24 indidi; à quibus sexies nil nisi mucum eundemque plurimum deiecit. Ortum delirium intereaque horror est, quem major calor excipit, sæpè etiam corpus viscido sudore immaduit. Ob quæ proximo die 6to resinæ jalappæ & diagrydii grana sex cum syrapi florum persicorum uncia exhibui, quæ al-

vum

vum fexies subduxerunt. His die 7 requies erat, etsi permultæ Petechiæ superfuissent.

Cùm verò ægra esuriens caseum comedisset, cerevisiamque bibisset, excitata nova febris & somnus perturbatus est in diem 16 usque. Quare assumpto eodem syrupo purgante bis excitatus vomitus est, & secutum est alvi profluvium in diem 22 usque, quo multa putrida mucosa descenderunt. Inde febris esse desiit, neque ullæ Petechiæ remanserunt.

Insuper ægra die 23 refinæ jalappæ & diagrydii & extracti panchymagogi crollii grana quinque assumpsit, per quæ alvus in diem 27 usque vehementer mota est, ex eâdemque mucî plurimum descendit. Quod quam maximè profecit.

Paulò autem post, corpus imbecillum cùm adhuc fuisset, ægra nimium comedit, indeque protinus ventriculo doluit; plurimæque iterum, etsi pallidæ, Petechiæ in

ejus cute apparuerunt. Evanuerunt verò subito eædem , & ægra prosperè valuit; posteaquam adhibito purgante pharmaco plurima adhuc impura mucumque subduxit.

Neque profecto isti feбри , quandoquidem intus impura supersunt , ipse etiam cortex peruvianus medetur; sed eam invictam relinquit. Quemadmodum nunc dicam.

AEGROTUS LXXI.

Anno 1761 initio mensis Septembris puella annos 22 nata infirma evenit , atque arteriarum pulsum parvum & frequentem, & respirationem densam accepit; in extremo etiam corpore friguit , non fitiit; accessit ciborum nausea, & tumor ventris, & urina jumentorum similis, & innumeræ in cute Petechiæ. Attamen etiam cum his ægra erecta obambulavit.

Ob

Ob quæ alvum pluribus imposterum diebus pharmaco laxam effeci; ex eâdemque per multa putrida subtraxi. Inde reversum edendi desiderium est, ipsæque Petechiæ omnes evanuerunt.

Cùm verò ægra ciborum, etsi bonorum, justò plus assumsisset; incidit in febrim tertianam exquisitam, intrà quam reversæ ipsæ item Petechiæ sunt.

Igitur ægram rursus pharmaco purgavi; eidemque corticem peruvianum, qui febrim excutere deberet, exhibui.

Verum isto quidem auxilio etsi febris aliquantùm suppressa fuisset, nihilominus Petechiæ, quales ante fuerant, superstiteret; ipsaque ægra, quemadmodum ab ipso morbi principio, male habere continuavit. Utique, quoniam impuræ reliquiæ intùs remanserunt.

Ob quam causam rejecto cortice peruviano alvum electuario hydragogo per integros octo dies purgavi. Ex qua cum plurima putrida atque mucus, cum iisdemque quinque grandes lumbrici descendissent, omnes subito Petechiae evanuerunt & ægra optimè valuit, & cibos avidè desideravit, neque febris ipsa reversa est.

At ubi febris intermittens, posteaquam omnia intus purificata sunt omnesque Petechiae evanuerunt, ipsa continuat; hæc cortice peruviano superatur.

AEGROTUS LXXII.

Anno 1761 fine mensis Julii puella 7 annos nata innumeras ferè in universâ cute Petechias habuit; quarum quædam supra scapulas latæ, tanquam ex plurium conventu, erant; cum tumido turgidoque abdomine. Nihilominus ægra neque febre laborabat, neque cibos nauseabat, neque frequen-

frequentem arteriarum pulsus habebat; sed quemadmodum sani homines agebat.

Ita ægra octiduô sustinuit se: intra quod alvum quotidie radicis rhabarbari & jalappæ pulvere purgavit; multaque ex eâ putrida subtraxit. Ex quâ medicinâ ipsæ Petechiæ magis pallidæ factæ sunt.

Cùm verò ægra maximè esuriisset, & ciborum justò plus comedisset, orta febris tertiana intermittens est, cum eâdemque Petechiæ colorem magis rubrum, qualis is in ipso morbi principio fuerat, iterum induerunt.

Neque tamen ista quidem febris cum Petechiis, quàm quidem aliqua tertiana sine Petechiis, magis exarfit. Tempora item intermissionum, qualia sine Petechiis esse consuefcunt, libera erant.

Itaque alvum mediis inter paroxysmos diebus pharmaco duxi, donec submota
omnia

omnia impura fuissent. Quæ medicina trium septimanarum tempus impleverat deindeque ut purificata omnia, deletæque inde Petechiæ fuerunt, febrim ipsam cortice peruviana excussi.

Atque istis exemplis patet; febrim intermittentem, quæ ipsi Petechiarum morbo, cum is finem habiturus est, supervenit, ideò excitari; quoniam non satis puro corpore nova insuper impura intus aut colliguntur aut assumuntur: quod sæpè contigisse experti sumus: & quòd nonnunquam etiam Petechiæ, quæ abierunt, cum istâ febre reversæ fuerint.

Deinde aliquando inclinato Petechiarum morbo aut universi corporis leucophlegmatia supervenit, aut œdema pedum, aut infimi ventris hydrops ascitis.

Pallidi ægri fiunt, atque facie, maximeque infra oculos, tument; & turgidum abdomen accipiunt; difficulter spirant; in ore

ore fatuitatem habent ; cibos nauseant ; & siquid comederunt , ab eodem veluti turgent , & ventriculo dolent , atque opprimuntur.

Hoc vitium ex eo venit ; quòd ægrorum corpora nondum fatis pura sunt ; sed aliquæ adhuc impuræ reliquæ intus remanserunt : siue tales remanserint , propterea quòd ægrorum venter in ipso morbo non fatis purgatus ante fuerat ; siue quòd impura colluvies ipsa exuperaverat ; sic , ut eadem omnis quantocius subtrahi non potuerit ; siue quòd horum morbus purgantibus auxiliis neque curatus , neque ortum aliquod alvi profluvium fuit ; siue denique , quòd nova rursus intus convenerunt à cibis ; qui , quoniam eos imbecillum corpus non concoxit , inconfecti intus corrumpuntur.

Id his potissimum constat ; quoniam , qui intra ipsum Petechiarum curriculum ex
toto

toto purgati fuerunt, hydropici non fiunt quoniam hydrops, qui est, adhibitis purgantibus auxiliis tutò submovetur: quoniam quæcunque alia sive sudorifica sive diuretica remedia, scilicet quæ impuram colluviem intus relinquunt, necquicquam proficiunt.

Juvant infra ducentia medicamenta atque hydropem, qui futurus esset, caventur quandoquidem ea impuram colluviem ex intestinis trahunt.

Scire autem refert; ipsum hydropem purgantibus istis remediis in principio quidem necquicquam discuti, neque per alvum emitti, sed eum, donec subducta omnia impura sint, talem, qualis est, manere: at posteaquam omnia intus purificata sunt, largum urinæ profluvium sequi, quod omnem superfluam aquam secum trahit. Veluti superiore loco (*f*) dixi, & nunc ponam.

AEGRO-

(*f*) Aegrotus XXIX.

ÆGROTUS LXXIII.

Anno 1760 die 30 Maii juvenis pauperimus 18 annos natus a 4 jam diebus ægro-taverat, inque ejus cute plurimæ Petechiæ erant, cum summâ febre delirioque.

Huic ægro protinus resinæ jalappæ & diagrydii grana sex cum syrapi florum perficorum unciâ præstiti; quæ alvum quatri-duo laxam effecerunt, plurimaque inde putrida multumque mucum excusserunt.

His proximo die 5 febris in calore remisit, & mens rediit, atque aliquantum ex Petechiis minutum est. Accessit etiam fur-ditas soporque.

Die 6 æger unâquaque horâ duo cochlearia julapii assumsit, cui oxymellis squil-litici sesqui uncia, & drachmæ duæ Salis Seignette & syrapi florum perficorum uncia adjectæ erant. Hisque melius habuit & cibos appetiit.

At

At posteaquam æger die 7 recentem caseum & milii pulvèrè , & brassicam fermentatam acidam devoraverat, novâ rursus febre incaluit , & pulsum frequentem accepit , & cibos denuò nauseavit : neque pharmaca voluit.

Interea verò temporis , donec impurus iste cibus jejuniò confectus fuisset, æger vires paululum recuperavit : simul autem pedibus intumuit aquâ inter cutem.

Cùm verò julapium laxans , cui manè & vesperi grana quindecim rhabarbari addideram, rursus assumsisset , ab eodemque multa item putrida mucosa dejecisset, convaleuit ; omnis pedum tumoris expers ; superfluamque aquam sæpè mingendo emisit.

AEGROTUS LXXIV.

Anno 1760 à 28 Octobris laborabat mulier annos 50 nata, pauper ; & arteriarum pulsum exilem habuit, & perinfirmum corpus ;

pus ; supervenit tussis arida, inque internâ cute utrinque â cubito ad carpum 20 ferè Petechiæ.

Huic oxymellis squillitici unciam & drachmas duas Salis Seignette cum aquæ fragariæ unciis sex præstiti; iisdemque manè & vesperi grana quindecim rhabarbari ammiscui. Verum ista alvum necquicquam moverunt. Quare die 6 etiam his refinæ jalappæ grana sex & tantundem diagrydii cum syrupi rhabarbari unciâ adjeci. Neque etiam per ea alvus laxa evenit. Erat porro ægræ urina hucusque tenuis & flava.

Diebus demum 8 & 9 posteaquam ægra multum rhabarbari assumfit, putridum mucum copiosè dejecit : indeque arteriarum pulsus lentus evenit, & febris in calore remisit. Ipsa porrò urina jumentorum urinæ similis facta est.

Die rursum 11 & 12 manè & vesperi ægra rhabarbari drachmam dimidiam cum

O

gra-

granis quinque diagrydii , & diebus 16 & 20 item refinæ jalappæ grana septem & quinque grana diagrydii ammisso rhabarbari syrupo assumsit : queis multum putridi muci emisit , exque his & meliùs habuit , & cibos appetiit. Urinam quoque jumentorum similem cum sedimento crasso hucusque reddidit.

Ut verò ægra maximè esuriens ciborum justò plus comedit , orta rursus febris , tertiana nempe intermittens , est : at quæ protinus , ubi ægra item pharmaco purgata fuit , desit.

Verum ægra purgantia pharmaca imposterum pertinaciter rejecit : ideoque , utique quoniam corpus omninò purum nondum habuit , pedibus intumuit aquâ inter cutem.

A E G R O -

ÆGROTUS LXXV.

Anno 1760 mulier annos 50 nata, pauper, & perfordida, octiduo jam laborabat cum continuo calore; ob quem & sanguinem è venâ miserat, & julapium refrigerans aliquandiu assumerat.

Hæc pedes œdematosos accepit, intraque ejus brachia à carpō ad cubitum, supraque musculum bicipitem, juxtaque collum Petechiæ provenerunt.

Cum his Petechiis ægra in triviis obambulavit. Assumptis verò refinæ jalappæ granis septem & diagrydii granis quatuor amisto syrupo florum persicorum alvum fexies deposuit, & multum putridi muci dejecit; indeque meliùs habuit. Urina porro liberaliter erupit, post eandemque omne œdema concidit.

Cùm verò paulo post ægra nimios cibos devorâsset, orta protinus febris quoti-

diana cum eâdemque ciborum nausea est, & pedes rursus intumescere. Utique quoniam ægra in imbecillum corpus nimium cibum ingurgitavit.

ÆGROTUS LXXVI.

Anno 1761 medio mense Januario puella 18 annos nata Petèchiis laborabat, absque medicinâ. Morbumque naturæ beneficio, etsi difficulter, tamen post longum tempus, superaverat.

Erat ejus urina crassa turbidaque tanquam jumentorum. Ex quâ nosse licuit, multa impura in ejus ventre fuisse.

Deinde (utique quoniam non purgata fuit) à pedibus ad caput usque hydropica evenit: multæque aquæ in ejus infimò ventre confluxerunt.

Quorum autem impura colluvies adhibitis protinus purgantibus auxiliis omnis sub-

submovetur; hi, dum convalescunt, non tument, neque hydropici fiunt.

Deinde diximus inter vitia, quæ à Petechiarum morbo superesse consueſcunt, etiam exulcerationes jure comprehendî; etſi multi medicinæ Profeſſores easdem ut criticas intueantur: parotides nempe & bubones, & in cute furunculos, & abſceſſus juxtà articulos.

Sunt enim iſti quidem abſceſſus ab impuris rebus; quæ in ipſum ſanguinem ex infimò ventre aſcenderunt. Perinde ac in infantum corporibus, in quorum ventre vel vermes vel putridus mucus, vel alia quæpiam impura colluvies reſidet, etiam extrà ipſum Petechiarum morbum & ſæpè ſine magnâ febre vel parotides, vel bubones, vel furunculi, vel labiorum naſique tumores atque ſordes, vel juxtà articulos exortofes, vel oſſium metatarſi metacarpique aut phalangum tophicum exulceratione mu-

cosâ sæpè fiunt: susceptâ scilicet ex infimo ventre corruptâ materiâ & trans sanguinem latâ atque in diversis his corporis partibus positâ. Quare etiam istos quidem abscessus, qui Petechiarum morbum sequuntur, non ut criticos possumus intueri: maximè verò, quoniam ipsum morbum non finiunt, sed finitô morbô incipiunt.

Quorum autem impura colluvies adhibito antè purgante pharmaco in ipso Petechiarum morbo omnis subtrahitur; eorum corpora talis abscessus non occupat. Contrà, quibus ægris vel nulla vel imbecilla remedia dantur, vel quæ alvum non evacuant; id est, in quorum ventre impura colluvies relinquitur, hi tales abscessus sæpè accipiunt.

Nam eorum, quos purgantibus auxiliis curaveram, nullus abscessum passus est; si duos excipias, quorum impura materia ità exuperaverat, ut omnis fatis citò educi non

non potuerit. Vidi verò puellam, quæ Petechiarum morbum diu absque medicinâ tulerat, multos è lumbis & juxtâ fœmora furunculos habuisse, posteaquam ab ipso morbo evenerat.

Ob quam causam puto; eos, quibus radice serpentariæ virginianæ, camphorâque, & spiritu cornu cervi, corticeve peruviano occurritur, talibus abscessibus ideo magis obnoxios esse, quoniam ista quidem remedia impuram colluviem, etsi eam emendent, tamen intus in ventre relinquunt.



C A P U T I X.

DE CURATIONUM DIVERSIS GENERIBUS.

Nunc diversa curationum genera perquiram ; quibus diversi authores utuntur. Ex quibus ea , quæ maximè communia sunt , protinus jungam. Hæc autem potissimum tria sunt. Alterum nempè quod refrigerantibus auxiliis , alterum quod aromaticis remediis , alterum denique quod cortice peruviano suscipitur : quorum autem nullum perpetuum est : quemadmodum experientia in ipsis morbi curationibus docuit, & nunc subjiciam.

Qui venæ sectione & refrigerantibus auxiliis Petechiarum morbo occurrunt ; hi febrim ut principem morbum , tanquam à quâ ipsæ Petechiæ provenirent , aut intuentur ; aut ideo , quoniam morbi propria non noscunt ,

noscent, generalibus insistant. Alii his auxiliis acida remedia, succum citrei scilicet, acetumve, aut spiritum five salis five nitri five vitrioli sulphurisve addunt: utique antiquiores aliquos Medicos imitati. His recentiores hodie Medici etiam enemata refrigerantia adjecerunt.

Verum, quoniam cum istis remediis, propterea quod vitii causam non excutiunt, ipse Petechiarum morbus aut longior manet; aut ægros præcipitat; aut qui ex eo evenerunt diu trahunt, & facile tument; etiam ista curatio ut incerta potest repudiari.

Possunt tamen ista remedia conferre; siquidem ipsis five purgantia auxilia adjunguntur, five alvi profluvium supervenit, quæ impura subtrahunt. Namque, ubi febris exardescit, & putrida colluvies in ventre exuperat; refrigerantibus utique & acidis auxiliis succurrendum est: scilicet ut

per ea & febris calor temperetur; & putrida materia, quæ superest, corrigatur; ne ipsa internum corpus ante inficiat, quàm omnis adhibito purgante pharmaco subducere possit. Quod tutum erit.

Alii camphoram & Sal ammoniacum, ejusdemque spiritum, & theriacam, & radicem serpentariæ virginianæ ægris offerunt; & externo corpori emplastra vesicatoria applicant; & ægros, ut sudent, vestimentis tegunt: nempè ut sic infectos corporis humores condiant, & corruptos cum sudore expellant, ipsasque Petechias, quas utique ut críticas intuentur, trans summam cutem excutiant.

Verum etiam hi non rectè curant; quoniam causæ origo eosdem fefellit. Namque, quod suprà à me positum est, neque princeps vitii causa in ipso sanguine sed potissimum in imò ventre est; neque impura, quæ in ipso ventre resident, possunt trans-

exter-

externi corporis poros sudare ; neque ipsæ etiam Petechiæ criticæ sunt.

Possunt verò etiam absque hac causæ notitiâ ægri adhibitis istis rebus nonnunquam evenire : scilicet ubi impura in imò ventre colluvies amaris istis falsisque rebus tanquam quopiam condimento conficitur, ne eadem corpus suâ putredine corrumpat. Et qui ità eveniunt aut difficulter eveniunt ; aut post ipsum morbum diu infirmi manent ; aut aquâ tument ; aut in externo corpore abscessus accipiunt ; aut facilè relabuntur. Multi autem ex his etiam cum istâ medicinâ pereunt : quoniam sic morbi causa, quæ collecta in imò ventre est, non submoveatur : maximèque delentur, materia ubi exuperat. Adde ; posse febrim, quæ per se fervida est, adhibitis calidis istis rebus etiam magis exardescere, per easdemque viscerum gangrænam, quæ per se facilèprehendit, citiùs excitari.

Quare

Quare etiam istam curandi rationem jure ut exitiosam possumus intueri.

Volui etiam ipse istud medicinæ genus experiri, Petechiæ ubi absque febre erant & ita sine noxâ licuit. Quemadmodum nunc exemplum ponam.

AEGROTUS LXXVII.

Anno 1760 initio mensis Martii mulier subito perinfirma facta est; pulsusque frequentem & exilem & faciem luridam accepit; & sudore frigido immaduit.

Postero die multæ in cute Petechiæ erant; & ægræ sanguis menstruus fluxit: & ipsæ Petechiæ proximo die magis rubræ provenerunt, eademque quarto die lividæ factæ sunt: cum his ægra neque febre incaluit, neque urinam turbidam, sed sanorum similem, emisit.

Julapium acidum & potum refrigerantem atque camphoræ grana sex, & salis ammoniaci

moniaci grana tria, totidemque nitri cum roob sambuci duabus quibusque horis præstiti ; alvum verò non subduxi : inde ægra quatrIduo post convaluiffe videbatur omnium Petechiarum expers.

At manfit hucusque magnus ventris tumor : utique ab impuris rebus , quæ in eodem restiterunt : deinde post decem dies ægra iterum infirma evenit , pulsum denuò exilem accepit , frigit , finitoque frigore caluit , urinam jumentorum similem cum multo sedimento craffo reddidit , multæ rursus Petechiæ in cute prodierunt secundum interna brachia potissimum , & ægra cibos iterum nauseavit ; perinde ac in ipso morbi principio.

Quare rejectâ superiore curandi ratione rhabbari pulverem cum sale indies exhibui ; qui ut multa putrida mucosa quatuor continò diebus subtraxit , edendi desiderium restituit ; ipsasque Petechias pallidiores

res effecit. Ob quæ ægra rursus rhabarbarum assumpsit; ab eodemque multa iterum putrida deiecit; indeque & ventris tumorem, & ipsas Petechias omnes amisit.

Supererat autem post cibum in stomacho molestia; ab impuris scilicet reliquiis posteaquam verò ægra assumpto medicamento vomitorio multam bilem mucumque excussit; prosperè valuit; neque idem morbus reversus est. Utique, quoniam ipsa morbi causa his auxiliis submota est.

Ex quibus patet; superiorem curationem, quoniam ea morbi causam intus reliquit, imperfectam fuisse; eandemque, febris exuperat, posse exitiosam evenire.

Tertium curæ genus, ut quidam volunt, cortice peruviano absolvitur; multum ubi quotidie offertur. Verum etiam istud remedium, quoniam morbi causam emendat non tollit, per se solum aut satis non est, aut vanum omninò: ipseque morbus

si isto quidem auxilio supprimitur, proximè refurgit. Quare etiam ista curatio per se imperfecta est : veluti superiore exemplo (g) patuit, & nunc subjiciam.

ÆGROTUS LXXVIII.

Anno 1760 initio mensis Octobris laborabat vir 45 annos natus. Hujus vena, quoniam is febre exarserat, secta est; alteroque die post medicamentum emeticum multa impura rejecit.

Post aliquot deinde dies secundùm carpum juxtaque collum Petechiæ prodierunt. Interea verò æger multum corticem peruvianum aliquandiu assumsit. Verum quoniam isto etiam remedio morbus neque mitior evenit, neque ipsæ Petechiæ imminutæ sunt, sed tales quales antè fuerant, subsisterunt,

(g) Aegrotus LXXI.

stiterunt, ægro medicamentum purgans exhibui; à quo cùm multa putrida deiecisset, meliùs habuit, & lectum deseruit.

Supererat verò aliqua corporis imbecillitas, ventrisque tumor, & faciei pallor atque aqua inter cutem. Quare rursus multum corticem peruvianum, qui corpus roborare deberet, præstiti. Verùm neque etiam nunc istud remedium profecit.

Igitur rursus alvum medicamento purgante tres continuò dies subduxi. Cùmque sic subtracta multa putrida plurimusque mucus fuissent, æger integrè convaluit.

Nonnunquam impura ista colluvies, quæ cortice peruviano antè correctà fuit, deinde, cùm superatus morbus est, per se descendit: idque tutam valetudinem præstat.

ÆGRO-

ÆGROTUS LXXIX.

Anno 1760 vir annos 30 natus initio mensis Augusti laborabat: & alvum aliquoties rhabarbaro purgavit.

Hujus venam sexto die, quoniam febris multum exarserat, secari jussi; eidemque julapium refrigerans sæpè exhibui: potui verò dedi decoctas ex aquâ radices graminis, acetosæque scorzoneræ & liquiritiæ, & flores papaveris erratici, adjecto multo nitro.

Erat autem urina tenuis, & arteriarum pulsus frequens, & calor summus, deliriumque. Post aliquot deinde dies in cute Petechiæ interque eas ecchymata miliaria rubra eruperunt.

Neque verò, cum istæ quidem pustulæ eruperunt, quicquam ex febre minutum est; sed ipsa talis, qualis ante fuerat, continuavit; ægerque continenter deliravit:

P

quasi

quasi ista pustularum eruptio necquicquam critica esset, proficeretve.

Supervenit surditas soporque quinque dierum; post hæc lingua humida facta est; & tussis multum tenacis muci emolita est.

Ab ipso verò Petechiarum principio in octavum decimum usque diem, quo superatus morbus est, camphoræ grana viginti quinque & extracti corticis peruviani drachmas quinque ægro quotidie ingessi.

Postquam verò morbus finem habuisset, excitata in infimo ventre tormina sunt; ortumque largum alvi profluvium est, quod multum & sæpè solum mucum acutos inter tenesmos aliquandiu excussit; indeque æger prosperè valuit.

At ubi intrà ipsum Petechiarum morbum, quo tempore cortex peruvianus adhibetur, largum aliquod alvi profluvium erumpit; tutior curatio est: propterea quod
cor-

cortex peruvianus impura, interea dum aliquantum ex his infrà secedit, cætera intus tanquam quopiam condimento conficit, cavetque, his ne ipsa viscera corrumpantur.

ÆGROTUS LXXX.

Anno 1760 puella annos 14 nata, quæ â longo jam tempore multa impura crudosque fructus plurimos comederat initio mensis Decembris ægrescere cœpit; sic, ut modò cubaret modò etiam erecta obambulet, donec succubuisset.

Assumfit autem ægra medicamentum purgans, quod largum alvi profluvium fecutum est, & ad finem morbi usque continuavit.

Interea autem temporis multæ in cute Petechiæ prodierunt, & febris exarsit, & ægra furda & soporosa evenit, & oculos rubros accepit, & linguam aridam, & tussim siccam; â rectâ etiam ratione aberat;

& ubi paululum resipuerat, multum lacrymabatur, quoniam acutum in pedibus dolorem habuit; qui paulo post etiam brachiaprehendit.

Igitur isti ægræ quotidie extracti corticis peruviani drachmas tres cum julapio acido ingessi; donec à morbo evasisset.

Inter hæc facta tussis humida est; & ægra tenacem mucum screando ejecit; oculosque rursus claros accepit, calor item deliriumque desierunt, & ægra post undecim dies convaluit; ipsaque diarrhæa, posteaquam plurima putrida per eam descenderunt, finem fecit. Dolor quoque brachia & pedes iterum dimisit.

AEGROTUS LXXXI.

Anno 1762 die 21 Decembris juvenis annos 17 natus febre protinus malè habuit: simulque & faciem luridam, & pulsum frequenten-

quentem celeremque, & magnam sitim accepit, cum summâ corporis fatigatione.

Ob quæ mitti sanguinem jussi, qui floridus mansit, corporis autem calor, qualis antè fuerat, idem esse continuavit. Ideoque julapium præstiti, cum nitri drachmâ & oxymellis squillitici unciis duabus. Potui verò dedi decoctum refrigerans cum oxymelle squillitico. Diætam etiam tenuem imperavi; & enema laxans ter quotidie præcepi.

His alvus mota est, ex eâdemque multa putrida descenderunt.

Tertio deinde die Petechiæ diffusæ secundum interna brachia eruperunt; quæ, posteaquam duobus diebus tales persiste-
runt, tertio evanuerunt.

Quare, quoniam majus ex istis quidem, quàm ex circumscriptis Petechiis periculum fore judicavi, superiori julapio extracti cor-

ticis peruviani unciam dimidiam adjeci; sic, ut viginti quatuor intrâ horas æger extracti corticis unciam assumeret.

Interea alvus ad ipsum morbi exitum usque continenter laxa mansit; exque eâ plurima putrida exierunt. Accessit etiam delirium, intrâ quod æger manibus intremuit. Supervenit quoque furditas, sopor-que, & nonnunquam arida tussis.

Die denique 17 inclinâtâ febre arteriæ quieverunt, & pulsus mollis lentusque evenit; tussis humida facta est; & plurimus fudor acidus ex universo corpore erupit; rediit recta mens: & imbecillus æger, victo morbo, cibos desideravit.

Erat autem hujus quidem ægri urina ab ipso morbi exordio ad finem usque tenuis limpidaque.

ÆGRO-

AEGROTUS LXXXII.

Anno 1762 à die item 21 Decembris juvenem 21 annos natum eadem febris, verum absque Petechiis, prehendit.

Erat ipsum quidem morbi principium facile, & arteriarum pulsus lentus. Caput verò plurimum doluit; & sæpè sanguis è naribus erupit. Ob quam causam ægri vena bis secta, exque eâ sanguinis multum tractum est: qui glutinosus tanquam in inflammatoriam crustam coivit. Julapia item atque decocta refrigerantia præstita sunt.

Succrevit interea febris; quæ paulò post exarsit. Ortum quoque delirium est; & arida tussis ægrum excruciavit. Nonnunquam etiam urina jumentorum similis evenit. Porro oculi rubuerunt, & alienata mens est, accessit sopor surditasque.

Aegro verò ab ipso febris primordio ad morbi postremum usque julapium, cum ni-

tri drachmâ & oxymellis squillitici unciâ præstiti, ammistâ extracti corticis peruviani semiunciâ. Potui verò dedi decoctum refrigerans adjecto item nitro & oxymelle squillitico. Præter hæc tria quotidie enemata imperavi, esui verò dedi jura carniū tenuia cum succo citrei, & molles arborum fructus.

His alvus liberaliter soluta est; ex eademque plurima putrida multusque mucus descenderunt.

Die deinde 17 superatâ febre universum corpus sudore acido immaduit; reversa recta mens est; oculi clari evenerunt, & æger rectè audivit: tussis etiam humida facta est, quæ quamplurima sputa alba cocta liberaliter, verè veluti ex pleuritide, emolita est. Utique quoniam istius quidem ægri sanguis plus, quàm aliorum, mucosus erat. Vires deinde victus reparavit.

ÆGRO-

ÆGROTUS LXXXIII.

Anno 1763 die 1 Januarii juvenis annorum 24 subito infirmus evenit; & faciem luridam & graviores spiritum & fatigata membra accepit; capite vehementer doluit; & arteriarum pulsum celerem habuit.

Jussi ex ægri venâ multum sanguinem mitti. Diætâ tenuem imperavi, & jûlapium decoctumque refrigerans medicinæ dedi, adjecto multo oxymelle squillitico; sæpè etiam enema imperavi; scilicet ut his alvus submoveretur.

Inde secuta alvus laxa est; ex eâdemque multa putrida evenerunt.

Inter hæc febris magis exarsit; inque oculis id, quod album esse debet, roseum factum est; accessit surditas, tremorque artuum, siquid æger prehensurus erat: isque, quamvis mentis suæ compos esse vi-

deretur, balbutiendo vix sensus suos explicavit. Supervenit etiam sopor, perinde ac quibus Petechiæ in cute sunt. Nonnunquam quoque urina jumentorum similis evenit.

Ob quam causam superioribus auxiliis corticis peruviani extracti partem adjeci, sic, ut ejus unciam æger intrà diem noctemque assumeret.

Cum his alvus laxa mansit; ex eâdemque multa putrida descenderunt. Postea verò oculi rursus clari evenerunt; acutusque auditus est; & rediit recta mens: finitâque febre sudor acidus ex universo corpore erupit, & facta humida tussis est; isteque æger, aliquantò citiùs, post diem duodecimum convaluit.

Atque talia quidem curationis exempla possem plura afferre, si opus his esset.

Ex quibus verò patet; istos & superiores (*h*) ægros non tam corticis peruviani beneficio, quàm diarrhææ potius auxilio salvatos fuisse: corticemque peruvianum per se Petechiarum morbo non mederi, sed adjuvare curationem, quam vel alvi profluvium vel adhibita purgantia remedia interea perficiunt: eundemque supervacuum esse, circumscriptæ ubi Petechiæ sunt, & ipsa impura colluvies solis in intestinis omnis residet. At ubi diffusæ Petechiæ sunt, aut si (quemadmodum superiore loco (*i*) dixi) cum ipso Petechiarum morbo tenax præterea mucus in ipsis infimi ventris visceribus hæret exuperatque, sic ut prævideri possit, morbum in longum tracturum esse; aut ubi impura colluvies omnis in unâ tantum alicujus intestini parte convenit;

(*h*) Aegrot. LXI & LXII.

(*i*) Cap. VII.

nit; cortex peruvianus, quoniam ex his causis metuenda gangræna est, superioribus auxiliis addi debet; donec superatum periculum sit. Hic enim breve spatium est, intra quod, si auxilium non fertur, æger extinguitur.

Quodsi deinde victa gangræna periculumque fuerit, debent iterum purgantia remedia adhiberi; ne ex istâ materiâ, si ea intus relinquatur, morbus paulo post idem resurgat, febrisque iterum exardescat. Veluti aliqua hinc exempla jungam.

ÆGROTUS LXXXIV.

Anno 1761 fine mensis Martii vir 30 annorum aliquandiu ægrotabat, indeque perinfirmus evenit, capite doluit, cibos nauseavit, sæpe vomere voluit, & raras in cute Petechias accepit, postque assumtum medicamentum emeticum multam bilem vomuit: & cum vomuisset, meliùs habere
vide-

videbatur; deinde jura carniū tenuia, julapiumque acidum cum potu refrigerante liberaliter assūpsit.

Credideram; pro istā quidem curatione secundam valetudinem proximè reversuram esse.

At præter opinionem quarto die mors in propinquo erat. Extremæ enim corporis partes factæ frigidæ sunt, super easdemque gelidus sudor stabat, & retracti oculi tristesque, tanquam morientis hominis, sunt; horumque palpebræ inferiores cavæ & plumbei coloris evenerunt; acuminatus etiam nasus est; oris item labia pallida evenerunt, & facta respiratio densa est, & arteriarum pulsus parvus & frequens & inæqualis; accessit delirium; intrā quod æger sæpè corpus denudabat, & manibus palpabat.

Quare protinùs plurimum corticis peruviani extractum, adjectā aquæ & syrapi
por-

portione indidi ; sic , ut æger intrâ 24 horas tres ferè extracti uncias assumfisset : inde postero die facies melior prodiit, totumque corpus iterum incaluit, & arteriarum pulsus ordinatus evenit. Tertio die febris maximè exarsit , in eâdemque æger vehementer deliravit.

Paulo verò post (quod maximè notandum velim) soluta alvus est ; ex eâdemque multa putrida & plurimus mucus descendebant ; à quibus æger resipuit , perimbecillus quidem adhuc.

Interea autem temporis æger plurimum corticem peruvianum assumsit ; superatoque ità periculo , victâque febre copiosus sudor acidus ex universâ corporis cute erupit, isque octo ferè dies continuavit. Utique quoniam etsi febris istis quidem auxiliis suppressa fuerit , nihilominus aliquæ adhuc impuræ reliquæ intus remanserunt.

Post

Post istam autem requiem nova rursus febris succrevit; inque eâ æger iterum deliravit; quam item impura colluvies, quæ intus remanserat, excitavit. At cum alvus adhibito iterum laxante pharmaco purgata fuisset, exque eâ excussa multa item putrida fuissent, omnis etiam febris fudorque esse desierunt; & æger ex toto convaluit.

AEGROTUS LXXXV.

Anno 1761 à die 2 Martii eodem morbo, verum absque Petechiis, laborabat mulier 38 annos nata; quæ, quoniam febre exarserat, sanguinem è venâ misit; & julepium acidum potumque refrigerantem liberaliter assumsit; enema item refrigerans quotidie accepit; quod multa putrida subtraxit.

Nihilominus febris exuperavit, & in hypochondrio dextro, ferè ubi intestinum cæcum jacet, ortus acutus dolor est; qui
post

post inditā sæpè enemata & subductam multam putridam materiam, & missum rursum è venâ sanguinem imminutus est.

Attamen post hæc ægra subito delirare coepit; & facta ejus facies pallida, atque oculi tristes sunt, circumque eosdem lividus in palpebris circulus ivit, acuminatus nasus est, labia pallida evenère; arteriarum quoque pulsus factus exilis, inæqualis, & tremulus est; ægraque sæpè corpus denu-
dabat; manibus item palpitabat veluti floc-
cos collectura, universumque ejus corpus
frigido sudore immaduit.

Ob quæ protinùs extracti corticis peru-
viani drachmam integram unaquâque horâ
præstiti: à quo, cùm 12 intrâ horas 12 etiam
extracti drachmæ inditæ fuissent, mens re-
diit, & elevatus arteriarum pulsus est, cor-
pus rursum incaluit, oculi prodierunt, ipsa-
que facies melior evenit. Cùmque ita ægra
extracti corticis peruviani uncias tres con-
sum-

sumsisset, tuta, etsi perimbecilla, fuit; plurimumque dormiit tanquam soporosa.

Cùmque resipuisset, iterum juxtà intestinum cæcum, quemadmodum antè, plurimum doluit; & urinam jumentorum similem cum multo sedimento flavo mucoso emisit. Utique, quoniam in istâ infimi ventris parte omnis colluvies residebat. Quare tria quotidie enemata injici jussi; quæ multa putrida subduxerunt. Inde porro febris esse desiit; & ex universo corpore plurimus sudor acidus erupit; idemque pluribus deinde diebus fluere continuavit.

Quare ægræ alvum fortiore pharmaco submovi; à quo cùm triginta sedibus plurima putrida dejecisset meliùs habere cœpit. Tertio deinde die posteaquam ægra adhibito eodem pharmaco plurimum item mucum excussit, cibos desideravit.

Exeunte morbo ægræ pedes, quemadmodum, in quorum ventre post ipsum

Q

Pete-

Petechiarum morbum multa impura relinquuntur, intumescere aquâ inter cutem.

At posteaquam pharmaco sæpè purgata fuit, prosperè valuit; plurimamque urinam tenuem continuò reddidit, quæ omnem superfluum aquam secum traxit.

Atque istis quidem curationum experimentis edoctus posterioribus deinde annis cortici peruviano, siquidem eo opus in Petechiarum morbo erat, aut laxantia remedia adjeci, ut alvus flueret; aut eam adhibitis enematribus laxam effeci ad morbi exitum usque. Quam curandi methodum, quoniam ea plurimum profecit, optimi nostrates Medici etiam receperunt.

Deinde etiam quæritur; ægrisne venæsectio conferat, an noceat? scilicet, quam nonnulli medicinæ Professores maxime metuunt, & ut exitiosam rejiciunt.

Non

Non equidem confert venæsectio ; si in ipso morbi principio magna debilitas atque infirmitas est , & arteriarum pulsus exilis adhuc existit : quoniam posset per eam corpus magis imbecillum effici : etsi etiam non nocuerit his , qui proprio consilio sibi venam secari fecerunt : quod experientia docuit.

Expedit verò venam secare ; si calor exardescit & febris exuperat. Scilicet ne intestinorum inflammatio , quæ à putridâ in his colluvie facilè futura esset , occupet. Neque verum est , quod quidam metuunt , posse Petechias post sectam venam intus in corpus reverti ægrumque præcipitare. Quare quoniam Petechiæ necquicquam criticæ sunt , vanus iste timor est. Semper enim post sectam venam , & post menstruum sanguinis fluxum , siquidem is ægris mulieribus supervenit , ipsæ Petechiæ , quales ante fuerant , superstiterunt : quod experien-

tia in ipsis morbi curationibus sæpè docuit.

Denique etiam emplastra vesicatoria ab aliquibus medicinæ Professoribus ut maxime necessaria proponuntur. Verum ea, quoniam neque possunt impuram colluviem, à quâ morbus ipse est, extrahere, neque Petechiæ ipsæ criticæ sunt, in genere inutilia sunt.

In specie verò necessaria eadem sunt, ubi cum Petechiarum morbo tenax aliquis mucus, quod suprâ memoravimus, in ipsis infimi ventris visceribus coivit hæretque; debet utique is, quemadmodum multæ aliæ concretiones ferosæ, applicatis simul cantharidibus antè solvi, quàm ardente febre accendatur, exque eo ipsa viscera inflammantur. Quod per sua privata signa, qualia eodem loco recitavimus, prænosse interest.

Quodsi

Quodsi verò famæ etiam ratio habenda est; possunt item emplastra vesicatoria, quoniam ea nunquam in isto morbo nocent, etiam ubi superflua sunt, applicari; ne quid omissum existimetur; neque medicus occidisse videatur, quem non servâisset.

Atque hæc Medicorum auxilia sunt. Sed pudet dicere exitiosas agyrtarum fraudes; quæ nunquam ferè frequentius exercentur, quàm cùm popularis aliquis morbus civium corpora torquet animosque angit. Aegris verò hominibus medicina imperitè facere, horumque morbos sine rectâ rerum cognitione agitare, proximum homicidio scelus videtur.

His adde suavius illud noxæ genus mulierculas; quæ non quæstûs quidem, quod ajunt, causâ, sed ægrorum miseriis commotæ piâ, ut volunt, mente pressis medicinâ succurrunt. At crudelis ista in proximum pietas est; quæ potest noxiâ sollicitu-

dine ægrum necare, quem salutari incuriâ servâffet.

Imò eô hodie deventum est animi levitatis; ut, siqui ignavi homines rerum domesticarum jacturam passi sint; neque repetundis par labor propter socordiam sit; ii medicamenta compingant; quæ versô pollice ornatôque mendaciô afflictis vendunt: scilicet, ut horum miseriis pinguescant. Similes hi sunt pauperi cuidam latroni; qui divitem aliquem hominem occidit, ut ejus exuviis penuriam à se ipso avertat.

Quisquis Magistratum sancitâ lege servatâque continuò legis severitate tacitas istas reipublicæ pestes expellit, tot homines tutos servabit quot à morte caveret is, qui imminens bellum componeret pacemque statueret. *Homines ad Deos nullâ re propiùs accedunt, quàm salutem hominibus dando (k).*

CAPUT

(k) Tullius.

C A P U T X.

PETECHIAE SI CUM ALIO
QUOPIAM MORBO CONVE-
NIUNT, QUOMODO SUC-
CURRENDUM SIT?

Possunt etiam Petechiæ cum alio quo-
piam morbo convenire: ceu cum febre
intermittente, variolisve, aut cum dysen-
teriâ: maximèque tales morbi ubi omnes
simul circumeunt. Quemadmodum æstate
anni potissimum 1761, qua tempestate &
Petechiæ, & morbilli, & variolæ, & fe-
bris scarlatina, & dysenteria, & febris in-
termittens populares erant.

Et primò quidem potest febris inter-
mittens aut inter ipsas Petechias excitari,
aut possunt febri, quæ est, ipsæ Petechiæ
supervenire. De illâ suprâ scripsi: de hâc
nunc dicam.

Q 4

Si

Si ad febrim intermittentem, quæ per se talis existit, Petechiæ accedant; indicio sunt, in ægri imò ventre multa impura residere. Quare ante omnia alvus movenda est; vomitoriò quidem medicamentò, maximè verò purgantibus remediis: usque dum nullæ Petechiæ supersint: id est donec infimus venter ex toto purus sit. Deinde febris ipsa submovenda est per eas rationes, quæ eidem mederi possunt.

ÆGROTUS LXXXVI.

Anno 1761 à die 26 Aprilis mulier 40 annos nata laborabat febre intermittente tertianâ.

Erat ægræ facies lurida arteriarum pulsus parvus, vomendi desiderium, atque è ventriculo oppressio angustięque. Quare ægræ medicamentum emeticum exhibui; à quo singulare quidem nihil nisi aquam, qualem biberat, protinùs rejecit. Alvo verò multa impura deposuit.

Urina

Urina autem jumentorum urinæ similis facta est; eruperunt secundum interna brachia, juxtaque collum & suprâ pectus Petechiæ: quæ significabant, multa impura in imô ventre superesse.

Quare mediis inter accessiones tribus diebus alvum purgante pharmaco subdixi: deindeque cum impura omnia ex eâ descenderunt, ipsæque Petechiæ omnes evanuerunt, febrim cortice peruviano submovi.

AEGROTUS LXXXVII.

Puellam 5 annos natam, quæ anno 1760 mense Aprili febre intermittente quotidiana cum plurimis Petechiis laboraverat, rursus eadem febris proximo anno 1761 medio mense Majoprehendit, cum plurimis item in cute Petechiis. Tempore verò intermissionum omnis caloris expers puella in triviis cucurrit cum sociis ludendo temperans.

Hujus alvum tamdiu pharmaco purgavi, donec inde subtracta omnia impura fuissent; nihilque ex Petechiis restitisset. Deinde febrim ipsam cortice peruviano excussi.

Istas verò Petechias ideò reversas fuisse judico; quoniam ægræ venter superiore anno non satis post morbum purificatus fuit; sed multa hucusque impura in eo conveniunt ex malo victu. Erat enim ægra peregena.

AEGROTUS LXXXVIII.

Eodem tempore hujus ægræ soror 2 annos nata febre intermittente quotidianâ laboravit cum plurimis in cute purpureis Petechiis. Tempore item intermissionum bene habuit; tanquam nulla ipsi sive febris sive Petechiæ essent.

Hujus etiam alvum tamdiu pharmaco subduxi; donec omnia ex eâ impura descendissent

diffent neque Petechiæ superfuissent. Febrim ipsam deinde cortice peruviano profligavi.

Nonnunquam febris ipsa, quæ cum Petechiis est, per se definit, postea nempe quàm corpus pharmaco purificatum est.

AEGROTUS LXXXIX.

Anno 1760 die 3 Maii mulier 38 annos nata febre tertianâ laborabat: & cum tertiâ febris accessione Petechiæ secundum interna brachia juxtaque collum prodierunt.

Hujus alvum refinæ jalappæ granis septem & quatuor granis diagrydii ex syrupi florum persicorum unciâ subduxi: queis multa putrida descenderunt, ipsaque febris & mitior evenit & Petechiæ pallidiores factæ sunt. Cùmque alvum eodem pharmaco rursus submovissem, omniaque impura inde subtraxissem, febris ipsa esse desuit,

defiit, ægraque Petechiarum experts convaluit.

AEGROTUS XC.

Anno 1760 à die 27 Aprilis mulier annos 40 nata pauperrima & cui à duobus jam mensibus foeda scabies erat, nunc febre tertianâ cum eâdemque Petechiis, quæ positæ inter ipsam scabiem erant, laborabat. Erat præterea ægra perinfirma, & cibos nauseabat.

Dedi resinæ jalappæ grana septem & quatuor grana diagrydii ex fyrupi florum persicorum unciâ: à quibus multa putrida deposuit. Ipsa verò febris Petechiæque eâdem substiterunt. Quare alvum eodem pharmaco rursus purgavi: cùmque multa inde putrida descendissent, Petechiæ evanuerunt: ipsa verò febris alterno die reversa est. A quo verò alvus eodem item pharmaco

macô purgata fuisset , ipsa quoque febris esse desiit.

AEGROTUS XCI.

Anno 1760 â 4 die Maii puella 4 annos nata febre tertianâ laborabat.

A tertia accessione alvum resinæ jalapæ granis quatuor totidemque diagrydii cum syrapi florum persicorum unciâ mistis purgavi. Cùm multa putrida sic subducta fuissent , etiam proxima febris mitior accessit.

Aegra autem erecta obambulabat ; & ventrem tumidum habebat , & inditis digitis nares , tanquam ventre vermes haberet , fricabat. Venerunt suprâ dorsum ventremque , & juxtâ carpum , malaque , & suprâ tempora Petechiæ. Urina item jumentorum urinæ similis exiit.

Ob quæ ægram rursus pharmaco purgavi : â quo depositâ septies alvo multum
muci

muci descendit. Inde proxima febris mitior, ipsæque Petechiæ pallidiores factæ sunt. Cùmque ægra alvum denuò purgasset, convaluit omnis febris & Petechiarum expers.

Scire autem refert, ut etiam paulò magis suprà observavimus, Petechias in ipsis febrium paroxysmis neque magis rubras neque harum plus fuisse; quàm quidem tempore intermissionum. Ex quo rursum patet, Petechias non à calore fieri.

Nonnunquam Petechiæ cum alio quopiam morbo epidemico sunt. Ut enim diversa morborum popularium miasmata possunt in eodem aëre simul esse, ità etiam aliqua ex his nonnunquam in uno eodemque corpore conveniunt.

AEGROTUS XCII.

Anno 1761 die 4 Septembris mulier à duobus jam mensibus gravida cùm fuisset,
dysen-

dysenteriâ, quæ eo tempore popularis erat, aliquandiu laborabat.

Erat ista quidem dysenteria difficilis, cum eâdemque magna febris. Eruperunt præterea ex universâ corporis cute maximèque in internis brachiis multæ Petechiæ; & urina jumentorum urinæ similis cum sedimento craffo, tanquam cerevisiæ fermentum, evenit.

Quare ægræ alterno quoque die pulveris rhabarbari drachmam, & quavis inter utrosque hos dies horâ cochlear unum tincturæ rhabarbari aquosæ ingessi, ammistâ terrâ foliatâ tartari & syrupo rosarum solutivo.

His alvus maximè soluta est; ægraque plurima putrida mucumque dejecit, & post decem dies optimè valuit.

Possunt etiam Petechiæ inter variolas in cute esse: quod æstate anni 1761 vidi,
qua

qua tempestate variolæ populares, harumque aliæ discretæ, aliæ confluentes erant.

AEGROTUS XCIII.

Anno 1761 fine mensis Julii puella annos 12 nata, quasi febre putridâ laborabat. Ob quam medicamenta purgantia enemataque accepit; quæ multa putrida subtraxerunt.

Provenerunt in universa cute multæ Petechiæ; maximèque in internis brachiis: aliquosque post hæc dies innumeræ ubique variolæ parvæ & cohærentis quidem speciei ipsas inter Petechias. Cum his urinam turbidam cum sedimento, qualem jumenta mingunt, ægra emisit: ex quâ novi, multa impura in imô ventre superesse.

Ob quæ, quoniam verebar, ne variolæ, quæ per se satis malæ erant, pessimæ atque gangrænosæ forent, protinùs unaquâque horâ duo cochlearia mixturæ, ex
aqua-

aquarum destillatarum unciis quinque , & succi citrei atque syrapi rubi idæi uncia ingessi , adjectis extracti corticis peruviani drachmis tribus ; scilicet ut isto auxilio sanguinem tueri contra putredinem possem , donec benè impletæ ad suppurationem usque variolæ essent.

Verùm in his quidem variolis factum nullum pus est ; sed tales , quales hucusque fuerant , triduo manserunt : earum enim pus non coctum , sed veluti aqua fontis , ammistâ aliquâ exiguâ lactis portione erat : neque ipsæ variolæ intumuerunt , sed rugosæ mollesque extiterunt ; à quibus flaccida omnis cuticula facile secessit.

Quare iterum ad extractum corticis peruviani recursum est ; idque unaquâque horâ , donec variolæ siccæ fuissent crustasque demississent , præstitum est.

R.

Sic

Sic ægra optimè convaluit sine ullo incute vitio. Finitoque morbo alvum pharmaco ter subdixi, à quo multa putrida descenderunt. Inde etiam urina, quæ urinæ jumentorum similis antè fuerat, iterum tenuis limpidaque evenit.

AEGROTUS XCIV.

Paulò post, initio mensis Augusti puer triennis variolis discretis, inter quas multæ Petechiæ circumscriptæ potissimum in internis brachiis erant, laborabat.

Non adeò nunc istum quidem morborum conventum metuebam : cum quoniam ipsæ variolæ discretæ erant; tum quoniam prior curatio benè successerat. Julapium verò cum succo citrei nitroque & syrupo rubi idæi præstiti, & enema quotidie imperavi; scilicet, ut his, quidquid putridi infimus venter haberet, corrigerem, aliquam-

quàmque ejus portionem continuò subdu-
cerem ; donec variolæ plenæ proximèque
suppuraturæ essent.

Cùmque vidissem ; bonæ istas variolas
notæ esse , benèque suppurare , utique ,
propterea quòd faustus morbi exitus appa-
rebat , omnem medicinam dimisi ; æger-
que , quasi nullas Petechias haberet , con-
valuit.

AEGROTUS XCV.

Tertium deinde ægrum accepi 13 an-
nos natum , plethoricum , & genere ner-
vorum permobili. Hic protinùs calore
exarsit inque eo vehementer deliravit :
posteaquam vero sanguinem è venâ misit ,
resipuit.

Erat altero die urina jumentorum simi-
lis , inque cute multæ Petechiæ. Ob quas

R 2

quoti-

quotidie enema imperavi, quod multa putrida subtraxit. Accesserunt quarto die variolæ discretæ neque adeo multæ.

At quoniam benignæ istæ quidem variolæ erant, neque æger ideo magis cum Petechiis quàm quidem sine iisdem ægrotauit; rem utique naturæ omninò reliqui; diætamque præcepi, & potum tenuem liberaliter præstiti: quæ secuta perfectæ valetudo est.

AEGROTUS XCVI.

Anno 1762 die 22 Januarii puer puellæque, quorum alter 4 altera 5 annos habebat, laborabant variolis plurimis, parvis, discretis, paululum suppressis, & quarum aliquæ cohærebant.

Altero morbi die, antequam ipsæ variolæ erupissent, etiam multæ in cute Petechiæ

techiaë extiterunt, in internis potissimum brachiis, circumque collum, supraque pectus & juxta femina: eademque, donec perfecta variolarum suppuratio fuisset, integrè substituerunt.

Inclinato verò morbo & cum finita suppuratio fuisset, ipsæ etiam Petechiæ factæ pallidiores sunt; posteaque omninò disparuerunt, cum ficcæ variolarum crustæ à subiectâ cute decidissent.

His autem ægris non nisi diætam tenuem ordinavi, & coctam aquam præstiti, quam plurimam biberent.

Notandum autem est; istos quidem ægros non pejus cum Petechiis habuisse; quàm qui similibus variolis absque Petechiis laborant; neque singulare aliquod vitium propterea sive accidisse sive remansisse; sed facilè convaluisse eosdem, quasi nullas cum variolis Petechias habuissent.

Si cum purpurâ, quam his temporibus Medici usitatô pleonasmô rubram vocant (sed rectiùs quidem papulas miliares rubras appellarent) Petechiæ sunt; hæ per easdem rationes submoveri debent, per quas Petechiis, si solæ eæ sint, succurrî posse suprà posui.

AEGROTUS XCVII.

Anno 1760 die 22 Aprilis puella 5 annos nata subito calore exarsit; inque eo manibus intremuit, & deliravit.

Ob quæ protinùs julapium ex aquâ florum sambuci succoque citrei & nitro & syrupo rubi idæi præstiti, & decoctum refrigerans, quod liberaliter biberet.

His proximo die aliquantum ex calore minutum est, at multæ in cute Petechiæ eruperunt; ex quibus aliquæ ut lentæ latæ
erant,

erant , tanquam harum plures inter se convenissent. Quare serum lactis cum nitro & melle manè & vesperi ut enema præcepi.

Die 3 inclinata quidem febris est; nihilominus plures in cute maximèque juxta collum supràque & infrà axillas , ubi tenera cutis est, Petechiæ prodierunt. Propterea resinæ jalappæ grana tria totidemque diagrydii ex syrupo florum persicorum indidi; quæ multa putrida mucosa subtraxerunt. Urina etiam jumentorum similis evenit , & muci multum præcipitavit. Quarto item die ipsæ Petechiæ factæ magis pallidæ sunt.

Verum etiam hoc ipso die orta nova febris est, inque eâ papulæ miliares rubræ undique ex cute eruperunt: quæ postero die iterum evanuerunt; etsi febris eadem substitit. Quare ægræ alvo serum lactis cum nitro & melle injici jussi.

Nunc verò ægra in nonum usque diem omnia remedia respuit; intraque id temporis febre magis exarsit plurimasque iterum Petechias accepit: utique quoniam multa impura in infimò ventre supererant.

At ubi deinde ægra iterum ex fyrupo laxante alvum octies depofuit, urinam rursus jumentorum similem emisit, atque febris & Petechiarum expers evenit. Supervenit decimo die alvi profluvium, quod multa putrida mucosa trahendo prosperam valetudinem restituit.

Sic paulò magis suprà (1) ægrotus, qui purpuram rubram (id est papulas miliares rubras) cum Petechiis habebat, simili ratione curatus est; tanquam is folis Petechiis laborâffet.

Ex

(1) Aegrotus LXXIX.

Ex quibus, quoniam ipsæ quidem Petechiæ morbos, qui ex receptâ intrâ sanguinem causâ orsi sunt, si convenêrunt, neque vitiaverunt neque mutaverunt; verisimile est, ipsum Petechiarum miasma minimè in sanguinem penetrare; sed, quemadmodum suprà demonstravimus, maximè in imò ventre manere.

Non inutile fortassis erit; si rariorem aliquam morborum conjunctionem hîc recitavero; Petechiarum nempe, quæ cum catalepsi convenerunt.

Morborum enim omnium minimè communis catalepsis est: quem, quoniam is quam rarissimèprehendit, utique aliqui Medicorum ut fictitium intuebantur. At ego istud quidem vitii genus, etsi hucusque non vidissem, nihilominus aliquando extitisse ideò non dubitavi, quoniam de eo viri fide digni scripserunt: quamvis aliam,

ac isti quidem authores, omninoque diversam morbi causam esse semper putaverim. Nunc verò, posteaquam morbum ipse nuper vidi curavique, aliquantum magis & ejus indolem & qua submoveri possit rationem scio: subjiciamque quid eundem, cum Petechiarum morbo supervenerat, excuserit.

AEGROTUS XCVIII.

Anno 1764 die 7 Septembris vir 30 annos natus, macilenti corporis habitus atque tristis demissique animi, aliquantò magis incaluit, & capite doluit: ob quæ vena in brachio secta, extractaque aliqua sanguinis portio est. Post hæc aliquandiu neque benè valuit, neque cibos desideravit: deindeque os amarum accepit, cibos nauseavit, & corpore infirmus evenit, arteriarum item pulsum & debilem & frequentem habuit, cum vomendi desiderio.

Ex

Ex quibus judicavi, eum Petechiarum morbo affectum iri; maximèque, quòd iste morbus eâ tempestate & percommunis erat, & ipse æger suæ matri, quæ Petechias ante habebat, diu noctuque in morbo succurrerat.

Ob quam causam ægro tartarum emeticum præstiti; à quo multum bilis ore rejecit, aliquotque deinde dies alvum laxam sæpè depofuit. Præter hæc diætam tenuem & julapium refrigerans præcepi; potui verò dedi aquam adjecto succo citreorum. Hisque aliquibus adhuc diebus erectum sustinuit se.

Noctu deinde, quæ ab octavo in nonum morbi diem erat, adeò exitiosè habuit; ut eum fui ad proximum usque diem vix perventurum esse metuerint. In hac vitæ angustia ejus venam iterum fecuerunt, & tria emplastra vesicatoria applicârunt; quæ

quæ aliquantum profecisse videbantur. Sequente igitur die, cum illuxisset, aeger accessi, pessimè sanè habentem narratumque ab his, qui circum erant, accepì; ægrum, quemadmodum nunc haberet, ità noctu habuisse. Quem, cum curatius contemplatus fuissèm, catalepsi teneri vidi: veluti nunc dicam.

Supinus enim jacebat: universumque corporis truncum à pelvi ad verticem usque rigidum, tetanoque firmum, habebat: neque potuit inferior maxilla ab superiore diduci; sic enim spàsmo commissi utrimque dentes erant: grandes item versique dextrorsum oculi in unum veluti punctum fixi hærebant, tanquam ibi locorum æger aliquid studiosiùs intueretur: & siquidem manum meam quasi ictum inflictorus istis oculis vehementiùs admovebam, palpebræ aliquo modo nictitabant: inque oculis, id quod album esse debet, roseum erat, tur-

gidis

gidis sanguine vasculis : universa item corporis cutis magis , quam quidem sano consueverat , rubuit. Adeo facilem verò æger spiritum duxit ; ut ex eo neque thorax , neque abdomen agitari visum fuerit : at ubi aliquis ejus ori manum admovit , facile spirare eum , aëremque , quem reddidit , calidum exire , sentiebat. Abdomen (quod eò magis nosse potui , quò macilentior æger erat) sine motu , tenue , gracile , necquicquam molle erat : & siquidem in illud pugno impegi , æger per saltum expiravit. Cæterum is sine ullo sensu erat : nam acceptâ aliquâ linteaminis portione cùm infrà nares eum titillâsem , aut simile quid suprâ oris labia molliter duxissem reduxissemque ; ne minimum quidem ejus percepit : neque admoto naribus spiritu falis ammoniaci excitatus est.

Potui ejus membra pro lubitu movere ; eademque ut mollem ceram flectere ; in-
que

que situ, in quo ea posui, manebant. Manuum item digitos, quemadmodum volui, aut omnes simul, aut unum quemque figillatim modò magis modò minus vel flexi vel extendi; iidemque, in quo statu eos fivi, manserunt: magis tamen, extensum ubi sunt, intra palmam inclinabant; ut dormientis hominis digiti. Etiam in pugnum eos complicavi, modò autem carpum juxtà articulum flexi, modò extendi; modò cubitum, modò brachium elevavi, modò adduxi, modò abduxi, modò depressi, modò, quemadmodum gladiatoris, extendi: at illud, ubi extensum ità fuit, proprio pondere, veluti mollis cera, lentè descendit. Crura item femoraque diducere, adducere, flectere, atque extendere, prout volui, potui; sicque manserunt.

Aegri deinde truncum, qui, ut suprà memoravi, rigidus erat, erexi. Sicque æger,

æger, quemadmodum fanus, sedit; ver-
fosque dextrorsum oculos tenuit, tanquam
ibi aliquid contemplans. Ejus caput antè
flectere non potui, at in utramque par-
tem vertere: quorsumcunque verò caput
versum est, tamen intenti in latus dex-
trum oculi manebant, veluti in unum ibi
punctum fixi. Atque ità sedentem ali-
quandiu reliqui. Cùmque deinde meam
manum ejus thoraci admovissem, eumque
gradatim & per intervalla repulissem; is
tantundem, quantum volui, reclinatus,
quemadmodum ceraceus homo, est; ne-
que proprio pondere, etiam cùm pulvi-
nari rursus proximus venerat, relapsus
sed adhibitâ tandem manu demissus est.

Atque ità quidem æger per horam
unam spectaculo fuit: intrâ quod ejus
vultus colore rubro per intervalla suffusus
est: & arteriarum pulsus frequens erat,
atque æqualis universi corporis calor man-
fit.

fit. At exeunte istâ horâ , quasi aliquid eum strangularet, habuit : vultu enim rubuit, magnosque oculos diduxit atque in altum tulit : ob quæ protinûs erectus ab adstantibus est ; sicque tussit convulsorio modo , exque hiantē ore multum salivæ effudit. Post hæc iterum reclinato corpore demissus , aliquantum temporis , ut ante , cubuit. Deinde subito ad se rediit, veluti evigilans ; adstantesque circum contemplatus, quid sibi velint , quæsit ; risit, mactique animi non malè habuisse se , dixit ; exque impresso libro , quem ipsi protinus obtuleram , omnia facilè legit, & sine linguæ vitio pronunciavit.

Porro eum rogavi , quâ ratione proximè ante accessionem habuisset ? non malè habuisse se dixit ; at visum ante sibi fuisse , quasi multarum campanularum concentum modò audiret ; modò gratum labentis aquæ susurrum perciperet.

Post

Post hæc ejus corporis cutem perlustravi; inque eâ innumerabilem omninò Petechiarum copiam perspexi: præter eas in brachio dextro (scilicet in quò loco ante, ùt suprà dixi, secta vena constri-ctaque justò magis fascia erat) â cubito ad carpum usque multò major Petechiarum numerus, quas inter sparsæ multæ latae, diffusæque & aliquæ lateritii coloris erant, extabat; totumque istud brachium ab extremis digitis ad circumstrictam juxtà cubitum fasciam usque intumuerat.

Quam ob rem enema purgans præcepi; quod, quoniam sine profectu intus remansit, proximè secuta potio purgans est, quæ noctu multa putrida subduxit: indeque postero die, qui morbi decimus erat, aliquantum & ex morbo & ex Petechiis minutum est. Arteriarum quoque pulsus magis plenus evenit. Ob quam

causam , cùm ista medicina profecisset , eandem potionem laxantem iterum præstiti , quæ multa rursus putrida submōvit. Sicque sequentibus deinde undecimâ duodecimâque diebus idem purgans exhibui ; quod multa item putrida subtraxit ; exque his deletæ magis atque magis Petechiæ sunt.

Accessit mediâ nocte diei 13 delirium quod ad posteram usque noctem continuavit , intrâque id æger clausas iterum maxillas rigidamque cervicem habuit : at cùm proximè mens rediisset , extractum corticis peruviani medicinæ adjeci ; quod secuta tranquillitas somnusque est.

Die 15 reversa recta mens est , & factus arteriarum pulsus lentus atque plenus est ; ægerque posteaquam extracti corticis peruviani sesqui unciam assumerat ,
omnis

omnis inflammationis expers fuit : alvum etiam sæpè laxam deposuit, exque eâ multa putrida excussit. Inde benè habuit, atque arteriarum pulsus & magis plenus & magis lentus accepit, isque proximâ nocte, quemadmodum narratum accepi, potuisset quidem placidè dormire, nisi ridicula ejus phantasmata somnum interpellassent.

Postero die magis ad integritatem perventum est, & mens constitit, & arteriarum pulsus lentus erat, & plurimæ ex Petechiis evanuerunt : corticemque peruvianum secutæ multæ sedes putridæ sunt, & noctu requies.

Die 17 edendi desiderium, pulsus plenus, somnus noctu placidus : proximâ die 18 bona valetudo, fames denique. Tandem die 19 alvum rhabarbaro subdixi; quod cum multa item putrida subduxisset,

æger ex toto convaluit; neque imposterum recidit.



C A P U T X I.

DE MORBIS HUCUSQUE INTERCURRENTIBUS.

Supereſt, ut aliquantò magis de iis affectionibus differam; quæ inter Petechiarum morbum, cùm is popularis erat, cucurrerunt. Harum duo potiffimum genera extabant: alterum, quod ſine Petechiis quidem erat, at omnes Petechiarum morbi ipſius notas ex toto habuit: alterum, quod aliqua tantum ejus indicia retinuit; plurima verò diverſa, maxime autem ut pleuritidis ſigna habuit; per quæ & facile ſefellit, & magis occidit. De illo ſuprà ſcripſi: de hoc nunc dicam.

Illud

Illud autem ante omnia nosse expedit; fine anni 1762 atque initio anni 1763 post statutam pacem cum reversi milites fuissent; multique ex his trans terras Moguntinas ivissent, intraque easdem aliquandiu refedissent, rursus Petechiarum morbum, qui superiore æstate atque autumno declinaverat, nunc iterum magis excitatum fuisse. Sive is allatus ab ægris militibus, traditusque nostris incolis fuerit: sive idem per se ita increverit; eo quod petechiale miasma, quod ipsum inter nos supererat, nunc plura hominum corpora invenit, quæ vitiosa anni tempestas ante ad hunc morbum magis opportuna effecit. Erat enim superioribus mensibus Augusto, Septembri, Octobri, atque Novembri tempestas perhumida, continuæque pluviae, & densæ sæpè nebulæ; per quas emollita utique & laxata hominum corpora muci plurimum intus confe-

cerunt, qui denique computruit, atque vagum morbi miasma recepit. Quod utrumque verisimile videri potest.

Utcunque fit: illud magis ad rem pertinet, scire, illis temporibus istum quidem morbum & cum diffusis potissimum Petechiis fuisse, & perexitiosum simul: ipsasque Petechias in aliquorum cute duos dies extitisse; ex aliorum verò cute, cum vix apparuissent, protinùs recessisse. Nonnullos etiam eodem morbo sine Petechiis laborâsse. Præterea istum morbum, quoniam par vitii causa erat, eandem, quam superioribus annis, curationem recepisse.

Multos etiam iis temporibus pleuritide laborâsse; quæ, quoniam non à vulgari causâ excitata erat, vulgarem etiam medelam non admisit. Namque propterea quòd iste quidem lateris dolor ortus à simili

simili causâ fuit, à quâ ipse Petechiarum morbus provenit; debuit utique is eâdem, quâ ipsæ Petechiæ, ratione curari. Quâ sine causæ cognitione nullam morbus à communibus auxiliis curationem recepit. Recepit verò eandem ab his, quæ Petechiis mederi posse, suprâ dixi.

Ejus hæc conditio erat. Primùm ortum frigus cum eodemque acutus lateris sive dextri sive sinistri dolor est: finitoque frigore excitatus calor est, qui continenter exarsit. Huic dolori lateris tussis accessit, per quam tenax, ut albumen ovorum, at rufa pituita excreta est. Respiratio densa erat, & spiritus ob vehementem dolorem difficilis; inter hæc etiam tussis sicca, quæ nihil emolita est, ægrum excruciauit. Arteriarum pulsus parvus, frequens, & veluti suppressus erat: qui post missum sanguinem celer & plenus evenit.

Extractus ex aliorum venâ sanguis magis, ex aliorum verò minus glutinosus erat; nonnunquam etiam in crustam inflammatoriam coïvit. Cæterum, hujus quidem mucii plus erat, ubi morbus jam infedit, quàm ubi incepit.

Missus verò iterum iterumque sanguis, & imposita suprâ dolentem partem fomenta emollientia, applicata item emplastra vesicatoria lata; atque julapia refrigerantia decoctaque emollientia cum nitro & multo oxymelle squillitico, scilicet quæ pleuriticos juvare consuecunt, nequicquam, etiam ubi ab ipso morbi principio adhibita fuerint, profecerunt. Nulla namque sputa cocta exiêrunt. Accessit quinto die delirium; magis intenta febris est; urina flammea evenit; secuta gangræna est, quæ ægrum die septimo jugulavit.

ÆGRO-

AEGROTUS XCIX.

Anno 1762 die 9 Decembris virum 40 annos natum subito febris cum acuto finistri lateris doloreprehendit: ob quem missus è venâ multus sanguis, præstitumque decoctum emolliens est.

Quarto die, quo in auxilium vocabar, emota sputa rufa tenacia sunt, quæ poterant in longum trahi. Cum his magnus corporis calor, intentæque arteriæ erant, & densa respiratio.

Protinus jussi sanguinem è venâ liberaliter mitti; qui densam crustam quam proximè contraxit. Julapium item refrigerans præstiti, ammisso nitro cum multo oxymelle squillitico. Potui dedi aquam, in quâ molles herbæ decoctæ erant, adjecto nitro & oxymelle squillitico, quæ

æger liberaliter biberet. Insuper quatuor emplastra vesicatoria lata imperavi ; quorum latissimum omnem doloris locum comprehendit.

Quinto die accessit delirium , sexto applicata iterum quatuor emplastra vesicatoria sunt. Septimo die æger gangrænâ extinctus est.

A E G R O T U S C.

Anno 1762 die 24 Decembris vir 50 annos natus ante diluculum frigit ; simulque affectum acuto dolore latus sinistrum est : hunc subsecuta tussis est sputum tenax rufum trahens , spiritûs difficultas , magna febris , continuæque vigiliæ.

Missus protinus è venâ multus sanguis floridus mansit : qui verò vesperi inde extractus est magis , & qui altero die,
adhuc

adhuc magis mucosus erat. Ab ipso verò morbi principio æger julapium acidum cum multo nitro & oxymelle squillitico accepit; aquam item, cui herbæ molles incoctæ erant, etiam ultrà satietatem bibit adjecto nitro & oxymelle squillitico: cibo verò sumit hordeum ex aquâ coctum. Præter hæc imposita affecto lateri fomenta ex aquâ calidâ sunt. Cùmque sanguis altero die iterum mucosus evenisset, etiam quatuor emplastra vesicatoria lata, quorum unum doloris locum tegit, applicata sunt,

Inde mucum multum tussi extractum est. Accessit etiam tertiâ nocte somnus; & quarto die arteriæ quieverunt harumque pulsus mollis extitit.

At quinto morbi die succrevit febris; intentæque arteriæ sunt; alienata mens est; urina flammea evenit; universi corporis

poris calor magis exarsit ; facta urina rubra est : die sexto æger floccos collegit & septimo gangrænâ jugulatus est.

Insuper & illud scire refert ; nullum ex istis quidem ægris privatâ aliquâ labem antè vitiatum fuisse ; nihilo tamen minus, etiam cum adhibitô protinûs eo auxiliô, quod pleuriticis juvare solet , omnes periîsse. Ex quibus item patet ; diversam istius morbi fuisse & rationem , & diversam oportuisse medicinam.

Tales autem ægros eripere plus negotii erat. In hoc enim morbo præter ea , quæ suprâ posita sunt & in unoquoque acuto lateris dolore conveniunt , adhæc præcipuè attendendum erat ; ut quarto die , eo quòd nullum sputum coctum hucusque processit , superiori julepio extracti corticis peruviani tantum adjiceretur ; quantum quotidie intrâ unciam

aut

aut paulò magis suprà constitit. Cum his enema, ammisso sale & melle, sæpè injicere oportuit, quo alvus proflueret. Quodsi verò neque & hæc alvum movebant; addendum Sal five Glauberi five Seignette erat, donec fluxerit. Sic enim putrida colluvies, scilicet à qua morbus ipse erat, interea submoveri debuit, dum ejus reliquæ cortice peruviano intus condiebantur; ne eæ corpus antè corrumperent, quàm omnes descendissent. At, si alvus per se liquida secessit, quod nonnunquam contigit, infrà moventibus auxiliis opus non erat. Deinde superato morbô ægri diu imbecilli manserunt.

Quodsi verò ociùs, & ante quartum diem nosse licuit, pleuritidem à tali causâ esse; citiùs etiam alvum movere expedivit.

At

At quoniam exitiosum in communi pleuritide alvi profluvium esse consuevit;isque, quem causæ origo fefellit, videri posset, quasi ægros ducendo alvum in perniciem traheret; contrà verò aliùs, qui in isto lateris morbo alvum non movisset, ægros exitio daret; nunc ea signa proponam, per quæ istud vitii genus à communi pleuritide dijudicari queat. Scilicet, ut ex istâ notitiâ, si quando idem morbus imposterum futurus est, scire liceat, occurri quâ ratione possit.

Sunt autem ista signa maximè talia. Si popularis eo tempore talis Petechiarum morbus est: si æger faciem neque rubram neque oculos splendentes, secùs ac ex vulgari pleuritide, habet: contrà verò, si ejus facies lurida, cutisque vel plumbea, vel flava, & oculi tristes atque cavi sint: si membra magis fatigata & universum corpus majorem, quàm in communi

muni pleuritide , lassitudinem sentiat : si arteriarum pulsus in principio debilis & frequens sit ; aut , qui frequens & durus ante erat , deinde quarto die parvus eveniat , neque cum eo sputum coctum proveniat : si quarto die lividus circum oculos limbus appareat : si sputum tenax rufum aut rubrum quolibet tempore excreetur : si ardente febre urina flava , aut inclinata febre rubra , aut jumentorum similis eveniat : si vel orto per se , vel excitato post indita enemata alvi profluvio putrida colluvies mucusve descendat : denique si plures homines eadem tempestate ita laboraverint , quos similis curandi ratio salvavit ; indicio est , excitatam non à vulgari causa sed à privato quopiam vitio istam pleuritidem esse.

Non alienum insuper erit ; aliqua curationum exempla afferre ; ex quibus paulò diluci-

dilucidius videri queat ; huic morbo quâ ratione mederi conveniat.

AEGROTUS CI.

Anno 1762 die 26 Decembris fœmina 42 annorum subitò friguit & vehementer simul è latere dextro doluit. Ad hunc dolorem lateris febris accessit tussisque, per quam excreata pituita tenax & rufa est.

Missus protinùs liberaliter è venâ sanguis floridus erat ; idemque iterum iterumque extractus, quò magis morbi incrementum constitit, eò magis tenax & albus provenit. Cibus erat quam maximè tenuis & lenis ; præcipuèque sorbitio, eaque ex ptisanâ potissimum, aut cremor ptisanæ datus est. Medicinæ dedi julepium ammisso nitro & oxymelle squillitico : potui verò aquam, in qua molles herbæ

herbæ decoctæ erant, adjecto nitro & oxymelle squillitico. Lateri etiam, in quo dolor preffit, imposita fomenta sunt; & indita sæpè enemata ex fero lactis nitroque & melle.

His aliquantum quidem ex febre minutum est: nihilominus neque acutus dolor neque tussis esse desiit. Quare sex emplastra vesicatoria diversis corporis partibus applicari jussi; quorum latissimum doloris ambitum texit.

Neque verò etiam his cocta sputa sunt, sed rufa exierunt; facies lurida evenit & arteriarum pulsus celer; urinæ rubræ prodierunt; & alvo excreta maxime putrida erant. Accessit quarto die delirium, & genarum rubor ardorque, animi item inquietudo & corporis denu- datio; urina etiam rubra evenit.

T

Quare

Quare superioribus auxiliis extractum corticis peruviani addidi, cujus unciam intrà 24 horas ægra assumeret. Præter hæc injectum unoquoque trihorio enema purgans est.

His laxata alvus est; ex eâdemque multa putrida descenderunt. Et, cùm ægra diem septimum, intrà quem constitutum exitium esse consuevit, superâisset, inclinâtâ aliquantum febre resipuit. Ortum denique alvi profluvium est, quod plurima putrida traxit: cùmque ægra septem extracti corticis peruviani uncias consumfisset, die decimo convaluit absque sputi coëctione; victôque morbo aliquandiu perimbecilla decubuit. Deinde refecta est forbitionibus, & oleribus; sic, ut diu nihil nisi molle & lene sumfisset.

ÆGRO-

AEGROTUS CII.

Anno 1763 die 8 Januarii vir 40 annos natus è latere dextro, quartam inter & quintam costam veram, vehementer doluit. Hunc dolorem secuta tussis est, spiritus gravis, continuæ vigiliæ, cibi fastidium: arteriarum item pulsus parvus erat, & faciei cutis cineracea, & oculi retracti. Urina verò flava secessit, & cum vomitu sæpè bilis.

Missus è venâ sanguis floridus erat; at altero tertioque die mucosus ex aliquâ parte tenuem crustam contraxit.

Ab ipso autem morbi principio præstitum julapium acidum est cum oxymelle squillitico & nitro; potuique data aqua cocta ex mollibus herbis, adjecto nitro & oxymelle squillitico: impositi item fots

emollientes affecto lateri sunt. Cibo verò forbitiones.

Emota cum dolore sputa tenacia rufaque sunt: & elevatus tertio die articularum pulsus est; idemque celer evenit: accessit delirium & præcordiorum gravitas.

Jussi affectam lateris partem emplastro vesicatorio tegi; taliaque tria aliis corporis partibus imponi. Præter hæc enemata ex fero lactis nitroque & melle sæpe imperavi: queis subtracta putrida sunt.

Quoniam verò etiam die quarto sputa cocta non provenerunt, mensque magis alienata & aridæ fauces fuerunt, atque calor exarsit; verebar, ne æger die septimo gangrænâ jugularetur. Quare superiori julapio extracti corticis peruviani

ni dimidiam unciam ammiscui; sic, ut hujus auxilii unciam 24 intrâ horas æger assumeret.

Interea alvus post adhibita enemata laxa evenit; ex eâdemque multa putrida descenderunt: inclinâtâque post diem septimum febre æger resipuit; & victo denique morbo, posteaquam is extracti uncias octo consumserat, decimo die convaluit.

Cùmque imbecillus æger aliquantum levatus & cibo molli pluribus diebus reffectus fuisset; ei, cùm fatis validæ vires essent, purgans pharmacum præstiti, quod quamplurima juxta ac maximè putrida subtraxit.

Aliquos deinde dies integros perstiti; ut æger quiesceret. Posteaque purgans rursum pharmacum exhibui, quod multa

item putrida submovit. Inde rediit faciei flos decorque. Tussis etiam, quæ sputum crudum hucusque traxerat, nunc desit.

AEGROTUS CIII.

Anno 1763 die 8 Januarii mulier 40 annorum peracuto lateris dolore aliquandiu laboraverat, cum spirandi difficultate, & tussi aridâ, & celeri arteriarum pulsu, linguâ asperâ, & summâ febre.

Jussi venam iterum iterumque secari; ex quâ extractus sanguis mucosus est. Simul etiam julapium cum nitro & oxymelle squillitico præstiti; potui dedi aquam coctam ex mollibus herbis adjecto nitro & oxymelle squillitico: cibo verò forbitiones. Læso item lateri fomenta herbarum ex aquâ calidâ imposui.

His

His sputum tenax & rufum emotum est. Quarto verò die enema imperavi; à quo subducta putrida sunt.

Quoniam verò nullus ex his profectus erat, superioribus auxiliis extractum corticis peruviani adjeci.

Proximo die ortum largum alvi profluvium est; quod multa putrida subduxit. Cùmque ægra corticis peruviani aliquanto plus assumsisset, plurimaque putrida dejecisset, minus è latere doluit; & paulò post, adhibitis iisdem auxiliis, convaleuit.

AEGROTUS CIV.

Anno 1763 juvenem 26 annos natum, plethoricum, & qui venæsectionem, cui assueverat, hucusque intermisit, die 8 Januarii protinùs acutus intrà quartam quin-

tamque costam dolor prehendit ; quem febris & tussis & spirandi difficultas excepit.

Hujus venam secari jussi ; ex eâdemque , quoniam ita per vires licuit , sanguinis uncias 24 extraxi ; qui floridus mansit. Etiam julapium præstiti cum nitro & oxymelle squillitico ; potui dedi aquam coctam ex mollibus herbis ammisso nitro & oxymelle squillitico. Fetus item ex tinctis in aquam calidam herbis emollientibus læso lateri imposui.

Accessit delirium , vigiliæque. Ob quæ altero die missus iterum ad 12 uncias sanguis est , vesperique ob eandem causam , & quoniam satis validæ vires erant , tantundem sanguinis extractum est. Is mucosus & ex aliquâ parte crustâ inflammatoriâ tectus erat. Indita etiam enemata sunt ; quæ secutæ sunt dejectiones putridæ.

Prodiit

Prodiit sputum tenax rufum; quo quidam nihil ex acuto lateris dolore minutum est. Ob quam causam quatuor emplastra vesicatoria lata, quorum unum læsam partem comprehenderat, applicari jussi. Cùmque neque & hæc profecissent; die quarto extractum corticis peruviani superioribus remediis adjeci; sic, ut ejus unciam æger quotidie assumeret. Præter hæc injecta sæpè enemata sunt, quæ multa putrida subtraxerunt. Nonnunquam etiam urina jumentorum similis evenit.

Cùmque ex his levatus æger fuisset; Salis Seignette portionem ipsi cortici peruviano adjunxi; quo excitatum putridum alvi profluvium, exque eo minutus lateris dolor est, & sputum desiit, ægerque die duodecimo ex toto convaluit.

AEGROTUS CV.

Anno 1763 die 6 Februarii virum annos 50 natum frigus cum eodemque acutus in latere sinistro inter superiores costas dolor malè habuit. Finito frigore ortus calor est, qui continenter exarsit. Accessit acerba tussis & spirandi difficultas. Erat arteriarum pulsus frequens atque exilis, foedi oculi, pallida facies, lugubris aspectus.

Protinus sanguinem è venâ iterum traxi; qui aliquantum mucosus extitit. Item in quâ parte dolor pressit, eam mollibus herbis ex aquâ calidâ continuò foveri jussi, julapium cum nitro & oxymelle medicinæ dedi; potui verò aquam coctam ex mollibus herbis ammisto nitro & oxymelle squillitico. Præter hæc diætam tenuem imperavi.

His

His die 4 aliquantum quidem ex dolore minutum est. Sputi autem nonnihil, idque rufum atque tenax emotum est.

Ortum deinde putridum alvi profluvium est; quod adjecto Sale Seignette continuavi.

Nihilominus perinfirmitas corpus erat, & fatigata membra, & facies lurida, & spiritus gravior, & doloris quicquam in latere, & tussis arida quæ nihil emolita est.

Ob quæ die 6to superioribus auxiliis corticis peruviani extractum ammiscui; quod ægrum, interea cum putrida continenter dejecisset, magis atque magis eripuit.

Die 13 post quatuor extracti corticis uncias æger benè habuit, tussis atque doloris

loris expers : cibos rursus desideravit, prodierunt oculi, & reversus faciei decor est. Deinde alvum pharmaco purgavi; ut, siquid putridi intus remansisset, idem subtraheretur.

Horum etiam ægrorum unus sopore, ut in ipso Petechiarum morbo, correptus erat.

AEGROTUS CVI.

Scilicet anno 1763 die 1 Februarii juvenis 24 annorum simili dolore superiores dextri lateris costas inter excruciabatur; quem submovere neque extractus iterum iterumque è venâ sanguis, neque fomenta aquosa, neque julapia, neque decocta herbarum mollia, neque nitrum neque oxymel, neque imposita lata emplastra vesicatoria poterant. Secutum nullum sputum est; & siquod provenit, illud sine profectu tenax atque rufum erat.

Ortum

Ortum die 6 putridum alvi profluvium est ; quod ad morbi finem usque continuavit.

Accessit delirium ; & die decimò profundus somnus , qui ægrum , quemadmodum in ipso Petechiarum morbo , in diem septimum decimum usque tenuit : finitoque isto somno æger cibos , etsi perimbecillus adhuc , appetiit.

A quo autem tempore alienari mens coepit ; quotidie , donec de salute constisset , extracti corticis peruviani unciam dimidiam præstiti ; superatoque morbo alvum pharmaco iterum iterumque subdixi.

Alius item cum isto lateris dolore ipsas diffusas Petechias habuit ; & die septimo deletus est.

Nosse autem licet ; nullum à sputo ipso beneficium fuisse : nam neque melius habue-

habuerunt, qui multum, quàm qui parum excreârunt. Neutrumque coctum erat. Alii enim morbum superârunt, & spuere defierunt, secunda valetudo ubi reverti coepit; alii cum multo sputo, ad tres quotidie libras, periêre. Extincti verò omnes sunt, quorum sanguis, quò magis morbus infedit, eò plus crustæ inflammatoriæ confecit; aut quorum crusta, quò sanguinis plus missum est, eò durior evenit. Veluti nunc unum præ cæteris exemplum ponam.

AEGROTUS CVII.

Anno 1763 die 21 Januarii virum 43 annos natum vehemens in latere sinistro quartam inter & quintam costam veram dolor pressit cum febre, tussi, spirandi difficultate & vigiliis.

Extractus protinùs multus è venâ sanguis floridus extitit; missusque iterum
muco-

mucosus evenit ; denuò missus crustam inflammatoriam habuit ; & qui rursus extractus rursusque est , duram magis , magisque duram crustam accepit.

Ab ipso autem morbi principio præstitum julapium cum nitro & oxymelle squillitico est , potusque ex aquâ cui molles herbæ incoctæ erant , adjecto nitro & oxymelle squillitico : sic , ut æger 24 intrâ horas octo ferè oxymellis uncias assumeret , septem ita diebus. Impositi etiam suprâ affectam partem fots ex herbis mollibus sunt , priùs in aquam calidam tinctis. Præter hæc interdum enema refrigerans injectum est.

Cùm verò lateris tormentum tertio die non remississet , applicata quinque emplastra vesicatoria lata sunt ; ex quibus unum omnem doloris ambitum contexit.

His

His minutus in latere dolor est; plurimumque sputum tenax rufum, ultrà libras duas quotidie, emotum est; idemque sic in diem septimum usque continuavit.

Interea autem temporis dolor, cum is latus dimisisset, abdomen ex adversâ parte occupavit; ægrumque excruciauit. Posteaquam verò inditis sæpè enematibus extracta multa putrida plurimusque mucus fuit, etiam istud tormentum esse desiit.

Quarto autem morbi die arteriarum pulsus exilis evenit, & æger perimbecillum corpus accepit, retracti oculi sunt, facta lurida facies est, & frigido sudore cutis immaduit. Ob quæ adjecta quotidie superioribus remediis extracti corticis peruviani uncia est.

Deinde

Deinde die 6 rursus febris vehementer exarsit; missusque intra eam sanguis albus tenax in crustam coriaceam, quæ discindi non potuit, coivit. Dieque 7 æger gangrænâ jugulatus est, multum hucusque sputum tenax rufum reddens.

Atque istud quidem pleuritidis genus exeunte mense Februario anni 1763 desinit; ipsæ autem Petechiæ modò diffusæ modò circumscriptæ, etsi non percommunes, tamen aliquandò posterioribus annis esse continuârunt.

Et Petechiarum quidem ratio talis est: quas omnium Scriptorum primus FRACASTORIUS memoriæ prodidit; cùm anno 1505 & 1528 in Italiâ populares fuerunt: etsi eæ in cæteris Regionibus, ut Cypro & vicinis Insulis familiares & diu ante ibidem cognitæ fuissent. Neque ignoro, quosdam dicere; FRA-
U CASTO-

CASTORIUM latiùs quidem & diluci-
diùs istum morbum descripsisse ; nihil ta-
men reperiisse , quod non à vetustissimo
authore **HIPPOCRATE** paucis verbis
comprehensum sit. Oportet autem neque
recentiores viros in his fraudare , quæ
vel reppererunt , vel rectè secuti sunt ;
& tamen ea , quæ apud antiquiores ali-
quos posita sunt , authoribus suis red-
dere. Neque tamen dubitari potest ;
quin **HIPPOCRATES** , etiam qui mi-
nimos morbos annotaverat , ipsum uti-
que **Petechiarum** morbum , si fuisset ,
curatiùs descripserit. Ob quæ judico ;
istum **Petechiarum** morbum antiquissimis
olim temporibus non fuisse. Aspretudi-
nes enim moribus culicum similes , de
quibus ipse **HIPPOCRATES** in suis de
morbis popularibus atque coacarum præ-
notionum libris scripsit , adeo diversæ à
Petechiis sunt ; ut supervacaneum sit ;
ideò

ideò cum iis controversiam inire , qui
istas aspretudines pro Petechiis habere
volunt.

F I N I S.



U 2

SERIES

SERIES CAPITUM.

- CAPUT I. *An, & quando Petechiarum morbus sit?* pag. 9
- CAPUT II. *Quæ sint notæ Petechialis morbi?* 14
- CAPUT III. *Proponuntur curationum experimenta* 31
- CAPUT IV. *Quæ sit causa Petechiarum: & quâ ratione ipsi morbo medendum sit?* 69
- CAPUT V. *Petechiarum miasma in qua corporis parte resideat?* 112
- CAPUT VI. *Ex qua corporis parte febris ordiatur?* 133
- CAPUT VII. *Explicatio symptomatum* 141

CAPUT

CAPUT VIII. *De vitiis, quæ Petechia-*
rum morbo sæpè vel su-
perveniunt, vel ab eodem
superfunt pag. 184

CAPUT IX. *De curationum diversis*
generibus 216

CAPUT X. *Petechiæ ubi cum alio*
quopiam morbo conve-
niunt, quomodo succur-
rendum sit? 247

CAPUT XI. *De morbis hucusque in-*
tercurrentibus 276



Sequentes in officina typographica aulica Macklottiana impressi vel brevi litteris exscribendi libri tam in ipsius bibliopolio aulico, quam in aliis celebribus indigenis & extraneis bibliopoliis statim vel brevi tempore inveniri possunt.

Shoepflii (Joh. Dan. Historiographi Franciæ) Historia Zaringo-Badenfis, tomus I, II, III, IV, V & VI cum multis figuris ære incisis, med. 4. Charta scriptoria 1763 - 1766. 45 fl.

- - - Tomus VII & ultimus sub prelo.

de Schmidt (Frid. Sam. Confiliarii intimi legationum Serenissimi Marchionis Bada-Durlacensis) opuscula, quibus res antiquæ præcipue Aegyptiacæ explanantur, 8. Carolsr. 1765. Charta scriptoria. 1 fl.

- - - dito tomus II sub prelo.

Hic tomus & sequentes continebunt ea scripta, quæ perillustri academia regia inscriptionum & liberalium artium Lutetiæ Parisiorum decem continuis annis, præmio digna judicavit.

Differtatio quarta tomi primi de commerciis & navigationibus Ptolemæorum præmium tulit A. 1762.

Tomus secundus continebit scriptiones de cultu animalium apud Aegyptios,
de

de sacerdotibus & sacrificiis Aegyptiorum. De eorundem regibus & militia.

In ceteris voluminibus illæ dissertationes occurrent, quæ agunt de Osiride, Iside, Horo, Harpocrate, Anubide, Serapide, Nilo, Canopo, Typhone ac de pluribus aliis minoribus Aegypti Numinibus.

Obereidii (Jac. Herm.) universalis confortativa medendi methodus, disquisitio nova, med. 8. Charta scriptoria 1766. Sub prelo.

Daira Histoire Orientale, en quatre parties, II Tomes; nouvelle Edition, 8. à Amsterd. & se trouve à Carlsrouhe 1764. 1 fl.

les Revers d'Aristobule Philosophe grec. suivis d'un abrégé de la vie de formose, 8. 1762. Charta scriptoria. 15 kr.



ERRATA.

Pag. 15 lin. 5 ut [] plurimum *lege*: utplurimum

pag. 31 lin. 13 futurum *lege*: facturum

pag. 34 lin. 7 Hi *lege*: His

pag. 79 lin. 5 per fordida *lege*: perfordida

pag. 88 lin. 18 petechias *lege*: petechiæ

pag. 114 lin. 6 comeftique *lege*: comeftisque

pag. 122 lin. 17 ex purgatâ *lege*: expurgatâ

pag. 188 lin. 17 medias *lege*: mediis

pag. 201 lin. 3 per multa *lege*: permulta

pag. 204 lin. 5 peruvianâ *lege*: peruviano

pag. 213 lin. 21 tophicum *lege*: tophi cum

pag. 245 lin. 12 medicina *lege*: medicinam.

